

***ASO GAFUA, 28 JANUARI 2019***

*Na nofoia e le Fofoga Fetalai le Nofoa i le itula e 9:07 i le taeao.*

Tatalo.

**FOFOGA FETALAI:** Ou te faasila atu ua toe amatalia nei Taualumaga a le Fono Aoao Faitulafono.

Ia, ua malo le soifua, ua malo foi le lagi e mama ma le tauatai i lenei taeao fou, faamoemoe i le Atua ina ia faapena ona maua le malosi e faaauau ai le tatou galuega i le amataga o lenei vaiaso fou.

E tolopo galuega a le Fono Aoao i le Aso Fono i le Aso Faraile 25 Ianuari 2019, ua oo i le iloiloga auiliili.

**TULAFONO TAU FAAOFI O TEUTEUGA O LE TULAFONO MO LE SOIFUA MALOLOINA 2019 - iloiloga auiliili**

**FOFOGA FETALAI:** E tusa ai ma Tulafono Tumau, e amata le iloiloga auiliili i le Fuaiupu 2.

**FUAIUPU 2:** Ua teuteuina le fuaiupu 2.

*Faamaonia.*

**FUAIUPU 3:** Ua suia le fuaiupu 5.

*Faamaonia.*

**FUAIUPU 4:** Ua teuteuina le fuaiupu 8.

*Faamaonia.*

**FUAIUPU 5:** Ua suia le Vaega 4.

*Faamaonia.*

**28 JANUARI 2019**

**Tulafono Tau Faaofi o Teuteuga o le Tulafono mo le Soifua Maloloina  
2019 – iloiloga auiliili**

**FUAIUPU 6: Ua teuteuina le fuaiupu 19.**

**FOFOGA FETALAI:** Se i tulai mai le sui usufono mo Palauli le Falefa.

**Afioga Hon FAUMUINA TIATIA FAAOLATANE LIUGA (Palauli le Falefa):** Lau Afioga i le Fofoga Fetalai, sa ou taua le vaega lea i lau lauga faalauaitele e uiga i lenei Tulafono Tau Faaofi. Mo le silafia e le Maota, o le vaega lea o le Tulafono e faatulai mai nei i le teuteuga o le Vaega 19, o le Vaega 19 na... e 61 Tulafono na soloia ai fuaiupu ia ina ua finagalo le Malo e faamatuu atu matafaioi nei i lalo o le Matagaluega o Tupe, o le Matagaluega mo Tupe Maua, faapea le Matagaluega mo Pisinisi, Alamanua ma Leipa. O le vaega la lea, e 61 Tulafono sa suaiai, e aofia ai ma Tulafono e lua i lalo o le vaega lea o auaunaga Faa-Soifua maloloina ma le Matagaluega o le Soifua Maloloina. O lea la ua faatu mai e soloia le Vaega 4 o le Tulafono, ua uma ona soloia atoa lava.

Lau Afioga i le Fofoga Fetalai, ou te faatu ai le lafo, *Ina ia faautagia le soloia lea na soloia ai aua o lea ua i lalo o le Matagaluega o Tupe, Matagaluega mo Tupe Maua ma le Matagaluega, ua faasee ese ai le Minisita mai matafaioi ia ae tuu atu i Matagaluega ia e tolu, ona toe foi ai lea o le fautuaga i totonu o le Kapaneta e fai ai le faaiuga mulimuli. Ma lou faaaloalo lava lau Afioga.*

**FOFOGA FETALAI:** E i ai se isi sui usufono mo le faasaoina o le tulai atu o le Minisita?

Ia ou te tapa lau Afioga i le Minisita mo sou finagalo i finagalo e pei ona faaalia i le teuteuga o le Fuaiupu 19.

**Afioga Hon TUITAMA TALALELEI TUITAMA:** Faafetai mo le faafesili. O le vaega lea ua uma ona ou talanoa i ai i le tatou Attorney General. O le faamalamalamaga lea na oo mai ia te au, o lea ua aveese le Fuaiupu 4 ona o lea e aafia ai le NHS. O le 1, 2 ma le 3 ua faasaoina ona o lea e aumai ai tau faaee atu e aofia ai ma regulations, lea la e tatau ona i ai i totonu o le Tulafono lea o le 2006, Minisitry of Health Act 2006 lea o lo o faavae ai le tulaga lea lau Afioga.

Ia o le faamalamalamaga lea na tuuina mai e le Attorney General.

**FOFOGA FETALAI:** Se i toe tuu atu lava le avanoa mulimuli lea i le sui usufono mo Palauli le Falefa.

**Afioga Hon FAUMUINA TIATIA FAAOLATANE LIUGA:** Faafetai i lau Afioga i le Fofoga Fetalai, faafetai foi i lau Afioga i le Minisita e tusa o lea ua feteenai lava mea ia e lua. Afai ua finagalo le Kapaneta e tuu atu le responsibility i le Board of Revenue, o le a le mea o le a toe faapalapala ai le Afioga i le Minisita? O lona uiga o le a ese le Tulafono lea ese le Tulafono a isi Ministry.

**28 JANUARI 2019**

**Tulafono Tau Faaofi o Teuteuga o le Tulafono mo le Soifua Maloloina  
2019 – iloiloga auiliili**

E 61 Tulafono a Matagaluega ma Faalapotopotoga na soloia ai le mataupu lea, ina ia see atu le responsibility ina ia tasi le itutino o le Malo e feagai ma le coordination. Aua o le mea lea o lea e toulu solo ai le faiga o mea ia o tau faaee atu ona e tofu lava le Matagaluega ma le Faalapotopotoga ma le latou faiga faavae, ona uma ae lea, ua leiloa po o ai la e responsible, ae sili ona tuu i lalo o itutino ia e tolu, ina ia ogatasi ma faiga faavae a le Malo. Ma lou faaaloalo lava.

**FOFOGA FETALAI:** Malo faafetai. Ia se i tulai mai lava le Afioga i le Palemia.

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI (Palemia):** Lau Afioga i le Fofoga Fetalai, e le aveesea lava le tiute tauave lea o le Revenue Board, tusa o le Komiti lea e toe iloiloina ni fua togipau pe a faapea e faatulai mai e se Matagaluega po o se Faalapotopotoga foi, ae manaomia ai ni toe teuteuga o malosi faapena. E faapea lava le tulaga o le tatou Malo, o la e i ai lava le avanoa e fai foi e isi Faalapotopotoga, ae i ai lava foi le taimi o le Revenue Board e tilotilo pea i ai, a i ai lava so latou taofi e tatau ona faaalia so latou finagalo, e le taofia le mea lena, o lea lava o lo o i ai le tofa fetalai, le flexibility e mafai ai lava ona faatino galuega a le Revenue Board e pei ona laga e le Minisita. A o le Tulafono lea sa faatuina i le 1988 agai mai i le 1989 i lou taimi, o la e i ai lava le flexibility lena.

**FOFOGA FETALAI:** Malo faafetai. Ua ou manatu ua manino le folasaga a le Malo, e aoga foi le saunoaga a le sui usufono mo Palauli le Falefa e faamanino atili ai le fuafuaga e pei ona faataatia i ai e le Malo le teuteuga o lenei Tulafono.

**FUAIUPU 6: Ua avea le fuaiupu 6 ma vaega o le Tulafono**

*Faamaonia.*

**FUAIUPU 7: Ua faaoifiina le fuaiupu 21A fou.**

*Faamaonia.*

**FUAIUPU 8: Ua teuteuina le fuaiupu 24.**

*Faamaonia.*

**28 JANUARI 2019**

**Tulafono Tau Faaofi o Teuteuga o le Tulafono mo le Soifua Maloloina  
2019 – iloiloga auiliili**

**FUAIUPU 9: Ua faaofiina le fuaiupu 28 fou.**

**FOFOGA FETALAI:** Tulai mai le sui usufono mo Faleata Sisifo.

**Tofa LEALALEPULE RIMONI AIAFI (Faleata i Sisifo):** Lau Afioga i le Fofoga Fetalai, faamolemole ma le ava tele, muamua faafetai mo le suiga o le toe faafoi o le igoa o le Director General of Health, o mea e tatau ona toe faafoi ina ia atagia ai le tulaga talafeagai o le igoa, designation, ma avanoa faapea i isi vaega o le lalolagi.

Ae fia fesili lava i le Vaega lea 9(3)(c) lea e faapea mai ai; nisi o tomai ma agavaa e pei ona faamaonia e le Minisita, o le a tonu?... ona e pei e atagia ai...o le laugatasia o Tulafono faapenei a Matagaluega taitasi, a o lea pei ua ese mai le Tulafono lea. E le afaina... a o le mea lea ou te fesili ai, po o le Minisita?, mo le puipuiga o le Minisita. Aua foi o aiaiga o avanoa nei o lo o i ai lava mea ua uma ona faataatia. Ia manatua foi la, o le Minisita e fautua e le Pule Sili, o Minisita foi o tulaga lava ia o Minisita pei ona silafia e fai ma sui sui. E pei o le tulaga lena lea ou te fia faafesili atu ai i le vaega lea o le Tulafono po o se vaega fou lea ua fai pe a sailia Ofisa Sili o Pulega o Matagaluega. Ma le faaaloalo lava. Faafetai.

**FOFOGA FETALAI:** Malo faafetai. E i ai se isi fesili, a leai o le a tapa le Afioga i le Minisita mo le toe faapupulaina o lea mataupu?

**Afioga Hon TUITAMA TALALELEI TUITAMA:** Lau Afioga, o lau matau atu i le Vaega lea e 9, e pei o le suia lea o le vaega e 24 o lo o i ai regulations e faasaga i mea o requirements foi ia a le Malo po o le Matagaluega e totogi atu ai fees i faalapotopotoga foi ia o lea e auai i le lalolagi, faapea foi ma tulaga tau boards securities. O lo o matau lelei la po o le a tonu le vaega lea e ui mai ai le faaui lava a le sui usufono lea. Ma le agaga faaaloalo.

**FOFOGA FETALAI:** Masalo e... leai e faapena, o le faamalamalamaga a le Malo e faapena ona... ae leaga o lea e tele ina... a silasila foi i le Vaega e 5 o lo o faapena ona suia ai, o lona uiga a tuuina mai i lalo i i, ua maea ona sui le vaega lea e fesili i ai le Afioga i le sui usufono mamalu mai Faleata i Sisifo. A o lea ua saunoa faamalamalamaga le Minisita, o isi na itu o teuteuga o le Tulafono lenei lau Afioga e pei ona tuuina mai.

**FUAIUPU 9: Avea ma Vaega o le Tulafono**

*Faamaonia.*

**28 JANUARI 2019**

**Tulafono Tau Faaofi o Teuteuga o le Tulafono mo le Soifua Maloloina  
2019 – iloiloga auiliili**

**FUAIUPU 10: Teuteuga faatupulaia.**

*Faamaonia.*

**FUAIUPU 11: Soloia.**

**Tofa LEALIALEPULE RIMONI AIAFI:** Faafetai lava. E faamalulu atu i le Minisita, e fia malamalama i le vaega lea, ona o lea ua vaa'i atu i le structure fou lea ua i ai o lea o le a filifili le Deputy Director General. O le fesili la i lau Afioga, a faitau le Tulafono atoa, tusa na o le Ofisa Sili lea e toe faasalalau. A faapea o tagata uma e faaauau. O le mea la lea e fia malamalama ai, ona tasi lea Matagaluega e tele ACEOs. O le mea o le a sui tulaga ia o ACEOs i Deputy Director Generals, po o le mea o ni avanoa fou mea ia o Deputy Director Generals ia sa i ai, e ese mai ACEOs? Ma lou faaaloalo lava.

**Afioga Hon TUITAMA TALALELEI TUITAMA:** Lau Afioga i le Fofoga Fetalai, e tele lava fesili faapea o lea sa auala mai foi i le tele o sui usufono i le taimi na faatalanoaina ai le Tulafono i lona faitauga faalua. Ma o le itu lea e le o laaloa ai foi le silasila a le Matagaluega faatasi ma le tatou Loia Sili i le tuufaatasiga o lenei Tulafono. E pei ona fesiligia au i se taimi ua mavae e se tasi o sui usufono i mea lava ia tau redundancies. O lea sa ou ta'u manino atu, o lo o i ai Tulafono e aiaia ai vaega ia, ma e le alo ese ai foi le Matagaluega i le mulimulitaia o ia Tulafono ma ia taiala, ina ia faatino e tusa ai ma faiga faavae a lo tatou Malo. O tulaga la i vaega ia ua taua o contract employees a le NHS e faaauau pea as if there were awarded under the MOH Act. O lona lua o Contract Benefits and Employment Benefits, o le aufaigaluega uma lava o le a faaauau pea ma e maua. O contract benefits foi e faaauau seia oo lava ina maea le taimi o konekarate. For all employees benefit will continue under the Public Service Law. O lea o le a faassee atu nei i la tatou galuega. O le mea tau redundancies, o le a fuafuaina lava e le Director General, i lalo o le Constitution a le Public Service Commission. Afai e i ai ni faamanuiaga i lalo o le tulaga lea i lalo o le tulaga o le vaea mo le aufaigaluega a le NHS. O le a fuafu lava e tusa ai ma redundancy policy under the redeal NHS Act immediately prior to the commencement o le tatou NHS Amendment Bill 2019 lea o lo o faatalanoaina nei. Mo le aufaigaluega lava ia a le MOH, o le a fuafu lava ia faamanuiaga i lalo o le redundancy e tusa ai ma le Public Service Act 2004. E pei o le faaaliga lea lau afioga, e tusa ai ma le faafesili lea mo le faamalamalamaga. Ma le faaaloalo.

**Tofa Hon Laufo Fonotoe Nuafesili Pierre Laufo:** Malie lau Afioga i le Fofoga Fetalai

**FOFOGA FETALAI:** Tulai mai le sui usufono mo Anoamaa i Sisifo.

**28 JANUARI 2019**

**Tulafono Tau Faaofi o Teuteuga o le Tulafono mo le Soifua Maloloina  
2019 – iloiloga auiliili**

**Tofa Hon Lauofo Fonotoe Nuafesili Pierre Lauofo:** O au sa ou fesili i le redundancies. E na o le fesili lava e fia malamalama i le seleni lea e faatupe ai redundancies. Po o i lalo o le Tala Faaopoopo o le tala po o se isi vaega tupe lea e aumai ai?

**FOFOGA FETALAI:** Po o maua mai le faauilavea...

**Afioga Hon TUITAMA TALALEI TUITAMA:** Faapea ailoga e fesili se isi i ia mea, o tupe lava a lo tatou Malo. A sau i le NHS e sau i le NHS a sau i le Treasury sau i le Treasury, e fesolo ai lava tupe aumai lea taga aumai lea taga a le Malo. Ao fea la e aumai ai tupe? o tupe a le Malo.

**Tofa Hon Lauofo Fonotoe Nuafesili Pierre Lauofo:** Lau Afioga i le Fofoga Fetalai, ona o tupe e faaaoga i mea ia, e tatau ona pasia atu e le Maota, o lea e mafua ai ona ou fesili.

**FOFOGA FETALAI:** Onosai mai le sui usufono se i tulai mai le Palemia.

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi:** E le fou lenei mea, sa fai foi isi tatou redundancies muamua, e le fou. O lo o i ai foi le ala o mea o lea foi e malamalama i ai le sui usufono sa tulai mai nei. E sao le sui usufono e faatulaga uma lava vaegatupe e faaalu mo lea mea ma lea mea. Ao lea foi e i ai ma vaegatupe lea i tulaga e le i fuafuaina, o lea foi e i ai alagatupe faapena. Mo fuafuaga e lei manino ma le i fuafuaina i le taimi na pasia ai. O le isi foi auala e faatino ai mea faapenei, a alu alu loa ua i ai se tautoai, toe foi mai lava i le Kapaneta, ona avatu foi lea e le Kapaneta ia le faaiuga i le mea e tatau ona fai. E le fou, o le mea lea ia malie le sui usufono, o mea lava ia sa tatou faia i le Kapaneta. E leai lava se auala e fou, ma e le mafai foi ona faatagaina e le Malo se isi e alu alu nofo ona o le leai o se tupe. E i ai lava auala mo le faaavanoaina o isi alatupe e faatino ai. Ae a oo foi lava ua manaomia, e fai lava le faaiuga a le Kapaneta i tulaga masani. O lea foi la na aumai ai le mataupu i totonu e teuteu a tatou faavae mai le 1% i le 3% ae o le unauthorized expenditure i tulaga e mafai ona tua i ai le Malo. Pe a faapea ua manaomia vave ia seleni, ae le i aumaia i totonu, faatoa aumai mulimuli ai i le Palemene lenei.

**FOFOGA FETALAI:** Malo faafetai o lea ua maninoí .

**Tofa Hon Lauofo Fonotoe Nuafesili Pierre Lauofo:** Lau afioga i le Fofoga Fetalai, o lea ua faamalieina le fesili ua i ai tatou unforeseen tatou unauthorized, ao ia ituaiga tali e aumai le isi taga i le isi taga, o a ma a, faamalulu atu.

**FOFOGA FETALAI:** Leaga o tulaga naí

**28 JANUARI 2019**

**Tulafono Tau Faaofi o Teuteuga o le Tulafono mo le Soifua Maloloina  
2019 – faitauga faatolu**

**Afioga Hon TUITAMA TALALELEI TUITAMA:** Lau Afioga i le Fofoga Fetalai, o le unauthorized foi o le isi taga a le Malo e le o se taga a se isi.

**FOFOGA FETALAI:** O tulaga lava ia masani e pei ona sau ai, e leai se suiga. O sui usufono foi e pei ona faauilavea, o sui usufono foi sa lotolotoi i tulaga Kapaneta i futia ua sola. Ua lava foi lo latou silafia e leai se mea o sua i faiga faavae a le Malo. Malo faafetai.

*Na faamaonia le Fuaiupu 11.*

**FUAIUPU 12: Ua suaia le Faamatalaga 2.**

*Faamaonia.*

**FUAIUPU 1 MA LE IGOA:**

**FUAIUPU 1:** *Igoa puupuu ma le amataga*

**IGOA:** *Teuteuga o le Tulafono o le Soifua Maloloina 2019*

*Faamaonia.*

*Na faagasolo le Tulafono Tau Faaofi o Teuteuga o le Tulafono o le Soifua Maloloina 2019, e aunoa ma se Teuteuga.*

**TULAFONO TAU FAAOFI O TEUTEUGA O LE TULAFONO O LE SOIFUA MALOLOINA 2019 - faitauga faatolu.**

**Afioga Hon TUITAMA TALALELEI TUITAMA:** Lau Afioga i le Fofoga Fetalai, ou te faatu le lafo, *Ina ia faitauina nei le Tulafono Tau Faaofi o le Teuteuga o le Tulafono o le Soifua Maloloina 2019 i lona faitauga faatolu.*

*Faaluaina e le Minisita mo Galuega, Felauaiga ma Atinae Eseese, Minisita mo Pisinisi, Alamanuia ma Leipa ma le Minisita mo le Faalapotopotoga o Tagata Tafafao Maimoa mai Fafo.*

*Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia e le Fono Aoao Faitulafono.*

**28 JANUARI 2019**

**TULAFONO TAU FAAOFI O TEUTEUGA O LE TULAFONO O LE  
OFISA AUTU O MATAUPU FAALETULAFONO MO  
TAGATA LAUTELE 2019 - fatauga faalua**

**FOFOGA FETALAI:** Talu ai ua ou tauimaina le Tusi Faamaonia o le Tulaga Faanatinati i le Tulafono Tau Faaofi lenei, o lea o le a sagai atu loa i le fatauga faalua. Tapa ma le faaaloalo lau Afioga i le Minisita mo Faamasinoga ma Pulega tau Faamasinoga.

**Afioga Hon FAAOLESA KATOPAU T. AINUU (Minisita mo Faamasinoga ma Pulega tau Faamasinoga):** Ou te faatu le lafo, *Ina ia fatauina nei le Tulafono Tau Faaofi o Teuteuga o le Tulafono o le Ofisa Autu o Mataupu Faaletulafono mo Tagata Lautele 2019 i lona fatauga faalua ma ou te fia tautala faamalamalama i ai.*

*Faaluaina e le Minisita o Tupe ma le Minisita mo Aoga, Taaloga ma Aganuu ma le Minisita mo Fesootaiga ma Faamatatalaga Tekonolosi.*

**FOFOGA FETALAI:** Ou te tapa ma le faaaloalo lau afioga mo le saunoaga faamalamalama.

**Afioga Hon FAAOLESA KATOPAU T. AINUU:** Lau Afioga i le Fofoga Fetalai, lau afioga i le Palemia faapea sui mamalu uma o le Maota nei, ae a le faafogafoga mai o le mamalu o Samoa i ona tulaga faalupe. Ua taoto i lumamea le Tulafono Tau Faaofi o le Tulafono o le Ofisa Autu, o Mataupu Faaletulafono mo tagata lautele 2019, i ona tulaga uma, ma lona auiliiliga. E pei ona silafia e le mamalu o le Palestine, ua maea ona pasia e le Palestine le Tulafono o le Ofisa autu o Mataupu Faaletulafono mo tagata lautele 2015, o le Community Law Act 2015. Sa toe faia i ai le iloiloga a le Matagaluega o Faamasinoga ma le Ofisa o le Loia Sili i tulaga e tatau ona agai tonu i ai i le teuteuga lea o le Tulafono. E pei ona silafia e le Palestine, o mafuaaga tonu o le faavae o lenei ofisa autu, o mataupu Faaletulafono mo tagata lautele, ma le pasiaina o le Tulafono e pei ona faavaeina ai, ona mafai lea ona i ai se ofisa o le Malo i mataupu Faaletulafono. E ofoina atu le fesoasoani i le mamalu o le atunu, e le gafatia le totogiina o ni loia, po o a latou mataupu faaletulafono e manaomia ai se loia ma se fesoasoani Faaletulafono. O tiute tauave lenei e tusa ai ma le Tulafono Autu e aofia ai:

Muamua, o le tuuina atu o fautuaga Faaletulafono i le mamalu lautele o le atunu, e le gafatia loia.

O lona lua, o le tuuina atu o fesoasoani Faaletulafono ia foia ai feeseseaiga e faasino i fesoasoani Faaletulafono.

Lona tolu o le tuuina atu o polokalame faalauiloa o polokalame tau aoaoga e uiga i aia faaletulafono.

O lona fa, e tulai mo le mamalu lautele o le atunu e le gafatia se loia i luma o le faamasinoga.

**28 JANUARI 2019**

**Tulafono Tau Faaofi o Teuteuga o le Tulafono o le Ofisa Autu o Mataupu  
Faale tulafono mo Tagata Lautele 2019 – faitauga faalua**

O le Tulafono o lo o i ai nei, e aofia ai le fesoasoani Faale tulafono i mataupu tau soligatulafono po o le criminal ma mataupu lautele lea e taua foi e tatou o le civil. O le agaga tonu lea sa toe fai ai teuteuga lenei o le Tulafono ina tau o mataupu tau solitulafono, criminal e mafai ona faatinoina e lenei ofisa ae aveese uma mataupu lautele, civil. E pei ona i ai le Tulafono autu i le taimi nei. O suiga la nei o le Tulafono autu, o lea e momoli mai i le aso mo le teuteuga. O lenei Tulafono ua faaigoaina o le Tulafono Teuteu o le Ofisa Autu o mataupu faale tulafono mo tagata lautele 2019. Ua teuteuina le vaega 4 o le Ofisa Autu mo mataupu faale tulafono mo tagata lautele 2015 e faapea o le vaega 4, o galuega tauave a le Ofisa Autu o le a tuuina atu lea o fesoasoani Faale tulafono i tagata lautele, na o mataupu tau soligatulafono (criminal matters).

Tolu, ua soloia ese le Vaega 6(2) o le Tulafono Autu. Fa, ua teuteuina le Vaega 11 o le Tulafono Autu ia suia ai le igoa o le Faauluuluga o le Ofisa Autu mai le Loia Faufautua mo Tagata Lautele, Public Applicant i le Loia mo Tagata Lautele, Public Defender. Ma o vaega uma o lo o taua, o le advocant, faufautua i le Tulafono Autu, ua suia nei i le Defender. Lau Afioga i le Fofoga Fetalai, o suiga nei ua faataoto atu mo le iloiloga a le Palemene. Ma le faaaloalo lava lau Afioga.

**FOFOGA FETALAI:** Malo faafetai. Atonu o lea foi sa talanoaina i le tatou semina le faamalamalamaga o le mataupu lenei, ua lava foi le silafia i ai a le Palemene.

Se i tulai mai lava la le sui usufono lea mo Palauli le Falefa se i saunoa mai i le Tulafono Tau Faaofi.

**Afioga Hon FAUMUINA TIATIA FAAOLATANE LIUGA:** Lau Afioga i le Fofoga Fetalai, ona o au e tele ina ou lavea i mea ia o civil cases, o lea la ua aveese ae o mea nei o faiga palota, e i ai sui usufono ua matua matitiva lava i mea ia o faiga palota, a o civil cases ia, e ala ona mafua ona o le vaega lea o faiga palota e i lalo o le Minisita. A o lea la ua tago aveese o fea la e sulu i ai sui e faiaina po o sui foi e manumalo, a o lea e taufaaleaga e isi. O le mea la e tupu mai, ua ta toe alu foi a o le taugata ia o nei mea, e leai ma se palota ta te le i alu ai i mea nei o faamasinoga. O le mea lea ou te tatalo ai i le Malo, se i tuu i totonu le civil area, le aspect o le civil aua e leai ni tatou tupe se tele, ae ala foi ona faamasino, o le fetotoai o... mo se faataitaiga, o lea la o le a ta alu nei e sue qualifications, agavaa o le sui lea ta te tauva ai, ae o le mea lena a le Minisita ma le Komesina o Faiga Palota o le o e sue agavaa, a o lea ua ta alu ita e ave i le Tulafono ia sue ai agavaa.

O le mea la lena o lea ou te tatalo ai i lau Afioga ma le Malo, se i toe silasila i le civil area, leaga e tele o tatou tagata e latou te le afford ina nei mea, a o lea o le a tatou o e puipui le au agasala, ae tuu le atunu lautele o lea e manaomia le auaunaga lea. Ma lou faaaloalo lava lau Afioga. Faafetai mo le avanoa.

**FOFOGA FETALAI:** Tulai mai le Minisita.

**28 JANUARI 2019**

**Tulafono Tau Faaofi o Teuteuga o le Tulafono o le Ofisa Autu o Mataupu  
Faalelafono mo Tagata Lautele 2019 – faitauga faalua**

**Afioga Hon Faaolesa Katopau T. Ainuu:** Lau Afioga i le Fofoga Fetalai, o le agaga tonu o le Tulafono Tau Faaofi lenei, e faaagaga mo tagata e faalelava le seleni. O le agaga foi lea sa fausia ai le Tulafono i le 2015 e pei ona ou faitau atu, e aafia ai mataupu i civil ma le criminal ona ua tau suesue atu le Matagaluega, e fai si tele o le seleni e fuafua i le faatupeina o le faamoemoe lea, a o lea e pei e sili le amata laitiiti muamua. O lea la e i ai le teuteuga lea, e taatia e i ai se taimi i le lumanai pe a lava se seleni a le Matagaluega ona toe aumai foi lea i totonus o le tatou civil. A o le amataga lava ia o le Ofisa, pe faamoemoe le Matagaluega ua lava le criminal e amata ai. Ma le faaaloalo lava.

**Afioga Hon FAUMUNA TIATIA FAAOLATANE LIUGA:** Lau Afioga i le Fofoga Fetalai, faafetai o lea ua saunoa le Minisita e i ai se taimi. Ua leai se taimi, o le taimi lenei e fai ai le faaiuga. O lea na saunoa le Afioga i le Palemia i le le faaaogaina o tupe i le vaiaso lea na tea nei. O tausaga faalelupetia ua uma atu, o le tele ia o tupe totoe e le i faaaogaina. E \$61 miliona e le i faaaogaina i le 2016, \$101 miliona le faaaogaina i le 2017. O lea foi e expect le isi surplus i le faamatalaga o tupe a le Malo lea e faagasolo mai. A faapefea la ona leai se tupe? Toeitiiti lava a \$200 miliona tupe le faaaogaina i tausaga faalelupetia e lua lea ua tea. O mea ia, o le puipuiga o le atunu le mea aupito sili ona taua. Afai la o le tau lea e mafaufau i ai le Afioga i le Minisita, ua matuai ou faanoanoa lava i lenei Tulafono Tau Faaofi i le tuulafoai, ua faimea faailoga tagata. Faafetai.

**FOFOGA FETALAI:** Malie le sui usufono se i tulai mai le Palemia.

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fetalai, o le taua o le mataupu lenei e faasino tonu i tagata solitulafono e faamoemoe mai e totogi e tagata lautele tau o ana loia. O se matua valea o lenei mea. A solitulafono a le tagata alu lava ia e fai ana mea, totogi e ia, a o lea o le a totogi toatele e le lautele o tagata ana soligatulafono. O le mea lea e taumafai i ai le Malo, e fesoasoani i tagata e matua le gafatia lava, le totogina o soligatulafono matuia. A o isi la mea ia o mataupu lautele, o mea lava e fai e latou. O se mea faavalevaledale tele lenei mea o le o e fai malamalamama mea leaga faapea, aua o le mea lea e ala ai ona agai, e tai pei o le fasioti tagata. O le tele lava o mea faapea e tupu mai i le ita, e faatoa salamo mulimuli ane ua le aoga, ae leai se mea e tagolima i ai.

O le mea lea ou te popole ai, o le tele o loia lea e feoai nei, e le gata i le fanafana mai i le Malo, ae toe o fai mea ia, ia toe totogi atu ai latou e le Malo. Se i vaai i le le fetaui. E sili ai ona faaavanoa tupe e ave mo aoga a fanau, nai lo le mea lea o le totogi ai o le tau o o le soligatulafono. Ia e solitulafono ae faamoemoe i le Malo ma isi tagata e o atu e totogi? O le mea lea e sau mai fafo, e le o se mea e amatamea ai tatou, a o manatu e tutupu mai fafo. Ia o lea la ua tatou o nei e sue mai tupe mai tagata, totogi lafoga mo tatou galuega fai. Afai o solitulafono, totogi e latou.

**28 JANUARI 2019**

**Tulafono Tau Faaofi o Teuteuga o le Tulafono o le Ofisa Autu o Mataupu  
Faalelafono mo Tagata Lautele 2019 – faitauga faalua**

Na o le pau lea o se tulaga foi lele e tau fesoasoani atu ai ia i latou e le tagolima, aua o le tele o isi tagata e solitulafono, e tele tupe. A o lea o le a o uma lava i loia ia, e uma ane ua totogi e le Malo. Ua lava lea fesoasoani. Se i mataitu pea a alu alu foi ua le fetau, ua tipi foi ma lena mea, ae se i amata atu i i.

**FOFOGA FETALAI:** Malo faafetai. E lelei foi le taulagalaga e maua ai le faamalamalamaga a le Malo i mataupu uma ia. E toe fia saunoa mai le Minisita pe ua lava le saunoaga a le Palemia?

**Afioga Hon Faaolesa Katopau T. Ainuu:** Lau Afioga na ona ou faaopoopo atu lava, o le mataupu lea o criminal, lea ua i ai le tatou polokalame foi lea o le legal aid, a o lea la ua manao le Malo e faatautaia lava e latou, e leai se tupe e alu ai. O le tupe lava lea e i totonu o le Budget a le Matagaluega, lea la a faaaoga lava mai le legal aid e finance ai le tatou public defender.

O lou faalogologo atu e tele tupe ia e te taua....

**Afioga Hon Faumuina Tiatia Faaolatane Liuga:** Lau Afioga i le Fofoga Fetalai e le fia faalavelavea le saunoaga a le Minisita, na fai mai foi e leai se tupe e alu ai, a o lea foi ua toe saunoa mai o la e i ai tupe i le Paketi e faaalu ai. Ou te le o malamalamala po o le a le mea e tau o le leai o se tupe e alu ai, a o tupe a le Matagaluega lea e faaaoga e totogi ai loia ia. Ma lou faaaloalo lava.

**FOFOGA FETALAI:** Malo. Faaiu mai le saunoaga a le Minisita.

**Afioga Hon FAAOLESA KATOPAU T. AINUU:** Leai, o le uiga o lau faamatalaga e le o se tupe faaopoopo i le paketi o la ua i ai le tupe i le taimi lenei.

**FOFOGA FETALAI:** Se i tulai mai le Palemia.

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fetalai, o le tulaga lava ia o tupe le faaaogaina, po o tupe totoe, o lea lava ua taoto faiga faavae a le tatou Malo, e tele a mau mea e tatau ona agai i ai seleni, ae e aumai lipoti ua uma tupe, aumai lipoti ua leai se tupe, ua uma tupe. A o le isi la mea lea sa laga i le vaisaso ua tuanai, ona e i ai tofiga i totonu o Matagaluega, o mea lava ia e manaomia e Ofisa Sili o Pulega o Matagaluega i le taumafai e faagaoioi a latou galuega i le tausaga, aemaise la o le job creation o le taumafaiga foi lele ina ia faatulaga galuega fou mo fanau a le atunu, ona o le Malo lea e tele lo latou sao i le faafaigaluegaina o fanau, e le gata la i totonu o le Malo, ae a fua i le tele o mau atinae ia e fai nei, po o ai lava le kamupani tele o lea e faatinoina, a o lea e alu atu lava i totonu o le Malo.

**28 JANUARI 2019**

**Tulafono Tau Faaofi o Teuteuga o le Tulafono o le Ofisa Autu o Mataupu  
Faalelafono mo Tagata Lautele 2019 – faitauga faalua**

O lona uiga o la e ola ai kamupani, o ai le kamupani o lo o gaoioi, le kamupani fai auala ma le anoano o le mau kamupani. E mafua ona ola ma faauau a latou galuega, ona o seleni lea e avatu e lo tatou Malo e auala mai i a tatou paaga mai fafo, aemaise foi tatou nonogatupe e maualalo tului, ma o se mea foi lea ou te tautala soo i ai aua o la e faalogologo mai le atunuu faapea ai o faulalai ni tupe. O isi mea ia e tuai ai ona faagasolo a tatou galuega o le tuai ona faagasolo mai galuega tau pepa faainisinia, faa-consultants. Ou te tau soo atu lava le mea lenei ina ua malepe le auala lea i Leone, na ona malepe lava maua ma le seleni e toe fau ai, ae 4, 5 tausaga o lea e faatali le faagaoioiga o galuega. Tusa la o vaegatupe na o lea e lavea i tupe le faasaoina.

O le auala lea i le Maliolio, o la ua amata, ma ua ova foi ma le 5 tausaga talu ona fai i ai le faaiuga e fai. A o le itu lava lea i le tapenaga o galuega tau pepa, o le faasalalau, o le tapa foi o faalapotopotoga i fafo lea e faatupe mai ai i so latou foi finagalo i le talafeagai o kamupani e fausia, aua e i ai foi le latou aiatatau e taofiofi ai mea nei o le faafaigaluega o kamupani le talafeagai. E leai se poto masani o i ai. E faaeeteete tele faalapotopotoga nei i fafo i le mea o le hire ina o tagata e le atoatoa le tomai e maimau a latou tupe.

O lea e le i mamaao atu tele na tatou tilotilo atu i le isi auala sima e alu i luga ae ituaiga o auala tetele i totolu o Italia, ae fai e kamupani tetele ua lava le poto masani. Ia na ona uma lava, pe tasi ea pe lua vaiaso ae toe malepe toatele tagata na feoti ai, lea na sau i luga o le CNN. O le mea la lena e ala ai ona matua oooo lava le tapenaga a i latou o lo o gafa ma auala tetele nei, aemaise lava o le tatou Komiti o tauofoga ma le mea e faitio soo ai i le fai ane ua malo lea, malo lea ae o lea e toatele isi, ona e faaeeteete tele le latou galuega i le tilotilo totoa i le tomai atoa foi masini ina ia lava. O isi fono a le Kapaneta i tauofoga e aumai, e matua mafatia lava le Minisita o Tupe ma le Minisita mo Galuega i le mau fesili, le anoano o le mau fesili a Komiti, aemaise o lea e saofafai i totolu o le Kapaneta nisi o i latou ua malamalamama i mea ia o le faiga o tauofoga, aua sa tauofo foi a latou kamupani a o le i omai i totolu o le Malo ma latou iloa ai auala eseese e tatau ona uia ia atoatoa.

Lau Afiofa i le Fofoga Fetalai, o le mea lena ua ala ai ona ou toe tulai atu, ina ne i faapea o tele ni tupe o lea e le o faaaogaina. A i ai seleni ua aiaia ae le faaaogaina, a o mea na e vaavaalua ai tatou ma Faalapotopotoga i fafo e ana seleni, loka seleni ia, seiloga lava ua atoatoa tatou tapenaga ma ua tatala mai foi e latou, ona faatoa faagaoioi loa lea o le galuega, mo le puipuiga o le saogalemu. O le ala lea na malepe ai le isi auala i Tiavea ona sa faaaoga alavai apa, ua pala la mea na, ae sa fai i Paeaiga ua leva, o lea la ua pala, palasi ifo loa i lalo i taimi o tafega, alu atu lava le taavale a se tasi o aiga feoti uma ai i le mea lea. O la foi la ua toe fau le isi auala fou, ona ua pala foi le isi alavai apa. A o lea la e i ai lau tusi na tusi anapo e ave e fautua i le Minisita, se i saili uma lava kolosi nei auala nei e tafe ai vaitafe i mea valea sa fai i aso la, e tasui uma mo le faasao o le soifua o tatou tagata. E i ai foi le isi vai lea i Aufaga, e i ai foi mea faapena.

**28 JANUARI 2019**

**Tulafono Tau Faaofi o Teuteuga o le Tulafono o le Ofisa Autu o Mataupu  
Faalelafono mo Tagata Lautele 2019 – faitauga faalua**

Ae mo le puipuiga lau Afioga i le Fofoga Fetalai, e ala ona ou tu atu, o le ala lea e le mama i le Malo upu ia, e tele tupe ia e le i faaaaogaina, ae mafua ona o tatou atinae ia lea e loka i i, ona e le i maea tapenaga a inisinia, o le ala foi lena e taumafai ai pea le Malo e siitia i luga le tomai o tatou tagata, aua a le siitia i luga, e tele tupe e ono sau, ae tuai le tatou faatinoga. O le mea lea o le capacity o le tagata, e mauauluga lava le mea lea tatou te i ai i le va ma isi atunuu, ae faatusatusa i galuega ma le manao lea e manaomia e le atunuu lenei, e le i taitai lava. O le mea lena o lea e ala ai ona fai ma tatou tapatapa i atunuu i fafo mo latou fesoasoani.

Lau Afioga, e taua le fesili, aua ana leai le fesili e le oooo isi faamalamalamaga ia i le mea lea. Ou te faamalo atu foi i nisi tootoo sa laga le mataupu lea e le faigofie foi i le Malo, e tatau ona faamatala ma faamalamalamala.

**FOFOGA FETALAI:** Malo faafetai. Ua ou manatu ua muta ai i i le faamalamalamaga o le mataupu lea. Ou te faamalulu atu i le sui usufono mamalu o lo o tutulai mai o lea ua manino auofala... Ua manino auofala i lau... Vagana e ese mai le mataupu lea, aua o lea ua manino le faamalamalamaga a le Malo i le...

**Afioga Tafua Maluelue Tafua:** E matua ese mamao lau Afioga ma le faaaloalo. O lea ua ou faalogologo atu i le talanoaga nei i le taeao, e momoli atu le faafetai i le Palemia ma e sa faatuina le manatu. A o le mea lea e faailoa atu i lau Afioga i le Fofoga Fetalai....

**FOFOGA FETALAI:** Se i faapuupuu mai la le saunoaga.

**Afioga TAFUA MALUELUE TAFUA:** Faafetai lava. O lea ou te matau atu i le Tulafono Tau Faaofi na o le suiga lava. O le sini lea ma mafuaaga. Na o le tasi lava le mea lea e i ai, sui mai le Loia Faufautua i le Loia mo Tagata Lautele. Na pau lava lea o le Tulafono laitiiti lea ou te uuina lau Afioga, a o lea ou te faalogologo atu, o le taua foi ia o le talanoaga i lenei taeao. E momoli atu ai le agaga faafetai i le Palemia, leaga o lea na ou faalogo atu o tau mai le matou auala i Tiavea. E le tasi la, a o le tele ia o alavai lea e i gauta o Tiavea, o la foi e taofia le isi alavai lea e i gauta o Samusu, la e tele lava le faaletonu la e i ai mo le saogalemu o tagata lautele. A o le faalogologo atu i le Tulafono, pei na o le pau lava lena o le upu lea e sui o le tatou Tulafono. Ma le faaaloalo. E fesoasoani atu ai i lau Afioga.

O le isi mea lau Afioga o lea ou te manatua, e i ai lava le mea foi lele e faapapalagi, Law is an ass, a faa-Samoan le Tulafono, o le asini lea. Ia atonu ua talafeagai ma lenei taeao i le tatou talanoaga. Ma le faaaloalo.

**Afioga SULAMANAIA FETAIAI TAUILILILI TUIVASA (Vaimauga i Sasae):** Lau Afioga i le Fofoga Fetalai pe maua se avanoa, e le i saunoa foi le Minisita e ana le Tulafono Tau Faaofi faamolemole lau Afioga.

**28 JANUARI 2019**

**Tulafono Tau Faaofi o Teuteuga o le Tulafono o le Ofisa Autu o Mataupu  
Faalelafono mo Tagata Lautele 2019 – faitauga faalua**

**FOFOGA FETALAI:** Se i faapuupuu mai o lea ua see foi le vaa o le Nofoa. E i ai mafuaaga e ala ai ona ou manatu e vave tulai mai sui usufono e fia saunoa ina ia saunoa le Malo e kava uma ai saunoaga a sui usufono mamalu. E ui i lea, e tuu atu pea le avanoa i le aiatatau a le sui usufono. Ae malie le sui usufono e faapuupuu mai.

**Afioga SULAMANAIA FETAIAI TAUILIILY TUIVASA:** Masalo ae le i faia foi se sao o lenei itumalo i le Tulafono Tau Faaofi, e muamua ona avatu le faamaisega i si o matou itumalo aemaise foi o si ou nuu i Fagalii e tusa ai foi ma le valaau paia a le Atua i le afioga i le Alaatalama. Ia faamaise le Atua ia outou le aiga faanoanoa aemaise si o tatou nuu i le valaau paia foi a le Atua i si o tatou tina. O lenei taeao lau Afioga i le Fofoga Fetalai, e taua tele lenei mataupu ua opea i le Maota, e faafetai atu ai lenei itumalo i le Afioga i le Minisita i le taulagalaga aemaise foi o Minisita Lagolago, aemaise o le Ofisa Sili o Pulega ma le tulaga i le Ofisa o Faamasinoga.

E taua i lou sui usufono ona o Minisita ia e aumai i totolu latou mataupu i totolu o le Palemene i Tulafono, e iloa ai e le o momoe. O lo o feala pea i Tulafono e faafaigofie ai le faagaoioiga o si o tatou atunu. A o le talosaga a lenei itumalo i le Tulafono ua opea nei, o lea o le a aveesea le vaega lea mo civil matters faamolemole, aitalafu. A o le popolega o lou sui usufono, o si vaega lea o aitalafu foi nei ua le totogia aitalafu i banks ma mea faapena, ona o loa lea o banks ave nai sui ia i le falepuipui, pe ave e loka. A uma loa ona loka pe lua masina pe a, toe foi mai i tua nai vaega lea ua le totogia aitalafu i banks ma nisi... ae omai toe talosaga e toe totogi pea le aitalafu lea. E pei la o le tatalo lea e avatu i lenei vaega, ona o lea ua aveese le vaega lea o le aoina o aitalafu, pei o lea ua sala faalua. Ua uma ona faafalepuipui i le lua masina pe a, ae toe foi mai ma le poloaiga a le Ofisa o Faamasinoga e o pea e totogi aitalafu i banks ia. E pei o sina tatalo lea ona o le taua o le vaega lea i lou vaivaiga, o lea o le a aveise le tulaga lea i le aoina o aitalafu lea e mafatia ai le toatele o le atunu, a ua uma ona faatino le auaunaga e ave e loka i falepuipui pe lua vaiaso, ae omai foi toe o toe totogi. Ae a pe a ua lava lea lokaina i Tafaigata. E pei o sina vaega lena.

O le lona lua, o lea e matau atu e i ai le Tulafono lea e Tau Faaofi mai a le Matagaluega o Faamasinoga e aofia ai Loia, ae faafetai po o le loia lea e patino i le vaega lea, le vaega lea o soligatulafono. Ae o lou sui usufono faamolemole, e pei o le vaega lena o le a aveese la le aoina o aitalafu a tagata lautele, ona o lea ua sui fua le igoa ona o lea sa manaia lava le igoa o Loia Faufautua ao lea ua sua mai le Loia mo tagata lautele, o lona uiga o tagata lautele o le a alu atu uma ai lava ma e lima malolosi, ae manaia pe ana faapea, loia mo e lima vaivai, ona agai lava lea na o e e le mafai ona totogi ni Loia e totogi e lo tatou Malo, ao lea o le a o atu ai ma e lima malolosi e mafai ona gafatia na totogi Loia. Ma lou faaaloalo lava lau Afioga i le Fofoga Fetalai.

**FOFOGA FETALAI:** Ua maua atu faafetai. Ia, se i tulai mai le Afioga i le Minisita mo Faamasinoga ma Pulega tau Faamasinoga.

**28 JANUARI 2019**

**Tulafono Tau Faaofi o Teuteuga o le Tulafono o le Ofisa Autu o Mataupu  
Faalelafono mo Tagata Lautele 2019 – faitauga faalua**

**Afioga Hon FAAOLESA KATOPAU T. AINUU:** Lau Afioga i le Fofoga Fetalai, o le mataupu lea e taua muamua e le sui usufono lou uso mai Vaimauga Sasae, e ese le mataupu lena, o lena foi ua i ai, ua uma ona faataatia aulape o nei mea o le entitle i le loia. E pei ona ou avatu i le taimi ua fano, o le agaga o le Tulafono i le teuteuga lenei, na pau lava le agaga o le Tulafono ina ia faagaoioi le Ofisa, na o criminal matters, e mafai ona tu ai le loia lea a le Malo ua taua o le public defenders. A o le isi mataupu, se i maua se malosiaga o le Matagaluega i mea tau tupe i le lumanaí ona faatino lea, ae le soona faatino foi la, e faatino fuafua. Ma le agaga faaaloalo.

**FOFOGA FETALAI:** Malo faafetai. Ia se i tulai mai le Palemia.

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fetalai, o le vaiaso le la sa fai lotu ai le isi faifeau lea na moeiini ona mata e tatalo, moeiini atu ai ma mata o leoleo ae sosola pagota e toalua. O le lauga la na ou faalogo i ai, o outou ia pagota, ua lelei tele le tausiga o outou, o isi o outou o lea ua toe lua aso ae magalo, ae toe sosola ina ia fai ai pea se isi mea ma se isi mea tou te omai ai pea omai ai pea i totonu o le falepuipui. Ia ona tatalo loa lea, e toe pupula atu mata o le faifeau ua sosola le toalua lea e le o toe mamao ona magalo lea. O lona uiga, ua fifiai ai lava lea toalua e sosola ma o atu i totonu nafonofo ai. Aua foi ua pei se hotel le tatou falepuipui, ua leai ni faiga pei o mea sa i ai i aso la.

O le mea lea e saunoa mai ai le sui usufono e sui le faaupuga i e lima vaivai, o lea ua tatou iloa lelei lava le masani a isi o tatou, e tau atu loa se mea i i, e vaivai uma lava, e oo lava i e lima malolosi ua vaivai uma lava, aemaise la i le taimi lenei i le anoano o tagata o la e nono i le Faletupe o le DBS, nono i le NPF, nono i le SCB, nono i le BSP, nono i le National Bank. E lima banks, ono i Faalapotopotoga ia, ae ese ai isi Faalapotopotoga i tua. E ala ona ou iloa mea ia, ona e toe sulufai atu ia te au i lou faalupega lea o le tama o le atunu, mo se fesoasoani, a?. Ia ou te vaai atu loa ua tagi ou tagi atu ai foi ma au. Na pau lava lea o le mea e mafai ona ou faia o lou faamafanafana i loimata.

O le tulaga lena e faaeteete i ai, aua e fai loa le faaupuga lea e aumai e le sui usufono mo e vaivai, o lona uiga e tatala atu le falepuipui fou ua le lava, aua o le a fifiai tagata uma e faataga vaivai ma totope ai latou aitalafu. O le faletupe foi latou e faia mea ia, o latou e ao a latou aitalafu, fai latou galuega. Ia e vaai atu lava i tagata o la e nono tupe i isi faletupe ae saga fai lava, ae faalagolago la i le Ofisa o Leoleo e o e tulituliloa? Ia a o la foi ua mumusu leoleo latou o lo o tele foi latou galuega. O le a le mea o le a latou o ai fua? A o le mea e faaaoga i ai le faautautaga tatau. Afai lava o outou uma lea e nono atu tou tupe i ai latou e le faamaoni ae faaletonu, faitalia outou, aua sa tatau ona outou iloa le mea e tatau ona fai ma le mea e le tatau ona faia ae fai lava ae tou te faalagolago mai i le Ofisa o Leoleo e o e tulituliloa lo latou faatamala, o leoleo foi e tele a latou galuega o la e fai.

Lau Afioga i le Fofoga Fetalai, o lau toe faaopoopo atu lena.

**28 JANUARI 2019**

**Tulafono Tau Faaofi o Teuteuga o le Tulafono o le Ofisa Autu o Mataupu  
Faalelafono mo Tagata Lautele 2019 – iloiloga auiliili**

**FOFOGA FETALAI:** Malo faafetai. Ua maea foi ma manino le tulaga o lo i ai, aua le faamatananaina le atunuu. Aua le avea i ai le ia ae fai ma ave i ai ma le upega ina ia iloa fagota.

*Na faamaonia le lafo ma faiatina le Tulafono Tau Faaofi o Teuteuga o le Tulafono o le Ofisa Autu o Mataupu Faalelafono mo Tagata Lautele 2019 i lona faiatuga faalua.*

**TULAFONO TAU FAAOFI O TEUTEUGA O LE TULAFONO O LE  
OFISA AUTU O MATAUPU FAALELAFONO MO TAGATA  
LAUTELE 2019 - iloiloga auiliili**

**FOFOGA FETALAI:** E tusa ai ma Tulafono Tumau e amata le iloiloga auiliili i le Fuaiupu 2.

**FUAIUPU 2: Ua teuteuina le fuaiupu e 4.**

*Faamaonia.*

**FUAIUPU 3: Ua teuteuina le fuaiupu e 6.**

*Faamaonia.*

**FUAIUPU 4: Ua teuteuina le fuaiupu e 11.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA:** Teuteuga o le Tulafono o le Ofisa Autu o Mataupu Faalelafono mo Tagata Lautele 2019.

*Faamaonia.*

*Na faagasolo le Tulafono Tau Faaofi o Teuteuga o le Tulafono o le Ofisa Autu o Mataupu Faalelafono mo Tagata Lautele 2019 e aunoa ma se Teuteuga.*

**28 JANUARI 2019**

**TULAFONO TAU FAAOFI O TEUTEUGA O LE TULAFONO O LE  
OFISA AUTU O MATAUPU FAALETULAFONO MO TAGATA  
LAUTELE 2019 - faitauga faatolu**

**Afioga Hon FAAOLESA KATOPAU T. AINUU:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofti o Teuteuga o le Tulafono o le Ofisa Autu o Mataupu Faale tulafono mo Tagata Lautele 2019 i lona faitauga faatolu.*

*Faaluaina e le Minisita o Tupe, Minisita mo Aoga, Taaloga ma Aganuu ma le Minisita mo Fesootaiga ma Faamatalaga Tekonolosi.*

*Na faamaonia le lafo ma faitauina le Tulafono Tau Faaofti i lona faitauga faatolu ma faapea ona pasia e le Fono Aoao Faitulafono.*

**TULAFONO TAU FAAOFI E FUAFUA TATAU AI LE AVA MALOSI  
2018 - faitauga faalua**

**FOFOGA FETALAI:** Tulai mai lau Afioga i le Minisita o Tupe Maua faamolemole.

**Afioga Hon TIALAVEA FEA LENIU TIONISIO HUNT:** Lau Afioga i le Fofoga Fetalai, ou te faatu le lafo, *Ina ia faitauina nei le Tulafono Tau Faaofti e Fuafua tatau ai le Ava Malosi 2018 i lona faitauga faalua, ma ou te fia tautala faamalamalama i ai.*

*Faaluaina e le Minisita o Tupe, Minisita mo le Matagaluega mo Tina ma Tamaitai, Atinae o Nuu ma Afioaga ma Agafesootai ma le Minisita mo le Matagaluega o Faatoaga ma Faigafaiva.*

**FOFOGA FETALAI:** Ou te tapa ma le faaaloalo lau Afioga i le Minisita mo lau saunoaga.

**Afioga Hon TIALAVEA FEA LENIU TIONISIO HUNT:** Faafetai i lau Afioga i le Fofoga Fetalai. O le tulafono lenei o le fuafua tatau o le ava malosi 2018, o le a soloia ai le Tulafono o le ava malosi o le 2011, o lo o i ai ma o lo o faaaogaina i le taimi lenei. O le sini autu lava o le Tulafono lenei o le faatuatuaina faale tulafono o le faatauina atu ma le tuuina atu o le ava malosi, e ala i le fuafua tatau o lona tulaga e faigofie ona maua. O le faaitiitua mai le soona faaaoga sese o le ava malosi. Ua faatulafono foi e le Tulafono fou lenei le faasalalau faatosina ma le faalauiloa o oloa tau ava malosi. Ma lagolago tau tupe fesootai ma le faatauina atu ma le taumafaina o oloa tau ava malosi, ma ia faamautinoa o ia gaoioiga uma, e faatino ma le faautauta lelei, aua le tulaga manuia o le atunu lautele. Ia aiaia ai ma malosiaga, e faamalosia ai le Tulafono e faasino i le gaosiga, faatauina atu le taumafa ma le faaulufaleina mai o le ava malosi i totonu o le atunu.

**28 JANUARI 2019**

**Tulafono Tau Faaofi e Fuafua Tatau ai le Ava Malosi 2018**  
**- faitauga faalua**

Ia faaititia ai faafitauli o so o se ituaiga e fesootai ma le ava malosi, ma ia aiaia mo tiute ma matafaioi a matua ma tagata e tausia fono a nuu ma ekalesia, i le faaaogaina o le faiga faatonutonu faaletulafono. O le Tulafono lenei na amata ona fausia mai i le 2015 e le vaega o Law Reforms, ina ia taumafai e tuu faaititia ai le inu ava malosi ma le tele o Tulafono. Ma e faamalosia ai foi le Liquor Board, i ana faiga faavae fou ua amata nei ona faatinoina.

O le Tulafono lenei fuaiupu 77 ua atoatoa ai i i tulaga uma lava i le taofia ma le puipuiga o le Tulafono i ava malosi ona ua faatupulaia tele faalavelave e tutupu. O le tausaga ua tuanai ia Ianuari e oo ia Tesema 2018, e 2,136 faafitauli sa logoina atu i le Ofisa o Leoleo, e mafua mai i le ava malosi. O le tulaga lena ua amata ona oo i ai, o soligatulafono, o telefoni na o atu i le Ofisa o Leoleo i le tausaga ua tuanai e 2,136.

E eseese uma lava mafuaaga o faafitauli nei, ao le agaga lena ua taumafai i ai le Tulafono lenei e tau puipuia mai le tele o faalavelave tutupu. E le mafai foi ona atoatoa, e fiu lava e taofiofi leaga o le tagata lava ia ma lona fitalia e taumafa ai le ava. So o se faalavelave lava e tupu e blame lava le ava malosi. Ao le agaga lena o le Tulafono lenei, ia taumafai ona faaititia mai, aemaise foi le augaosi ava, ina ia tausisia lelei le gaosiga o le ava ma i latou foi o lo o aumaia le ava malosi i totonusi o lo tatou atunuu. E pei o se faamalamalamaga lena lau Afioga i le Fofoga Fatalai, mo le Tulafono Tau Faaofi o lo o taumafai atu ai nei. Faafetai mo le avanoa.

**FOFOGA FETALAI:** Malo faafetai. Ua manino auofala

**Tofa Lealailepule Rimoni Aiafi:** Lau Afioga i le Fofoga Fatalai.

**FOFOGA FETALAI:** Se i tulai mai. Tasi lua tolu. Sei faamau ifo e toatolu sui usufono o lo o tulai mai e fia saunoa. Saunoa mai le sui usufono mo Salega i sasae.

**Tofa OLO FITI AFOA VAAI:** Faafetai i lau Afioga i le Fofoga Fatalai, ua maua so matou avanoa e avatu ai foi nai motugaafa e tusa ai ma le Tulafono Tau Faaofi po o nai teuteuga foi o le tatou Tulafono. Faafetai i lau Afioga i le Minisita ma le mamalu o le Pulega ma le Matagaluega mo le silasila mamao i tulaga faapea. E vagana o Tulafono e tau foia ai faafitauli e pei ona tulai mai, o lo o manino le atunuu i tulaga uma.

E pau lava le fautuaga i lau Afioga i le Minisita, se i tau silasila totoa i le tatou Komiti lea o le Liquor Board, e matauina lava lau Afioga, e le o ogatasi ma tutusa ia latou faaiuga. E le o toe po se lilo o lea ua matauina e le atunuu, ia le tele foi o faalavelave e tutupu mai i totonusi o tatou fale faafafia po o tatou falekalapu. Ua maliliu ma fano ai le soifua o nisi. Ao la e matauina lava e le o faia i ai se faaiuga e pei o lau faaiuga lea sa fai ia au, i lau pisinisi. E leai e mama lava le avatuina o le mataupu leaga ua fesiliglia le amiotonu i la outou faaiuga.

**28 JANUARI 2019**

**Tulafono Tau Faaofi e Fuafua Tatau ai le Ava Malosi 2018**  
**- faitauga faalua**

O lena foi taimi sa o tatou soalaupule ai ma tatou talatalanoa i mataupu faapea, ia sa avatu lava le fautuaga. Ae peitai ane, e foliga mai ou te vaavaai atu, e tele ina malolo lau afioga a le Taitaifono, ae talanoa mai sui foi ia ou te malamalamama lelei lava i ai, e le malamalamama i mea faapea i faiga faavae a le Malo lea e i totonu. E tasi lena vaega ou te fautuaina ai, se i avatu lelei nisi o le mamalu o le atunu e malamalamama lelei i mataupu leaga e le faigofie mataupu faapea. E tatau ona saofafai i totonu o lau Komiti, ona avatu lea o se fautuaga lelei lava i lau afioga. E pei na ona pau lena o le tulaga na ou tulai atu ai lau Afioga i le Fofoga Fetalai. O le mea e sili ona taua o le fai o faaiuga ma le amiontonu. Ma le faaaloalo.

**FOFOGA FETALAI:** Malo faafetai. Se i tulai mai le sui usufono mo Faleata i Sisifo. Malie le Minisita se i maea le saunoaga a sui usufono ona lafo lea i le Malo.

**Tofa LEALALEPULE RIMONI AIAFI:** Faafetai faapitoa i le Afioga i le Minisita mo lenei Tulafono taua. E matauina e lou sui usufono, e tau le misi a tatou fonotaga ma Tulafono a le afioga i le Minisita lea. E taua tele, aemaise lava le Tulafono lea ua tuuina mai i le taimi lenei.

O le tele o vaega ia na o tatou fautuaina i le Malo lea ua tele ina tuu mai i le Tulafono. Ae i ai lava na i vaega laiti ia e fia fesoasoani atu ai lau afioga. Muamua, o mea ia o falekalapu ua tatau ona.....ona o lea ua ou tilotilo atu i le Tulafono e le o manino le vaega lea. Atonu ua tatau ona faatulafonoina i latou o faigaluega i falekalapu, o security, aua e pei o le mea lea o lea ua fai e atunu i fafo. Ave se ono masina, ua tatau ona fai se...pe o le Ofisa o Leoleo, Matagaluega a leoleo,..... e fai lava sina.....e fai ni short term training mo tagata nei. A o foi e fai a latou training nei, e maua a latou certificate ona maua foi lea o siitaga i o latou totogi ma faaaoga. Ua lava tagata nei e faaaoga i galuega nei. Ma e le faapea foi na o security i totonu o falekalapu ae security lava i so o se galuega. Ae ona o le mea lea e i ai, o le tagata lava e fia alu atu e tino lelei ma malosi, ona faa-security guard lea ma faafaigaluega lea faapea, ae e le o i ai se malamalamamaaga, ona e le faigofie le galuega. Manatua foi o falekalapu tou te faafesagai ma tagata onana, ona i ai lea o tulaga ia e pei ona tulai mai, ae ua tatau ona tagai i ai la tatou Board. E faigofie lava, ona aumai ai lea o ni latou laisene faapitoa ia e faigaluega ai.

O lona lua, e manatua foi lau afioga o tatou, e faamoemoe tele tatou i turisi, ina iaí se i toe tagai ane i pia ia e aumai fafo. Aua e aoga foi le tele o variety foi lele, ne i te i ua faataugata tele ia pia ia mai fafo. Ae aoga foi, ina ia maua e tagata mai fafo ma tatou uma ia le filifiliga e faatau ai. E le gata i lea, o lea ua ou matauina talu ona fai la tatou Tulafono talu ai, o le siitia o lafoga. E i ai nai isi fale ia e gaosi ai mea malosi i inei, pe i a o uta i Nuu. I lou talitonuga lau afioga, o le mea a tatou e fai ma le Komiti, ia faamalolosi Tulafono ia, ina ia vaai le lelei ona gaosia o fagu nei. Ia lelei le alcohol content ia vaai faalelei ma mama mea e fausia ai ma lelei, ina ia faigofie ma lelei le faatauina aemaise foi e fesoasoani i ia tagata e tele foi lo latou sao.

**28 JANUARI 2019**

**Tulafono Tau Faaofi e Fuafua Tatau ai le Ava Malosi 2018**  
**- faitauga faalua**

A o le vaega lea e i ai o lea ua manino i le Tulafono ia faasalaga o i latou ia e faataua mea le talafeagai. E pei e toe tagai i ai lau vaega i le vaega 68 o le Tulafono, e pei ua laititi tele le faasalaga. Aua o mea ia tatou te puipui i ai, e tele atu le faasalaga o le tagata lea e aumaia information sese, i lo o faasalaga o tagata nei e faataua ava malosi le talafeagai.

O le faaiuga o le tausaga, ou vaai atu i le isi fale wholesale, ae ou vaai ai i le fagu. Ae vaai i ai i le fagu e pei lava o se cocoa cola, ona ou fai atu lea i le teine, po o le a le fagu lea?, ae fai mai o le fagu fou e fai i inei. Ae o le uaina, o le uaina mumu ae sui i le cocoa cola, e pei se fagu suamalie foi lele, ao le uaina.

Ia tailo i lau afioga, o au nei ua leva ona tafao sa fai foi lau falekalapu, ae faatoa ou vaai lava lea ma ou faalogo i se fagu uaina ua sui i se mea suamalie. Se i tagai i ai aua o mea ia e tilotilo i ai. O le mea la lea na ou talanoa atu ai lau afioga i security, se i toe tagai i vaega na o le Tulafono, vaega 62, na e faapea mai le Tulafono, e mafai ona faaaoga se malosi talafeagai a reasonable force e aveese ai tagata mai totonu o le falekalapu ma le faasoesa. Na tatou finau muamua foi i le vaega lea o le reasonable force po o le a tonu lava le mea e taua o le reasonable force, ina ia puipui tagata tafafao puipui foi ma tagata faigaluega ma le taimi e faatino ai a latou galuega.

**FOFOGA FETALAI:** Malo faafetai.

**Tofa Hon LEALALEPULE RIMONI AIAFI:** Toeitiiti lava uma atu lau afioga, toe lua lava itula. Ma le mea la lea na ou talanoa atu ai o le fausiaina o ava malosi ia e i ai nei. Manatua o lea ua faatino le ava malosi a le SROS, lau Afiofa i le Minisita o Faatoaga, e manaia ta fia faataitai foi i le fagu, ae avatu le tau o le pau toeitiiti lava \$200 po o le \$150 i le tau o le fagu. Se i toe tagai pe faapefea ona oo i ituaiga tau faapea, ao lea e taumafai tatou e promote vaega faapena.

O le isi vaega aua o lea ua tele ina tapunia ma faaitiitia le faatauga o fagu ae se i tagai lau afioga po o fagu tonu ia o lea tele ai faafitauli, po o fagu malosi ia po o isi ituaiga fagu, po o ni pia po o mea faapena, ina ia faalautele le vaai a lau afioga i tulaga o mea nei. Ae faafetai o lea ua manino le Tulafono, a i ai se faalavelave e toe tupu mai i se falekalapu, e i ai le malosiaga i leoleo, e tapuni ai lava i le po lea po o le aso e sosoo ai. Ae fai le suesuega a le Komiti pe tatau ona toe tatala, leaga e taua tele le vaega lea. Aua ne i toe faatalia i le tapunia o le falekalapu ma le tupu mai o mea faapea ma faaletonu. Ma le faaaloalo lava faafetai.

**FOFOGA FETALAI:** Tulai mai le sui usufono mo Gagaifomauga Nu.3

**Susuga Hon LAAULI POLATAIVAO LEUATEA (Gagaifomauga Nu.3):** Lau Afiofa i le Fofoga Fetalai, e faafeiloai atu i lau Afiofa ma le mamalu o le Palemene i lenei taeao fou. Ae avatu le faafetai tele i lau Afiofa i le Minisita ona o le faatulai mai o lenei Tulafono Tau Faaofi.

**28 JANUARI 2019**

**Tulafono Tau Faaofi e Fuafua Tatau ai le Ava Malosi 2018**  
**- faitauga faalua**

O le matou matau lau Afioga, e le toe na ma se laina le tulaga faigata lea ua tatou i ai. O le upu tautino lau Afioga i le Fofoga Fetalai, o le fasioti tagata numera tasi lea ua i totonu nei o le atunuu i le taimi lenei. O faalavelave tutupu, vaiaso uma, masina uma, tausaga atoa. O le fasioti tagata numera tasi lea lea ua i totonu o le atunuu. E le gata la i faalavelave ua faatino e tagata pe toatasii, a o le aafia o le atunuu, o le maaveave le fua ona o i latou e tagofia le ava malosi, ma feoai le mafaufau i luga o le aualatele ma faatupu le vevesi.

Lau Afioga o le agaga lena na taumafai atu ai. A toe tepa i tua, e le fou le mea lenei o le tatou taumafa ava, na omai a Siamani ma Niu Sila ma aumai mea nei ma latou. Ou te tupu ae foi au ia ma ou auai i pisinisi a lou aiga, e sa se Samoa, e matua sa lava se Samoa ona tago i le ava a o le tasi lena le tatou liquor board ona o le faaeteetega lea sa i ai lena vaitau, a o le taimi lena e leai ma se tatou mea gaosi i inei, sa tasi a le mea na lau uma mai ai pia, na omai a Siamani ma Niu Sila ma Ausetalia ma lau mai. Peitai o le taimi lenei lau Afioga, talu mai ona faatulai mai lenei mea o le tatou gaosi o pia i inei, ua aliae mai la nisi o faafitauli tatou te le manaomia.

E momoli atu ai le faafetai tele i lau Afioga i le Minisita, faafetai ua e le nofonofo ai, aua a tuufaasao fuainumera i le 2000 cases ia e ave i leoleo, masalo o le 90% o le ava malosi. Oti, oti, oti e oo foi i mea nei o fasiotiga tagata nei mulimuli nei i le atunuu lau Afioga, e mafua mai o le ava malosi. O le fesili la; o le a le mea ua faapenei ai le onana a tagata? People are going wild when they are drunk at this stage.

Sa fai atu foi lau tuualalo i le tatou Maota i le taimi ua sola, e i ai le kamupani lea latou te aumaia le mea lea na ou fautua atu ai. E le o se mea e tatau ona faaaoga i se ava malosi, o le sipili tutu moli. Sa faasaina foi leaga sa tele ai le aafiaga i le atunuu. E oo mai i le aso, e leai lava se mea o aumaia i luma e faamalamalama sou manatu ua avatu. Ae silasila lau Afioga, o tatou oloa lea ua gaosi i inei, ou te tautino atu, e le lelei. Lau Afioga i le Minisita, silasila totoa ia i latou nei lea e gaosia, ua matua ova le pasene ua onana ai tagata tulou lava le gagana, ua leai ni mafaufau. Na ona onana lava manao e fasioti, fasioti, ua le tasi le fasioti, lua, tolu, at the same time. Ae na ona avatu faapena lau Afioga, ina ne i te i ua tatou alo i le ata o le laau pe pouliuli le tatou vaai, a o lau tautinoga lau Afioga i le Fofoga Fetalai, o le ava malosi, it's the biggest killer lea ua i totonu o le atunuu. Ae faafetai i lau Afioga i le Minisita ua aumai lenei Tulafono Tau Faaofi se i faatonutonu folau i le tulaga e agai i ai tatou, leaga e le mafai ona tatou taofiofia le aiatatau a tagata e tatau ona taumafa, a o le mea lea ua tupu, ua out of control.

Ia ae na ona faapena atu lau Afioga i le Minisita, lafo atu, a i ai nisi mea e toe saisai mau ai, saisai. O le mau lena a le itumalo, leaga ua tupu, e le na o le taulaga. A outou vaai i ai i fono a nuu, tea, tea, tea, o le mea lava lea. Ua omai tupulaga ua o i luga ma talanoa ma fai fetusiaiga e faaaoga ai foi faiga faatekonolosi, ua faapena ona fai, ae na ona matou tuitui malofie ma avatu i tafatafa o lau Afioga i le Minisita, a i ai ni kamupani gaosi ava malosi i Samoa o lo o latou le mulimilitai i tulaga o le fono faufautua a le tatou liquors board faamolemole, tapunipuni.

Ia ma le agaga faaaloalo, o le tuualalo lena.

**28 JANUARI 2019**

**Tulafono Tau Faaofi e Fuafua Tatau ai le Ava Malosi 2018**  
**- faitauga faalua**

**FOFOGA FETALAI:** Malo faafetai. Ia, tulai mai le Palemia.

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fatalai, se i tulai mai le Afioga i le Minisita ae tali atu i nisi o manatu faaalua. Ou te toe faataua lava finagalo ia sa faaalua, o lea foi e faafogafoga le Minisita e toe silasila i ai le Komiti, aua o le Tulafono lenei e agai atu i le Komiti o Tulafono, e tapa ai foi le atunuua ma nisi i o latou finagalo faaalua, aua tatou te aafia uma ai lava. E 2,036 i le tausaga talu ai valaau telefoni i Leoleo mo se fesoasoani, e le iloa pe uma atu lenei tausaga ua oo i luga i le 5,000 valaau mai i le tatou Matagaluega o Leoleo.

Faamalo foi i le Komesina ma le mataalia o le latou foi vaega i le faia o mea nei o road blocks i le taimi o malologa. Tasi lea galuega tele o lo o feagai ma malu o le Malo o lo o taofiofi ai faalavelave tutupu mai ma tagata feoti, aemaise o le toatele foi o tatou aiga e omai mai fafo, e omai ona faapea lea o lea ua omai i le saolotoga o le latou atunuua aemaise lava o le autalavou, ona feaveai ai lea o taavale i se tulaga saoasaoa ma le le tapasa ma tutupu ai foi isi faalavelave. E taua tele le itu lea o le aafia o latou ia e lipoti mai le maumau o le soifua, e onana. E le gata la ina onana ae masalomia foi ma drugs. o le ala la lea e tatau ai foi i le Ofisa o Leoleo ona mataala i mea ia. E i ai lava manatu e tatau lava ona maua mai loa tagata ia molia loa ma fai loa le gaoioiga ina ia faatumau ai le talitonuga e le gata ina onana i pia ae onana foi i fualau faasaina aemaise lava le ice lele ua matua matautia le aafia ai o fanau a le atunuua. A lualuagia loa le pia i le ice, e fanau mai ai le oti. O le mea lena o lea e masalomia i le tele o faalavelave lea e aafia ai le soifua, e tatau ona faataua pea o lea e faafogafoga mai leoleo.

O le itu taua lava lau Afioga i le Tulafono Tau Faaofi lenei, o le sao o tatou leoleo. E i ai fale kalapu ia e i Matautu o lo o lipotia mai pea misaaga e faia i ina. O le tulaga i mea nei o latou security mo le puipuiga, e leai so latou malosi faaletulafono. O le mea moi e tatau ona fai, a tutupu loa mea faapea logo leoleo, ae le o le o ifo o outou... o securities ia na ou faalogo, o latou ia lea e faaooina manua i tagata, ae leai se latou aia e fai ai mea ia, o le solitulafono le mea lena. Ma e tatau foi ia i latou o lo o fai a latou pisinisi faapea ona silasila totoa i ai. Logo leoleo, na o leoleo e i ai le power lena na ona o atu lava loka mai. E malamalama tele i ai Olo i le taimi sa fai ai lana fale kalapu lea. E oo mai lava i lou fale, se i vaai i le mamao? Ou te faalogo atu lava i le pao mai ma faalavelave e tutupu ai i totonusi i, e masalomia foi le faatauina o mariuana i totonusi o falekalapu lena a Olo.

Lau Afioga i le Fofoga Fatalai, o le tulaga lena, e taua tele mo mea o falekalapu le hire o securities ae leai sa latou aia, leai se tou power e faaoo ai le manua i se tagata. A vaai atu loa i se faalavelave, na pau lava le mea o le ave filemu i fafo. A outou vaai atu loa ua oo i le tulaga e le mafai ai, logo leoleo.

**28 JANUARI 2019**

**Tulafono Tau Faaofi e Fuafua Tatau ai le Ava Malosi 2018**  
**- faitauga faalua**

E le gata foi i lena, ua fai ai ma amio ona faapaepae i fafo le otaota, lapisi, plastics. E tatau foi i le Ministry o le MNRE ona silasila totoa i mea ia, molia uma latou ia i le fai lapisi. O le au onana uma nei ma i latou lea e fai falekalapu faapea, e tatau ona o ifo e tae uma a latou otaota, ae le na o le tupe ae faaotaota e tiga ai fofoga o le atunuufeoai . E tele naunau le irresponsible o tagata nei e fai a latou pisinisi faapenei, na o le tupe, tupe, tupe e agai i ai ma le tele o poumoli ia e tasoa e le gata o moli auala, a o moli pepe faasoloatoa ai le atunuuf.

Lau Afioga i le Fofoga Fetalai, o mataupu ia e taua ai tele le Tulafono lenei ua faatulai atu. E tatau foi i le tatou atunuufautele ona silasila totoa e le faapea o le a vaai atu lava i le pisapisao o tagata ae nofonofo ae tatau loa ona logo leoleo. O isi tagata o la e tilotilo mai aiga, ae omai ua saga solo i le aualatele ma faasasaga atu i le aiga, a o la e vaavaai mai a latou fanau. O mea o uiga leaga uma lava ia e fai e tagata onana ua le toe i ai ni mafaufau.

O le tulaga la lena lau Afioga i le Fofoga Fetalai e taua tele ai le Tulafono lenei, ina ia tau maua ai ni tagata a o atu e fiafia i totolu i i, e le o le inu ona le mea e fai. Inu fiafia, toe o i le fale e le i suaava ina ia le maua ai e leoleo, aua o le mea foi lena o lea e fai ai poloka a leoleo i taimi faapea ona o le taumafai ina ia aua ne i aafia le soifua o tagata lautele.

Lau Afioga i le Fofoga Fetalai, o lau toe faaopoopo atu lena.

**FOFOGA FETALAI:** Malo faafetai.O le a tuuina atu le fesili...

**Tofa Olo Fiti Afoa Vaai:** Lau Afioga i le Fofoga Fetalai leaga o lea sa taua lou igoa e le Afioga i le Palemia ina ne i faitau sese le atunuufautele ona silasila totoa e le Palemia. O le mea moni lava lau Afioga, o nei mea o fualau faasaina, e tatou te le mafaia ona tatou iloa po o ai o o atu ma latou. O mea uma lava so o se falekalapu e tulai ai tulaga faapena. E le iloa mai e matou... sa i ai lau fale kalapu. E le iloa e i latou e ona falekalapu po o ai e alu atu ma mea ia. O le faigata ia ona tatou iloa o tulaga faapea, a o le tulaga sa i ai le pisinisi foi lea sa i ai i o pei ona taua, e le faatau ai ni mea faapena, e matua sa i lau tulafono. Na o le pau lava le mea e maua ai, na o taga aisa ae le maua ai foi ni aisa. Ma le faaaloalo.

**FOFOGA FETALAI:** Malo. Ia, o le a tuuina atu le fesili. E i ai se isi faaopoopoga a le Minisita po o lea ua kava uma e le Afioga i le Palemia?

**Afioga Hon TIALAVEA FEA LENIU TIONISIO HUNT:** Faafetai i lau Afioga i le Fofoga Fetalai. E leaga o lea sa taua e le sui usufono le... O le tulaga lea ua i ai i le taimi lenei le Liquor Board, ou te talitonu o lo o lelei e o lo o galulue ai. O le taimi lenei e le o issue ina se laisene mo falepia uma lava i le taimi lenei, e totogi le latou... ona o lea e fai conditions a le liquor board, e amata nei ona ou alu atu saini loa laisene ua uma ona toe faafou uma conditions o laisene nei. O bar la ma night clubs, aua e ese le bar ese night clubs o lea ua i ai i lalo conditions na.

**28 JANUARI 2019**

**Tulafono Tau Faaofi e Fuafua Tatau ai le Ava Malosi 2018**  
**- faitauga faalua**

O security e tatau ona maua se faamaoniga o mea sa aoaoina ai i le Ofisa o Leoleo. E le tatau foi ona security se isi sa convicted muamua. O le faalavelave o faafitauli o lea matou te iloa ona o tagata o aiga o owners ia e nonofo ma faa-security ae le malamalamama i le vaaiga o tagata pe a onana, e sili atu le worse o le aualii na i lo le au onana lava la e i ai. Ma o lea e ave le faamalosiau, a i ai le faafitauli e le mafai ona latou... call lea o le Ofisa o Leoleo, ma o lo o i ai foi le Komesina i le matou Komiti lenei o le Liquor. O faamaumauga lava ia ma... ae faafetai i faamaumauga a le Ofisa o Leoleo lea na fai ai conditions o laisene fou ia o le a issue atu e amata atu i le vaiaso lenei. O maliu uma sa i ai o lea e maua uma lava faamaumauga ma le ituaiga fagu malosi, o le vailima, o le taula, o lea na aafia uma i i. Maimau pe ana faapea e mafai ona... a molia atu loa se isi i tulaga ia, e tatau lava ona tui le toto ae ave e siaki i uta i le falemai ona e le mafai ona iloa po o le a le ituaiga oo lea ua oo i ai le ituaiga matautia, e masalomia lava o lo o aafia i drugs, ae le mafai ona... se i vagana ona tui le toto ona faatoa iloa sao lea o lea e aafia ai ma aisa i mea ia.

Lau Afioga i le Fofoga Fetalai, faafetai mo fautuaga, taatia mai o le a toe tagatagai i ai le Komiti Faafoe o le Ava Malosi pe a pasia atu le tatou Tulafono Tau Faaofi lenei.

**FOFOGA FETALAI:** Se i toe tulai mai le Palemia.

**Susuga Hon Tuilaepa Auelua Fatialofa Luplesoliai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fetalai, na o le pau lava lea o le itu lea ua e toe ttau se i toe silasila ane lava i ai le Komiti i le mataupu lea, tui le toto. Afai e faamaonia le manatu lea, ia tasi lena teuteuga e tuu i totolu o le Tulafono ina ia empower ai leoleo e faatino loa mea ia. O aso la i tama foi ia, na ona tupu lava o le mea, faaaoga loa le faautautaga tatau. Na ona tupu lava o le mea fai mai, se i tilotilo muamua i le Tulafono. O le mea lena ua tele ai mea e tau fufulu ona o le toe tilotilo muamua i le Tulafono. A o le tulaga lava ia, o le faautautaga tatau lava le Tulafono silisili i mea uma. E mo le faia o le mea amiontonu e tatau ona fai ae le toe faatali. Leaga o le Tulafono lena o lo o i le Tusi Paia, o le tagata e iloa le mea e tatau ona fai ae le faia, o le agasala lena i luma o le Atua. O le Tulafono o la e aumai i totolu o le Tusi Paia, faaaoga le faautautaga tatau.

**FOFOGA FETALAI:** Malo faafetai. O lea ua manino ma ua faapena foi ona atoa le tulaga o le faamalamalamaga a le Malo e tusa ai o lenei Tulafono Tau Faaofi.

*Na faamaonia le lafo ma faitauina le Tulafono Tau Faaofi e Fuafua Tatau ai le Ava Malosi 2018 i lona faiatuga faalua.*

**FOFOGA FETALAI:** E Fuafua Tatau ai le Ava Malosi 2018 i le Komiti o le Vaega tau le Tamaoaiga mo le iloiolina ma toe lipoti mai ai i le Fono Aoao.

**28 JANUARI 2019**

**TULAFONO TAU FAAOFI O FANUA MA SUAFA 2019**  
**– faitauga faalua.**

**FOFOGA FETALAI:** Tulai mai lau Afioga i le Minisita mo Faamsinoga.

**Afioga Hon FAAOLESA KATOPAU T AINUU:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Fanua ma Suafa 2019 i lona faitauga faalua ma ou te fia tautala faamalamalama i ai.*

*Faaluaina e le Minisita mo Aoga, Taaloga ma Aganuu ma le Minisita o Tupu.*

**FOFOGA FETALAI:** Talu ai ona o lea ua tatou taunu i le tatou malologa masani, o le a saunoa faamalamalama le Minisita mo Faamsinoga e tusa ai ma lenei Tulafono pe a toe foi mai i le tatou malologa masani.

*Na faataatia ese Galuega a le Fono Aoao Faitulafono i le itula e 10:43 i le taeao ma toe faaaauau i le itula e 11:20 i le taeao.*

**FOFOGA FETALAI:** E faia le tatou malologa ua uma ona faaluaina le lafo e faitauina le Tulafono o Fanua ma Suafa 2019. Ia ae o le a talia le saunoaga faamalamalama a le Afioga i le Minisita pe a taliu mai le tatou galuega i le maea o le tatou malologa. Ma lou faaaloalo ou te tapa lau Afioga i le Minisita mo lau saunoaga faamalamalama.

**Afioga Hon FAAOLESA KATOPAU T. AINUU (Minisita mo Faamsinoga):** Lau Afioga i le Fofoga Fetalai, faapea le Afioga i le Taitai o le Maota, faapea sui usufono mamalu o le Maota lenei, ae a le faafogafoa mai a Samoa i ona tulaga faalupe. Afio foi le Ao Mamalu O Le Malo, ma Sui o le Fono a Sui Tofia, tapuaiga a Samoa aua Aiga ma Tama, Tama ma Aiga, faapea le Usoga a Tumua ma Pule Ono i Salafai.

**FOFOGA FETALAI:** Faamolemole, ou te faaueilavea i lau Afioga i le Minisita o lo o saunoa, ma lou faaaloalo ou te faamalulu atu i le Afioga i le Taitai o le Malo, o lo o i ai le lafo, tapa lau Afioga i le Palemia le Taitai o le Malo i se lafo.

**Susuga Hon TUILAEPA AUELUA FATIALOFA LUPESOLIAI LOLOFIELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai ona o le taua o le faasologa o mataupu o Pepa Galuega mo lenei aso, ma e ogaoga Tulafono o lo o feagai ma le Maota nei. O lea lava ua faafogafoga mai Samoa i le taua o le fefaaaliaiga o taofi i a outou Afioga i sui usufono mamalu o le tatou Maota nei. Ia ma e le soona faia foi ni Tulafono, e mafua ona fai Tulafono o le puipuiga lea o le soifua saogalemu o tatou tagata.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

E i ai lava isi fai mai ua tele nei mau Tulafono, o le mea lea ua solitulafono ai tagata o le saga fai o nei Tulafono. Ae o le agaga tonu lena e le mafai ona nofonofo le Malo, e tatau ona mataalia pea i auala eseese e puipuia ai le soifua manuia o tatou tagata. O le ala foi lena e le manofonofo ai ia Afioga i Minisita, Sui Palemia ma Minisita Lagolago i le vaavaai pea vaavaai pea i tulaga e tatau ona toe teuteu ai nisi o Tulafono, aemaise o vaega ua mataituina e tatau ona toe tapue atili Tulafono ona o le tele o soligatulafono fou ua aliali mai i lo tatou atunu u e afua mai i le soifua o tagata i fafo.

O le mea la lea e tatau ai ona faagasolo pea ia le tatou galuega, seja oo lava ina maea e pei ona faatulaga i le pepa o galuega i le aso. E faatu atu ai le lafo i lau Afioga i le Fofoga Fetalai e faaauau ia tatou galuega se i maea le ta o le 1:00, ta tonu o le 1:00 malolo, ia ona tatou toe tauaofia ai foi lea i le ta o le 7:00 i le po ananei faaauau se i ta le 11:00, ia atonu e oo atu i ai ua maea uma mataupu e pei ona soalaupuleina, e fuafua e soalaupuleina ma sui usufono mamalu o itumalo. Lau Afioga i le Fofoga Fetalai o le lafo lena.

**FOFOGA FETALAI:** Malo faafetai, ua faatuina mai le lafo e le Taitai o le Maota po o le Afioga i le Palemia, ina ia faapena ona malolo le tatou galuega i le itula e 1:00 i le aoauli nei, ia ae toe amatalia pe a ta le 7:00 i le afiafi ananei seja aulia le itula e 11:00. Ia o le naunautaiga lava ia o le finagalo o le Taitai o le Maota ma le Malo, ia faapena ona faatino ia le tulaga o tatou Tulafono ma le galuega a le Palestine, ia ona lafo foi lea i le Komiti Filifilia o le Palestine i le latou foi pitolaau, ia ona faapea foi lea ona galulue le Kapaneta, ia aua le atinaeina o le atunu u e tusa ai o le Tulafono ua uma ona faataatia ma le Tala Faatatau Faaopoopo o le Tupe, ia aemaise foi o Ofisa Sili o Pulega o Matagaluega.

*Faaluaina e le Minisita mo Pisinisi, Alamanuia ma Leipa.*

**FOFOGA FETALAI:** Ma le faaaloalo ou te tapa lau Afioga i le Minisita mo Faamasinoga, e faaauau lau saunoaga faamalamalama.

**Afioga Hon FAAOLESA KATOPAU T. AINUU (Minisita mo Faamasinoga):** Faafetai i lau Afioga i le Fofoga Fetalai, tatou te auai faatasi i lenei taeao fou i le viiga ma le faaneetaga i lo tatou Atua, ona o Lona alofa e le mavae i le taitaiina mai o lo outou soifua, ma lo tatou ola i lenei taeao fou, taeao totoa taeao manino aua le Fonousu a Samoa.

Ua taoto i lumamea le Tulafono Tau Faaofi o Fanua ma Suafa 2019 i ona tulaga uma ma lona auliiliga. O lenei Tulafono Tau Faaofi o Fanua ma Suafa 2019 o le a suia ai le Tulafono Autu o Fanua ma Suafa i le 1981, o lo o i ai i le taimi nei.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

Ia Juni 2016, na pasia ai e le faaiuga a le Fono Aoao Faitulafono ina ia faavae se Komisi Suesue Faapitoa mo Faamasinoga mo Fanua ma Suafa i le toe lauliliuina o Tulafono ma Faiga Faavae o lo o limataitaiina ai le Faamasinoga o Fanua ma Suafa. E tuuina mai ni fautuaga anoa ina ia toe faaleleia ai le Faamasinoga o Fanua ma Suafa aemaise ai lava Tulafono o faiga faavae o Faamasinoga o Fanua ma Suafa, ina ia atagia ai pulega manino ma ia mautali foi i le mataupu e laga mai.

Ua maea ona pasiaina e le Maota lenei ia lipoti ma fautuaga na tuuina mai e le Komisi Suesue faapitoa a le Palestine faatasi ai ma tali a le Faamasinoga i lenei lipoti. O le ala lea o le see atu loa o le Malo e ala i le Matagaluega o Faamasinoga ma Tulaga Tau Faafoeina o tulaga tau Faamasinoga, ma le Ofisa o le Loia Sili e faatinoina loa suiga talafeagai o Tulafono ina ia atagia ai le faatinoina o fautuaga e pei ona tuuina mai i le lipoti o le Komisi Suesue Faapitoa a le Palestine.

E pei ona silafia e le mamalu o lenei Maota, o le Komisi Suesue Faapitoa, sa valaauna ai le mamalu o le atunu, e afifio mai ma tuuina mai so latou sao i le galuega a le Komisi. E le gata i lea, sa valaauna foi le Faamasinoga, ae peitai sa solitu le Faamasinoga ona o mafuaaga sa tuuina mai e le latou tali.

I le tali atu la i fautuaga na tuuina mai e le Komisi, o lea ua tusia ai e le Malo le Tulafono Tau Faaofi o Fanua ma Suafa 2019 ina ia teuteu ma suia ai loa le Tulafono o i ai nei, Tulafono o Fanua ma Suafa 1981. O nisi o fautuaga a le Komisi sa tuuina mai i le isi Tulafono Tau Faaofi, e pei o le Tulafono Tau Faaofi o Komisi o Faamasinoga, lea o lo o taoto nei le teuteuga o le faavae i le Palestine nei.

O nisi la nei o suiga tetele o le Tulafono Tau Faaofi o Fanua ma Suafa 2019 e pei ona fautuaina e le Komisi Suesue mo le pasiaina aloaia e lenei Maota:

1. O le faatulagaga o Faamasinoga o Fanua ma Suafa. O le faatulagaga e pei ona tuuina atu, e tusa ai ma le fautuaga a le Komisi Suesue o Faamasinoga mo le uluai suesuega:
  - (i) O le faamasinoga mo le uluai talosaga muamua ma le faamasinoga o le talosaga mulimuli a le Faamasinoga o Fanua ma Suafa.

O lea faatulagaga o le a aloaia ma amanaia ai tulaga faapitoa ma le maualuga o le Faamasinoga o Samoa mo ona fanua faale-aganuu ma ona suafa matai, ina ia tutusa le faataua ma le aloaia e pei o mataupu e tuuina atu i le Faamasinoga o Soligatulafono. A o lenei faatulagaga, o le a atagia ai le taua tele o Faamasinoga Samoa i totolu o le lio o faamasinoga. O le a avanoa ai le atunu e toe iloilo ai se mataupu ua uma ona fai i ai se faaiuga a le Faamasinoga o talosaga pe afai e ausia ona tuutuuga maoti lea e faaperetaniaina o le miscarriage of justice muamua po o le error of law.

2. Afai e maea le iloiloga a le Faamasinoga o talosaga e le faamalieina lava se itu o faamasinoga, a mafai ona ausia se tasi o mafuaaga nei e lua ua ou taua, o le avanoa loa lea e agai ai le Faamasinoga Maualuga o Fanua ma Suafa po o le tau faaperetaniaina o le Final Court of Appeal mo se faaiuga o lana mataupu.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

O lona uiga o le a le toe sulufai le atunu i le Faamasinoga Maualuga Supreme Court, e ala atu i le auala foi lea e masani ai nisi o tatou, o le traditional review. Ae o le a toe saili lava e le Faamasinoga o Fanua ma Suafa le final court of appeal lava ia le tulaga i se faaiuga o le a tulai mai pea.

O le faiga lenei o le a mafai ai ona ausia ai le isi fautuaga taua a le Komisi Suesue ina ia tutoatasi le Faamasinoga o Fanua ma Suafa ma fai ai lava e ia iuga o ana lava faamasinoga, e le toe manaomia le toe saili pe suesue e se isi Faamasinoga e ese mai i le Faamasinoga o Fanua ma Suafa. Ma o le a tuu mai foi i luma o le Palemene nei ia teuteuga talafeagai, o le Faavae o Samoa mo lea faamoemoe ina ia -ogatasi le futia ma le umeleø e pei o lea muagagana.

O le a faamausaliina ai le le mafai e se Faamasinoga ona toe iloiloina ni faaiuga a le Faamasinoga o Fanua ma Suafa e pei ona i ai i lalo o le vaega 71 o le Tulafono o Fanua ma Suafa 1981. O le isi suiga o lo o i ai nei i le Tulafono Tau Faaofi, o le faatulafonoina lea o le taimi faatapulaa e tuuina mai ai se faaiuga tusitusia a le Faamasinoga. I taualaumaga o suesuega a le Komisi Suesue, o lo o maua ai le tele o finagalo faasea a le atunu, i le umi ona faatali faaiuga tusitusia aua latou mataupu. O isi mataupu ua malolo litaea faamasino sa latou faatautaia ia mataupu ae le i i ai ia ni faaiuga tusitusia. Ma o se tulaga maaleale tele lea faatinoga ma ua tatau ona faatulafonoina ia le taimi e tatau ona tuuina mai ai se faaiuga a le Faamasinoga.

O le isi tulaga lau Afioga i le Fofoga Fetalai, o lo o i totonu o lenei Tulafono Tau Faaofi o le faatulafonoina lea o le tauaoina mai e itu o le faamasinoga, o faafanua o se mataupu e agai i ai le sailiga o le pule o se fanua faale-aganuu ma ona tuaoi, ua maua i saililiiga a le Komisi Suesue, o mataupu tau fanua faale-aganuu, e i ai feteenaiga i faafanua e aumai i le Faamasinoga ma faafanua o lo o teuina e le Matagaluega o le Punaoa Faalenatura ma le Siosiomaga. O isi foi mataupu ua fai le faaiuga a le Faamasinoga i luga o le isi fanua, ua maea i ai faaiuga a le Faamasinoga, ma ua maea foi ona fua faale-tulafono. O le mafuaaga lea o le faamalosia ma faatulafono loa le tauao mai e itu auai o se faafinauga i fanua faale-aganuu, i le Faamasinoga o fuataga, o fuataga o so o se fanua o lo o aafia ai talosaga i luma o le Faamasinoga.

Lau Afioga i le Fofoga Fetalai o le isi vaega o lo o i totonu o le Tulafono lenei, ua faamalosia ai taiala o faatinoga o galuega faale-faamasino i le taimi o sailiga a le Faamasinoga. O feteenaiga o tiute faale-faamasino e faatautaia ia lea mataupu ma lea mataupu. O le faamalosia o tupe totogi mo le tolopoina o lea mataupu, aemaise piitaga o se faamasino i se mataupu. Ua toe faamanino mai foi le tulaga faaletulafono o mataupu e soalaupule, ae le i faatinoina le suesuega o le faamasinoga.

O nisi vaega o lo o agai i ai le Tulafono Tau Faaofi o le faatulafonoina o le faatinoina o saofai faale-aganuu, o tiute tauave a sao o le aiga, tiute tauave o Sui o le Malo, o tiute tauave o le Resitala o le Faamasinoga, ina ia manino ma maioio lelei le faatulagaga o nei tiute ina ia aua ne i i ai nisi faaletonu e toe tulai mulimuli i le faatinoga o saofai faale-aganuu.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

Lau Afioga i le Fofoga Fetalai, o tulaga ia o le aoaotelega o lenei Tulafono Tau Faaofi ua taoto nei i lumamea, o lo o manino mai ai faatinoga faafautuaga uma sa tuuina mai e le Komisi Suesue a le Palemene mo Faamasinoga o Fanua ma Suafa. E le gata i lea o le vaavaai o le Matagaluega i tulaga ogaoga, e tatau ona fai i ai nisi suiga talafeagai, ona ua le toe talafeagai lenei vaitau ona o le Tulafono o lo o i ai i le taimi nei.

E pei ona ou taua i le taimi ua sola, o lo o i ai le Tulafono Tau Faaofi o le Komisi o Faamasinoga, o le a agai mulimuli mai mo se iloiloga ma se faamaoniga a le Maota. E agai tonu lea filifiliga i le filifiliina o faamasino. O le faatautaia o le iloiloga o tiute o faatino e faamasino, performance review ma le iloiloga o faasea mai i le mamalu o le atunu, e agai tonu i se faamasino e aofia ai le siitia po o le faamalolo o se faamasino ona o se mafuaaga tatau.

O le a silasila foi lenei Tulafono Tau Faaofi i faamanuiaga talafeagai mo faamasino, e ala i totogi ma nisi faamanuiaga e agavaa i ai. E pei ona ou taua i le taimi ua sola, o nei suiga ua taoto nei, sa faavae i luga o galuega fita sa feagai ma le Komisi Suesue faapitoa a le Palemene mo faamasino o fanua ma suafa. E toe faamauina ai le agaga faafetai tele i lau Afioga i le Taitaifono ma sui usufono mamalu o le Palemene sa auai i lenei Komisi Suesue, ona o la outou galuega fita sa outou feagai ai. E pei ona manino i upu tomua o lenei lipoti, le saunoaga a le Taitai o le Maota, œ le faigofie le sailiga o le amiotonu, aua e ola faatas lava le saito ma le titaniaö.

O le nonofo lelei o aiga ma nuu, e faamoemoe lea i le lelei faafoe o tualumaga ma suesuega ma faaiuga fai a le Faamasinoga, aua o faaiuga fai a le Faamasinoga a Fanua ma Suafa, ua taua faaperetaniaina, Judgement.... O lona uiga e aafia ai e auai i itu o faamasinoga, e aafia ai i latou e le i auai, e aafia ai foi ma latou e le i fananau mai. Ia manuia tele le soalaupulega o lenei Tulafono Tau Faaofi o Fanua ma Suafa 2019, ia fesoasoani mai le Atua i le felafolafoaiga a le Palemene i le aso, soifua ma ia manuia.

**FOFOGA FETALAI:** Malo, tulai mai le Afioga i le Palemia.

**Susuga Hon Tuilaepa Auelua Fatialofa Luplesolai Lolofietele Neioti Aiono Galumalemana Dr. Sialele Malielegaoi:** Lau Afioga i le Fofoga Fetalai, ou te faaopoopo atu i le saunoaga a le Minisita mo Faamasinoga e ana le Tulafono.

Pe a toe tomanatu i le Tulafono lenei, o le Tulafono na afua atu i le Maota lenei. O le tatou Tulafono, pe a ma le 2 tausaga talu ai, na laga ai se mataupu taua tele, i totonu o le Maota lenei, ona o le faafitauli lea e faafeagai ma le atunu, i le silia i le 300 talosaga apili, o lo o taatitia e le i faia i ai ni faaiuga, ua le mautonu ai le itu faamasinoga a le atunu.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

E le gata la i Tulafono i le tulaga o Faamsinoga faale-agantu, ae faapena foi le tulaga o lo o faatali ai le toatele i faaiuga o faamsinoga faasolitulafono. O lea foi e tele iuga o lea e faatali i ai tagata ua aafia. Ia o le matafaioi tonu lena a le Faamsinoga, ae o le faalavelave, ua leiloa e le atunuu po o fea a o i ai. Ua leiloa e tagata ua aafia i le faamsinoga faasolitulafono po o le a le mea ua oo i ai, po o le a tonu le mea lea e taoto ai le faamsinoga. E na o le tolo ona o le tulaga o lea excuse, o lea excuse e aumai pea e le Faamsinoga, aemaise o faamsinoga ua uma ona fai, ua fia tausaga talu ona uma na fai, ae leai ni faaiuga tusitusia. O mea ia i isi atunuu, ua faatulafonoina, le tulaga foi lele aua ne i silia i le masina po o le lua masina ua kiliva le faaiuga o se faamsinoga ua uma ona fai. A le kilivaina loa le faaiuga, faamavae. O le mea lena e fai e le faamsino, faamavae.

O lea la ua aumai e tagata i le Malo, ua leiloa po o fea a sulu i ai, ia ona taumafai atu lea o au nei o le Taitai o le Malo, e faamanatu i faamsino ia latou tiuteo lea e faalavelave mai le atunuu, i le Pule Faatonu, ae e le o se matou matafaioi lea. Ia ae ou faalogo atu, ua faitioina le aiatatau o le Malo. Ae o le mea lea e taumafai atu ai, ua leiloa e o tatou tagata, le mea o le a sulu i ai. O ai o le a sulu i ai? Sulu loa i le Palemene.

Ae ua uma foi ona faataoto i totonus o le Faavae o le Malo o Samoa, le faataatiaga o le Pule Fefatauagai, the Divisions of Power, i lala e tolu o le Malo. Executive le Pulega, lea e faauluulu i le Palemia, o le Faamsinoga e faauluulu i le Faamsino Sili, ia ma le Palemene e faauluulu i lau Afioa. O malosi ia e tolu, ua uma ona vaevae i lalo o le Faavae, e agai e le isi Pule le isi Pule. A faaletonu loa le isi Pule, agai loa le isi Pule i le faamanatu vaai lau mea lena e sese. O le balance of power lena, lea e i totonus o Tulafono Faavae o Malo faatemokarasi uma lava o le lalolagi. O le Pule a le Faamsinoga, Pule a le Palemene, ma le Pule a le Pule Faatonu.

O i ina i le vaevaega lea e tolu, e puipui ai le temokarasi a Samoa, aua ne i fia pule se isi, aua o le mea na sau ai, o isi ituaiga pule, pule o le tupu, lea e tatou te iloa lelei lava mai le taimi o Solomona, ia ma le taimi o Tavita, e pule lava faasoloatoa. Ia faasolo mai loa oo mai i Peretania o i ina na amata mai ai ona fetauai, tau le Palemene ma le Tupu. O le a le mea na oo i ai? Faasee loa le Tupu i luga nofo nofo ai, na o le nofo ai lava e oo i le faavavau na o le nofo nofo lava ma matamata. A o matapu lautele, taoto mai i le Palemene, lea la na oo ai ina fetauai ai le Malo o Farani. Faatu loa foi ma le Malo o Amerika faataoto ai loa Pulega nei e tolu, lea e sosolo ai lava temokarasi uma o le lalolagi e aofia ai ma tatou, Niu Sila ma Ausetalia. O le vaevaega lea e tolu, ona o le tulaga lenei e tuu loa se fasi pule i se lima e toatas po o ni nai tagata, faaaoga sese loa.

O le ala la lena o lea e ala ai ona taoto pulega ia, ma o lea la ua oo i le taimi e taoto mai ai faalavelave ia, o le a la le mea e fai e le Palemene? O le mafuaaga lea na ala ai ona faatu le Komiti lea. O le Komiti e suesuea le malosi lea e i totonus o le Faamsinoga ma le tulaga ua faaaoga sese ai, e i ai le upu e faapea, →o le justice delayed, is justice denied. O lona uiga o faamsinoga tonu, e faatalitali pea, faatalitali pea, faatalitali pea o i ina tonu e fanau mai ai le le amiontonu.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

O lona uiga e le mafai ona nofonofo ia sui o tagata lautele, le Palemene lenei, ua tatau loa ona faaaoga loa e le Palemene lenei ia aulape o lea e i totonu o le Faavae. O a aulape ia? E mafai e le Palemene lenei, i lana faaiuga 2/3, ona aveese se faamasino e le amiontonu. E faapena foi ona faaaoga e le Palemene lenei, i le 2/3 ona aveese se Palemia le amiontonu. O mea ia o aulape ia o lea e taoto i totonu o le pule lenei a tagata lautele a le atunuua atoa, lea e i totonu o le Palemene ina ia maua le 66.3, 2/3, 66.6 po o le 66.7% o le Maota lenei. O i ina la, lea na faavae ai loa le Komiti lenei o le a agai loa le Palemene e apo aulape ia, o lo o i totonu o le Faavae mo se uluai taimi, ma e soo se mea lava e tupu mo se uluai taimi, e faatei tagata.

O lea la ua faatu le tatou Komiti a le Palemene o le a amata ana galuega, a ua faateia ai le Faamsinoga. Fai ai loa ma le latou faaiuga, e le o mai e fai ia ni a latou molimau, i le fofo lea o le a agai i ai le Palemene, e fofo ai faafitauli ia e feagai ma o tatou tagata lautele, e leai se isi mea e tua i ai. O tatou o sui usufono o le atunuua, afai ua vaivai le isi lala, o fea le mea e o i ai tagata? Toto mai loa i sui usufono o le atunuua, na mafua ai ona palota mai tatou uma i totonu i i.

O le mea la lea, a tatou o mai i totonu i i, fai ma le amiontonu fai ma le le fefe ia tatou galuega. Ia lea la ua faateia le Faamsinoga, le o mai loa. Ou te faafetai i le Komiti, Taitaifono ma le Komiti i le lava o le tofa, na alu lava le galuega e le i taofia. Faatoa iloa mulimuli ai e le Faamsinoga, e oo lava i le Faamsino Sili o le mea na amata mai ai nei mea faatemokarasi na samania e le Palemene i Peretania, sa i ai foi si ona ia tei. Ae na iu lava ina alu ona o faavae ia o atunuua malamalama. O Ausetalia e faafia ona samania ia latou faamasino, e o mai se i faafeagai ma le Komiti o le Palemene, ona o i lea e i ai le power maualuga e samania ai soo se lala, ua le faamaoni i le faatinoga o ona tiute. Ua ala ona oo i ai ia au faamatalaga ina ia malamalama lelei, aua le faafogafoga mai e le o se Tulafono na tupu mai i fafo, a o le Tulafono na tupu mai i totonu o le Palemene lenei. Na tupu mai i totonu o le Palemene ona o le tagisa mai o tatou tagata, ua leiloa le mea a sulu i ai. Ia lea la ua taoto le lipoti o le Komiti, o lea foi ua malamalama ai foi ma le Faamsinoga ma aumai ai loa ma latou tali, o le ki lena o le Tulafono e tupu mai totonu o le Palemene lenei, e tupu mai totonu o le Palemene ona o le tagisa mai o tatou tagata ua le iloa le mea a sulu i ai. O lea la ua taoto le lipoti a le Komiti, o lea foi ua malamalama ai foi ma le Faamsinoga i le agaga moni, ma aumai ai loa a latou tali, e ui ua tautuaupega.

O le Tulafono la lenei lau Afioga i le Fofoga Fatalai e tatau ona toe foi i o i le Komiti pe a uma le soalaupulega, e toe tilotilo i ai le Komiti ma toe valaau le atunuua lautele, toe valaau ai foi ma faamasino e o mai e fai ni a latou molimau. Ua maaleale tele nei aso o le fai atu lava o lea mea i totonu o le Palemene fai mai ua a ma a ma a, ae o lea e tuu avanoa le Palemene lenei.

O lona uiga o saunoaga e fai i le Tulafono lenei, o saunoaga e fofo ai le matapu lea. E le o ia i tatou se tomai faapitoa, ao lo o i le Atua le amiontonu ma le tomai na te musumusuina i tatou. Ou te le iloa foi pe ua faafia ona tatou taua le suafa o le Alii.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

O lo o manino lava Afioga a le Alii. E so o se mea e tautau ai lona suafa pe toalua pe toatolu, e lotolotoi ai foi i totonugalemu. O lo o afio i le mea nei le Atua o le poto Silisili Ese, na te aumaia le tofamamao. E lauliliu le Tulafono lenei ona o le Tulafono lenei e pei ona saunoa le Minisita, o le Tulafono e aafia ai o tatou tagata nei ma e lua latou e lei fananau mai.

Lau Afioga i le Fofoga Fatalai, o le toe faaopoopo atu lena. O le Tulafono e le o se Tulafono a le Malo, o le Tulafono na tupu ae i le fautuaga ma finagalo na faaalia i le Komiti faapitoa na tofia e le Palemene lenei, na o mai uma i ai le mamalu o le atunu, e faaali ai o latou finagalo. Ae a uma foi ona soalaupule, e toe foi i le Komiti e toe tuu atu le isi avanoa tele lava mo le atunu atoa e toe gasolosolo mai foi e toe faaali o latou finagalo. Lau Afioga i le Fofoga Fatalai, o le faaopoopo atu lena.

**FOFOGA FETALAI:** Malo faafetai, o lena ua faafogaga le paia o le Palemene aemaise o le faafogaga tapuai mai a Samoa. I le maa faafuagalu na afua ai lenei Tulafono ona tagofia e le Palemene. Ma e le i faigofie lea tulaga. O lea foi ua malele ma taua le Komiti ma tulaga e pei ona alofaiva i ai le Palemene i le fesootaiga o itu faatauagai, o le tulaga lena ua manino. Mo sui usufono mamalu o le Palemene e fia saunoa i lenei Tulafono taua aemaise o le faafogaga tapuai mai a le atunu. O le mea lea, o lea ua tulai mai le sui usufono....Malie le sui mamalu mo Vaimauga sei tuu atu le avanoa lenei i le sui usufono mo Salega i Sasae.

**Tofa OLO FITI AFOA VAAI:** Lau Afioga i le Fofoga Fatalai, ua maua so matou avanoa e avatu ai foi nai motugaafa ma na i tuualalo e tusa ai ma le Tulafono. Lau Afioga i le Fofoga Fatalai ua manino i lenei itumalo ia le folasaga a le Afioga i le Minisita, ma e momoli atu ai le faafetai tele i lau afioga ma le paia o le Matagaluega.

O lea ua i ai nai suiga, e i ai lava le talitonuga, o le a fai lea ma toomaga o lo tatou atunu i le tele o faafitauli e tulai mai i le va o le Faamasinoga ma le atunu. I le tulaga foi lea ua manaia ai, o lea ua manino le tau tuueseesege o le Faamasinoga o Fanua ma Suafa ma le Supreme Court. Ae tatau lava ona faataatia atu so matou manatu leaga e utiuti le taimi ae feololo lava matou matapu, ae o le a faapupuu atu lava lau Afioga i le Fofoga Fatalai. Sa i ai lava le manatu o le a aumai loa faatutoatasi. Aua o lea ua tilotilo atu lava i foliga o le faataatiaga o faamasinoga i lo tatou atunu, o lea e ese lava le Faamasinoga i lalo i le Peresetene ma le Faamasinoga i lalo o le Faamasino Sili.

Na o se fautuaga e taoto atu i ina aua le agai atu i luma. O le isi vaega lau Afioga i le Fofoga Fatalai, se i toe silasila ifo lava lau afioga i le Tulafono lenei. O lea ou te tilotilo atu i le Tulafono o le Faamatuina atu o Fanua Tau Samoa, o lea ua i ai le feteenaiga i le Alienation of Customary land. O la e manino i ina le le toe tuu atua o se matapu i le Faamasinoga o Fanua ma Suafa. Ae o lea ua ou tilotilo atu i le Tulafono lea, o lea foi ua toe agai i ai. E na o se fautuaga e toe silasila ifo i ai lau Afioga i le Minisita.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

O le isi vaega lau Afioga i le Fofoga Fetalai, o le tulaga lea o le faaaaogaina o loia. E le fai atua sau faamatalaga aua a faaaaoga....o afioga i loia, e pau lava le mea la e i ai o le sue o lana tupe. E tele foi avanoa e taumafai ai iaí .., ina ia malo le itu e tu ai. Ae i ai lava lou popolega lau Afioga i le Fofoga Fetalai, aua e eseese le malolosi o aiga. E oo loa i le tulaga lena, e le gafatia e se aiga lima vaivai ona i ai se loia e tu mo latou. A oo foi ina faatino galuega i totonu o le Faamasinoga e leai se leo, e na o le faamasino lava ma loia o le a tu i mataupu faapenei.

O le isi vaega lau Afioga i le Fofoga Fetalai, o le tulaga lea o le tofaina e le Faamasinoga i a latou faaiuga fai, o le tofaina lea o matai e fai mai e latou faaiuga, "ia o le matai lea e fia au matai". O le faataitaiga lea o le a fai atu, a faapea nei o Olo Leaeasefili lea e faamasino, aemaise o le mataupu suafa Tuilaepa ua tau fua le suafa tulou. A ou fai atu nei, lima suafa Tuilaepa i i, lua i lua i, ailoga e manaia i se faalogologo i paia o le aiga. O le a pule mai i tua measina a le aiga. Ao lou lava talitonuga lau Afioga i le Fofoga Fetalai, e tuu pea i aiga, e o latou e soalaupule a latou mataupu. Afai lava po o le a le umi e soalaupule e le maua se tasi, o le latou lava lea faitalia. O la e i ai le tofa, e le fesiligia le tofa ma le uta i paia o aiga. Ae manumanu lau Afioga i le Fofoga Fetalai, i le faia e le Faamasinoga o faaiuga a aiga taitasi. E pei o nai vaega na lau Afioga i le Fofoga Fetalai. E na o se tuualalo lava, ae pule lava le Afioga i le Minisita ma le tofa i le mea e agai i ai, aua se manuia lautele o le atunuu i lenei Tulafono taua. Ma le agaga faaaloalo.

**FOFOGA FETALAI:** Se i tulai mai le sui usufono mo Vaimauga i Sasa.

**Afioga SULAMANAIA FETAIAI TAUILIHLI TUVASA:** Faafetai i lau Afioga i le Fofoga Fetalai, ao le i faia foi se sao o lenei foi itumalo i le Tulafono Tau Faaofi a le Faamasinoga ua opea i le Maota. E muamua ona avatu le agaga faafetai i le Taitaifono o le tatou aulakapi taitoafitu, o lea sa silasila uma i ai le atunuu i le week end. E ui e lei tau lau o le faamoemoe, ae o lea ua manaia si a tatou au. E pau lava le talosaga i le afioga i le taitaifono se i silasila i ao o tama taaalo, e le matagofie le vaai atu i ulu tavali ma mea o....se i silasila i le taimi lea e o atu ai e fai faamanuiaga a le Malo, o tatou e mamalu....e tasi lea a tatou faalauiloa o le avatuina o...

**Susuga Hon Tuilaepa Auelua Fatialofa Luplesoliai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fetalai, o lea o le a teuteu le vaega lena o le Tulafono i tamaiti e uumi o latou ulu ma faatupu a latou ava ma fai foi ni a latou fili. Ua mao mai i i le Tulafono si vaega lea. Ae pau lava le mea lau afioga, ou te toe faamanatu atu, o le Tulafono lea, o le Tulafono a lo tatou Maota, lea ua tuu i ai mea ia na aumai e le Komiti. O lona uiga la a tatou talanoa i le Tulafono, o le Tulafono a le Palemene.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

O le lipoti a le Komiti lea ua faaupu faaletulafono, ne i te i foi ua tuuai e se isi o le Tulafono a au ma le Kabeneta ma le Minisita, ao lea ua tuu i totolu mea sa o atu tagata ta'u ai i o i le Komiti. O lona uiga na o atu tagata fai i ai, se tuu ia i ai i totolu ia loia. Ae a aumai lava outou fautuaga se i toe tilotilo ane lava i le matapu lea, i le lipoti a le Komiti. Ne i te i foi ua alu foi se isi o le SSIG ma aumai o le Tulafono fai faamalosi e le Malo ae leai o le Tulafono e afua i luga o molimau na oo i le Komiti. Toeititi lava uma i ai le atunu atoa. E taua suiga talafeagai, ia aua ai ne i toe alu le tolu sefulu ma le fia o tausaga o faatalitali. E i ai le matou faamasinoga e tolusefulu tausaga o faatali. Aua ne i toe oo i na uumi o faatali le atunu lenei, a alu atu loa i o le talosaga fai loa ma le faamasinoga.

**Afioga SULAMANAIA FETAIAI TAUILIHLI TUVASA:** Faafetai i le avanoa i le saunoaga a le tama o le atunu po o le Afioga i le Palemia. O le a avatu se motugaafa a lenei itumalo i le tatou Tulafono. E momoli le agaga faafetai, e pei ona ou taua o Minisita ma Minisita Lagolago e aumai i totolu Tulafono e iloa ai o lo o galulue. Aemaise o lau faafetai i le Taitaifono lea o le Komiti sa fanau mai ai lenei Tulafono.

O le Matagaluega lenei o Fanua ma Suafa e pei o le itu lea o tatou faamoemoega faale-agantu. Ona e le gata i o tatou faasinomaga i fanua aemaise foi o tatou suafa. Ae matau i lenei taeao e na o ni lagona e tuuina atu i le teuteuga o le Tulafono. E pei o lea ua taua e le isi sui usufono lea ia loia, ia e faapena se lagona, o pea loia ia i Faamasinoga faasolitulafono ma luga i ina, ae tuu pea o tatou tagata nuu e faatino lava e tatou. Ona o le isi vaega lea i loia pe a o atu nei, e i ai la tatou Tulafono foi lea, e fesiliga mai e faamasino "E i ai sau aia i le suafa lea", fai atu lea e leai, ia e le talia oe, ao lenei o le a aumai nei loia e faalavelave fua i Faamasinoga a aiga. E pei o le agaga lena o lea e faaopoopo ai, e le gata i le taugata, ae o le a leai ai se uiga sao sa faatu ai lenei foi vaega e faatino lava e faamasino Samoa ma faapena.

O lona lua o talosaga ma le tuualalo, se i silasila ifo i nai o tatou Faatonu ia ua aveese. O nai Faatonu ia e pei o latou ia e lagolagosua i afioga i faamasino, ao lea o le a toe aveese nai faatonu, se i silasila ane i ai i lena vaega.

O le isi vaega lau afioga i le Minisita ma lau Minisita Lagolago ma le Pulega, o si vaega lea i tulaga o fuafanua. O lea o le a tapa ni tatou vaega fuafanua e o e fua fanua faale-agantu. Ae silasila foi, o tatou fanua faale-agantu e leai ni pine, e pei o lea e tele ina saunoa lo tatou tama po o le Palemia, e fua i le koko i le niu. Ao lea la e fai mai e o nai aiga e avatu, o fea la a o e fai ai na fuagafanua?, ao a foi tupe e totogi ai fuafanua ia? o le tasi lena vaega. O lona uiga a fai ni faamasinoga e tuaoi ai ni fanua, o lona uiga a le mataala aiga ia e tuaoi ma fanua na, e toe fai atu ua fua mai foi ma latou ia, ao la e....ona o vaega ia i fuafanua. E teena e lenei itumalo le faaaoga fua o....o lava e finau i le silasila a faamasino i le tulaga lea.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

O soalaupulega faamolemole, ou te faafetai lava i lea foi faatofalaiga ina ia soalaupule muamua e le i oo i le Faamasinoga. Ao le faatinoga la o le soalaupulega lea e avatu ai le tatalo, se faamolemole e tuu pea i le staff a le Matagaluega, ona o lea e i ai tamalii lea e o atu e faatino, o lou popolega lea. O le a o atu fua latou i totonu matamata ai i iuga o le faamasinoga, ma vaai ai i faila o iuga ae le galulue i totonu o le Matagaluega o Faamasinoga. Tuu pea le auaunaga o soalaupulega e faatino e le Aufaigaluega a le Faamasinoga ona malu puipuia lea. Aua o lea e matau atu e aumai muamua le lisi ae vaai atu, o isi e tu maualuga i totonu o Matagaluega a le Malo, ao lea foi o le a toe faaeleelea ma le isi mea e totogi. E uma ae ae fai mai e fia itu, ave le tupe ma e sa faia le soalaupulega. E teena le avatu o tagata tua, fai pea i totonu o le Matagaluega lena auaunaga.

O le poloaiga le tumau, lea e i ai le poloaiga le tumau a le Peresetene, e i ai le poloaiga le tumau a le Resitala. Se ua fetaui nei mea o poloaiga le tumau. E fia fesili ai i lau Afioga. O ai le poloaiga le tumau e maualuga po o le Peresetene po o le Resitala? Ae ou te tatalo atu, a faapea e le tumau, aua ne i toe faia lena mea o le poloaiga aua e le o tumau. Aveese aloaia ai loa i lalo o le tulaga...

O le pulenuu, o lea ua oo le finagalo foi o le Afioga i le Minisita ina ia faamalosia tulaga o faiga matai a nuu. O na i pulenuu o la o lo o tua i ai o tatou afioaga, o i lea e malu ai lo tatou Faigamalo ona e mafua mai i totonu o pulega a alii ma faipule i le mamalu o pulenuu. E le gata i totonu o tamaitai ao pulenuu tama o lo o faatautaia o tatou nuu. Ao lea foi ua toe aumai ma lenei avega mamafa, fai mai e aumai le taimi e tuuina mai ai i totonu ia suafa matai, ae o lou talitonuga, o mea na e pule ai lava le nuu. Aua e i ai isi nuu e fai suafa matai o e mai fafo, e le aumaia la e resitala, ao lea o le a faamalosia e aumai i totonu ia tulaga ia. E pei o na i vaega na, ae a silasila i ai o siitaga ia ua alu nei a tatou, e le o lavea ai pulenuu. Ae a pe a silasila e toe sii ai i totonu ma na i na.....faamanuia mo pulenuu.

**FOFOGA FETALAI:** Mo le faasaoina o le tatou taimi. E masalo o lea e manino le finagalo o le Malo, faapea ua maua mai e sui usufono mamalu o le a tatou o e auiliili le Tulafono lenei, a o le Tulafono, o le Tulafono o lea na afua atu i le tatou Palemene, e afua mai finagalo o le atunu na omai e faaali o latou finagalo faatasi ai ma sui usufono o le Palemene i le Komisi sa faapena ona tofia e avea ma sui usufono o le Palemene e silasila i le itu lea ina ia maua se fautuaga ma se feutanaiga ma le Matagaluega o Faamasinoga. A o lea e matau atu o le a tatou toe see lava e autalaina le tulaga o le tatou Tulafono, a o le tatou Tulafono na afua atu i le Maota lenei. O outou finagalo na afua ai mea ia. O le mea la lea, se i alolofa sui usufono se i tuutuu mai i totonu le saunoaga masalo tatou te aulia ma le Aso Sa... Se i tau fuafua mai faamolemole.

**Afioga SULAMANAIA FETAIAI TAUILIILI TUIVASA:** O le a faauma le matou manatu ona o au e saunoa loa le Fofoga Fetalai, e ava tele lenei sui usufono. Ae faafetai i le Taitaifono lea na... e pei o le Komiti lea na up ai ou points lau Afioga i le Taitaifono, lea ua e seei mai lena itu.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

A o le tatalo, o lou faanoanoaga i le tulaga lea pei ona saunoa le Minisita i le amataga, e le i auai itu o faamasinoga i le vaega lenei o suesuega. O lona uiga e le o atoa i i, ae o lou ia manumanuga i le Maota lenei i lau Taitaifono, a ua le omai loa latou ia e tete mai le Komiti, o le a le mea na le ave ai i le Tulafono? O lea e i ai tatou, a le auai mai le itu e faaali finagalo i totonu o ni Komiti, o lea e i ai le malosiaga e prosecute ai pe samania ai. Ae pei o lou ia faanoanoaga lena lau Afioga i le Taitaifono ua e silasila i le vafealoai, ae te le silasila i le tamaliiaga ma le paiaga o le Maota lenei sa valaauina ai tatou. O le mea lena, toe pau lava lena o lou lape lena sa i ai, tusa lava po o a, ave pea i le Faamasinoga se i iloa ai. Manuia le Fono lau Afioga i le Fofoga Fetalai aemaise le tapuaiga a lenei Palemene.

**FOFOGA FETALAI:** Malo faafetai. Tulai mai le Minisita mo Faatoaga ma Faigafaiva.

**Tofa Hon LOPAOO NATANIELU MUA (Minisita mo Faatoaga ma Faigafaiva):** Lau Afioga i le Fofoga Fetalai, na o lou fia tali puupuu atu lava i le saunoaga a le sui usufono. E sao lava le sui usufono mamalu i lona finagalo pei ona faaalia. Ia leaga o le Komiti lenei, e le na o au le Komiti sa i ai, ae leaga e loloto tele le tofa ma le faautautaga a le Komiti sa i ai. Silasila foi, o le Faamasinoga lea o tatou tu ma aganuu, o mataupu tau Samoa. Ae a outou silasila la i le mea o le Samoa, e ola i le vafealoai. Lea e i ai le taimi lenei. O le taimi lenei a tatou tauaimaa i le Faamasinoga, lea sa tatou avea i ai le mataupu lea i le Faamasinoga e afifio mai e tali mai, ae sa le mafai ona omai, sa sisi lava le latou la ma fai lo latou finagalo, ia ona matou faapea lea ma le matou Komiti, ia e faigata tele le mea ona o le tatou aganuu ma le tatou soifua faa-Samoa se i vagana e le Samoa lau Afioga i le sui usufono ona tatou mafaufau lea i nisi o tulaga foi lea pei ona i ai le samania.

Ae pei o le agaga lena sa matele i ai le finagalo o le mamalu o le Komiti e faigata tele le tatou va ma le tatou avafatafata. Ma le faaaloalo e pei ona faapupula laitiiti atu le mataupu lea. Faafetai i lau Afioga mo le avanoa.

**FOFOGA FETALAI:** Ia, ou te manatu o lea ua maea ona faamanino itu o lenei Tulafono Tau Faaofi e pei ona taumafai atu ai, ae... O le Tulafono foi ia e faigofie lava pe a tatou tuuina atu loa i le Komiti mo nisi o fautuaga aua pei lava foi ona maa faafuagalu ai lenei Tulafono i totonu o le Palemene. Ae o le a tuu atu avanoa i sui usufono ia e toatolu, toafa, toalima, ae faamolemole e faapuupuu mai. Faamolemole faapuupuu mai saunoaga o tatou Tulafono na afua atu i i.

Ia se i saunoa mai le sui usufono mo Sagaga le Usoga.

**Susuga SEIULI UELIGITONE SEIULI (Sagaga le Usoga):** Faafetai mo lou avanoa lau Afioga i le Fofoga Fetalai. Talu ai ona o lea sa taua e le sui usufono lea mai Vaimauga le fuaina o fanua, ae o au lea sa ou fesili i le tatou semina foi lea na mavae atu nei pe i ai se auala e mafai ai ona fuaina fanua tau Samoa.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

O lea na saunoa nei le sui usufono lea mai Vaimauga faapea e mafai lava e le fuafanua ona alu atu ma fua sese ni fanua foi lea e le o sona fanua po o fanua foi o lea ua i ai le poloaiga a le Faamasinoga e fuaina. Peitai ane o au lea sa ou fesili, sa saunoa mai le Ofisa Sili o Pulega o le Matagaluega o Faamasinoga, aua o lea sa ou faapea atu i le Afioga i le Ofisa Sili o Pulega, e lua lava mafuaaga e mafua ai ona fua se fanua tau Samoa, o se fanua e fia lisiina atu ma se faaiuga a le Faamasinoga. Ae sa tali le Ofisa Sili o Pulega, e mafai ona fuaina ona avatu lea i le Ofisa o Punaoa Faalenatura ma le Siosiomaga mo nisi galuega e faia a le Ofisa o le Punaoa Faalenatura ma le Siosiomaga.

Peitai ane sa ou faapea ai o se suiga fou lea sa saunoa mai ai le Ofisa Sili o Pulega, ae o lea sa maua mai faamaumauga i le Ofisa o Punaoa Faalenatura ma le Siosiomaga, e le mafai. E le mafai lava, na o le lua mafuaaga e mafai ai ona latou talia se faafanua e mafai ona resitalaina i le Ofisa o le Punaoa Faalenatura ma le Siosiomaga, na o se faaiuga a se Faamasinoga ma se fanua e fia lisiina atu. E pei o le ala lea o lou tulai atu, ona o lea sa saunoa le sui usufono lea na alu atu lava le fuafanua fua pepelo nisi mea, e le mafai se i vagana lava ua i ai se iuga a le Faamasinoga, po o se fanua foi e fia lisiina atu ona faatoa mafai lea ona alu atu le fuafanua e faataunu lea faamoemoe.

Ae manaia lana saunoaga sa saunoa mai ai i le poloaiga le tumau. E i ai foi si ou le malamalamala tele i le poloaiga le tumau lea pei ona saunoa i ai le Afioga i le Minisita, ona o se faaiuga ua uma ona fai i ai le faaiuga a le Faamasinoga Maualalo. Ou te talitonu e le mafai ona toe sua le faaiuga lea a le Faamasinoga Maualalo vagana ua oo atu i le Faamasinoga lea o apili. Peitai ane e i ai ni faamoemoe o nisi o aiga pei o ni suafa matai, o ni fale foi ua sauni e fausia, ia ma isi lava mau mea o le a sauni atu ai, ae te i ua toe avatu le poloaiga le tumau lea. O lea la e fesiligia pea e lou nei tagata, o fea le mea e malosi o faaiuga ia?, o le faaiuga a le Faamasinoga Maualalo po o le poloaiga le tumau lea ua toe avatu? O lea ua feteenai mea ia e lua. Ae a silasila foi i le faaiuga a le Faamasinoga Maualalo i lalo lava o le faaiuga lea, lea o lo o faapea mai, o lenei faaiuga e mausali, e le mafai ona...

**Tofa Olo Fiti Afoa Vaai:** Lau Afioga i le Fofoga Fatalai o se mea e fia faamalamalamala.

**FOFOGA FETALAI:** Malie le sui usufono se i tulai mai lava le sui usufono mo Salega.

**Tofa Olo Fiti Afoa Vaai:** Lau Afioga i le Fofoga Fatalai, faamolemole lau Afioga, na umi ona ou nofonofo ma ou matau atu po o le Minisita Lagolago lea o Faamasinoga, ona o lea e pei ua tali mai le Minisita Lagolago i matou lauga lea e fai atu.

**Susuga SEIULI UELIGITONE SEIULI:** Lau Afioga e solifono le sui usufono lea, o lea e fai atu lau lauga ae le i tofia.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

**FOFOGA FETALAI:** Ia saunoa lau Afioga i le Palemia.

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fetalai, e i ai lava sina vaega lea e tatau ona faamalamalama e le Malo, lea ua oo i ai le saunoaga a le sui usufono o le fuaina o fanua faale-aganuu leaga o i tonu lea e tele ai le vevesi ma tuuaia ai le faiga foi lele sa aumai e le Tulafono 2008. O le Tulafono lena o le 2008 e faapitoa lava i le resitalaina i le tolerance system o fanua tau papalagi.

Ae o le faaaogaina la mo fanua ia faale-aganuu i le resitalaina o tuaoi lea ua i ai le faamoemoe e sili ia ona aveese, faatulaga ese pea le vaega lena aua le toe faafefiloina i totolu i i, ona e manino lava le resitalaina o mea ia o fanua faaleaganuu i le tulaga o tuaoi ia e faamau lelei ai faaiuga ia a le Faamasinoga. Na o le faaiuga lava a le Faamasinoga lea e tau ai le iuga lea, lea e aumai i le saunoaga a le sui usufono lea na saunoa nei. O le taua lena ina ia manino tuaoi, ma o le ala foi lena e taua ai le mea lea o le fuataga o fanua, e tusa ai ma le faaiuga a le Faamasinoga, ia aua ne i toe feseetai ona o aga ia o tatou tuaoi. E tuaoi mai le isi ogalaau i le isi ogalaau, se i tulou lava le Maota. Ua ou tulai soo i mea nei i o matou foi tuaoi.

Ou te manatua i le tausaga 1975 faatoa ou matai ae kosi ai le tuaoi o Lealatele ma Siupapa i Saleapaga. Ia o upu sa fai ae tutu lava tama ia e toalua na o atu e maka le mea lea e faasino i ai lima o toeaiina, mai le isi ogalaau tele lava la e tu, la e ua leai nei le ogalaau tele lena agai i le niu. Ona faatulaga ai loa lea i ina o le matou tuaoi. Ua leai nei la se ogalaau lena ua pala, a o la e mau lava faamaumauga na a le Ofisa o Faamasinoga. O lea la ua toe tulai mai feeseseaiga i le taimi lenei, a o le mea la lena e taua ai mea o le finagalo lea o le Faamasinoga, e tatau ona fua tuaoi i luga o le faaiuga a le Faamasinoga e tamau ai. A toe tulai mai ni pefea i le lumana, a o la ua mautu.

E i ai le faamasinoga a lo matou aiga sa fai i le tausaga 1994 i Saleaumua sa laga ai foi tuaoi. O le isi la tuaoi i le isi itu atu la i o i Tiavea, e sau a mai tai i le sami, a o le tuaoi, se i tulou lava, o le pou o le matou faleese ai ua atoa le 20 tausaga, a o lena foi pou o la e tutu mai lava. O au la na ou popole mai lava i te i ua fai le matou faamasinoga i le aso lea ae alu atu se isi ma se ili ili ai aveese le pou, ou usupo ai i le taeao ou te alu e vaai po o tu mai lava le pou lea ae ou alu atu o la e tu mai lava le pou. Ua leai nei la se faleese, o le pou o le matou faleese i Saleaumua, e sau lava mai tai le tuaoi, i le falesa o le EFKS lea e i ai nei o le foai a le toeaina o le matou aiga.

E ala ona ou taua mea ia leaga ua ou aafia ai, ua ou matauina ai aua o le tele lava o tatou e na o le lauga ai i i ae le i i ai i totolu o se faamasinoga ma vaai i mea ia i le maaleale tele o tuaoi nei e fai nei, e tatau ai ona fua e le au fuafanua ia ogatasi ma le faaiuga a le Faamasinoga. O le mea lena ou te faataua ai le saunoaga a le sui usufono e le mafai ona sese se mea, e le mafai ona sese le fuataga lea,

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

O lea la ua i ai le tofamamao foi i le Afioga i le Minisita, le Afioga i le Sui Palemia ina ia soia ia le toe tulai mai o ni vevesi i ia mea, fai lelei se resitala. O fanua ia faaleaganuu ma le o soo o le vaega foi lele o le SSIG ea po o le sa saiga ma le o soo avesese mea ia, leaga ua oo lava i tatou aiga ia e i fafo o faavalevalea atu ai lava i le faauigaina o Tulafono o lea e soalaupule atu i totonu o le Maota lenei, aemaise o lea e soalaupule e matai o le atunu, tusia foi e matai o le atunu, puipuia e matai o le atunu.

Aua la le faatusalia maia tulafono a Niu Sila, e le o ni Maori la e faia le Malo o Niu Sila, aua foi le faatusalia maia Ausetalia e le o ni Aborigines e ana Ausetalia la e faia le Malo o Ausetalia. A o le Malo lenei, o lea e soalaupule matai o le atunu o latou ia e vaai totoa i eleele aua o latou aiga, ma e le nofo foi se matai faavalevalea ma fai se faiga e faataape ai meatotino. O le tulai mai o le matai, o ia ua na o se leomea ua na o se leomea a le aiga, a uma atu foi ia alu ia ae tulai mai le isi leomea e vaaia measina a aiga.

**FOFOGA FETALAI:** Malo faafetai. Masalo o lea ua manino le sui usufono lea o Malie faamolemole. O lea ua manino le saunoaga lea a le Palemia e uiga i tuaoi ia sa e finau mai ai.

**Susuga SEIULI UELIGITONE SEIULI:** Lau Afioga e le i uma lau lauga.

**FOFOGA FETALAI:** O le uiga o lau fai atu se i tau tuutuu mai luma le tatou Fono.

**Susuga SEIULI UELIGITONE SEIULI:** Ia o lea ua ou malamalamala lau Afioga i le Fofoga Fetalai o lea ua faamalamalamala mai e le Afioga i le Palemia o lea ua manino e le mafai ona fuaina se fanua tau Samoa se i vagana se faaiuga a le Faamasinoga pe 10,000 pe 50,000 eka le tele o lou fanua e le mafai lava ona fuaina. Ae peitai o lau matapu lea o lea ua ou see ese ma le... o le poloaiga le tumau lea sa laga mai e le sui usufono mo Vaimauga lea ou te faaluaina foi se manatu, i le mea lea o le feteenai o se faaiuga foi lea ua uma ona faia e le Faamasinoga Maualalo, ae toe avatu le poloaiga le tumau lea ina ia aua ne i faia le faamoemoe lea o se aiga o lea ua faamoemoe e fai. O lea la ou te toe fesiligia po o le a le mea malosi po o le faaiuga a le Faamasinoga po o le poloaiga le tumau. A silasila foi lau Afioga i le Fofoga Fetalai i le faaiuga a le Faamasinoga Maualalo, o lea e alu atu ai ma le faaupuga e pei foi lea i lalo o le faaiuga lea, o lenei faaiuga e mausali, e tumau, a solia e se isi, o lona uiga ua molia i le Tulafono pe faasala i se faasalaga e fia.

**FOFOGA FETALAI:** Malie le sui usufono se i... o lea o le a tali atu le Minisita i le...

**Susuga SEIULI UELIGITONE SEIULI:** O lea e le i uma lau lauga, ae a pe a faatali se i uma lau... o le a uma minute...

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

**FOFOGA FETALAI:** Se i faafofoga mai la le sui usufono lea o le a ou fai atu, se i faafofoga mai lava. Sa tatou i ai i le semina na faamalamalama le mea lea, a o lea o le a taumafai tatou te toe o lava e faamalamalama ma faamanino le finagalo o le sui usufono lea. O le uiga lena na ala ai ona fai le tatou semina e afifio atu Ofisa Sili o Pulega o Matagaluega e fitoitonu i ai le tatou Fono, e faamanino ma faamalamalama a o lea o le a manao tatou te toe o lava e fai ia malie le finagalo o le sui usufono. E le faapena le faiga o le tatou Fono. O lona uiga la e manao tatou te fono i le vaiaso atoa lenei ma lena vaiaso. E toe ave le Tulafono lenei i le Komiti a le Palemene ona toe fai ai lea o nisi fuafuaga ma nisi faamalamalamaga. O le mea la lea, na ona faaiila mai o outou finagalo, aua o la e foi e finagalo le Malo e faamalamalama le tulaga lea faamolemole.

**Susuga SEIULI UELIGITONE SEIULI:** Lau Afioga i le Fofoga Fetalai, e le o umi sau faamatalaga na o sina faapupulaga lea e taumafai atu i ai e le pei o lauga a isi sui usufono ia toeitiiti oo i le 15 minute ae le taofia e lau Afioga. Ia ua uma foi, se i tali mai le Afioga i le Minisita. Faafetai.

**Afioga Hon FAAOLESA KATOPAU T.AINUU:** Lau Afioga i le Fofoga Fetalai, e pei ona saunoa le Palemia, o fautuaga uma nei sa momoli mai e le Komisi Faapitoa lea na fausia ai le Tulafono lenei. E le i momolia mai e se isi, o le Komisi Faapitoa na i ai le avanoa e o e sailili ai ma aumai latou fautuaga, tusi ai le Tulafono lenei. A o lea foi ua faalogo atu, pei ua manatu eseese le tatou Maota... faaali mai le manatu o lea sui usufono mamalu, faaali mai le manatu o lea sui usufono mamalu, a o le Tulafono sa fausia i luga pei ona saunoa le Palemia. Na saunia i luga o le fautuaga a le Komisi. Ua ala ona ou taua le mataupu lea ona ne i te i ua faapea le tatou Maota ou te faapito i loia i totonu o Fanua ma Suafa. Leai, o fautuaga nei a le Komisi mamalu lea e faufau ai tatou Tulafono. E oo foi i le mataupu o soalaupulega, o fautuaga a le Komisi mamalu. Ae pei e sili lena o lea sa e saunoa e ave i le Komiti ona toe o foi lea faaali o latou manatu. Ma le faaaloalo lava.

**FOFOGA FETALAI:** Malo faafetai. Ia, se i tulai mai le sui usufono... Malie se i faamuamua i le sui usufono mo Faleata Sisifo leaga ua see lou vaa i le sui usufono mo Faleata Sisifo ona sosoo ai lea ma lau Afioga i le Aiga Malosi. Faapupuu mai le finagalo o Faleata Sisifo.

**Tofa LEALAILEPULE RIMONI AIAFI:** Faafetai tele lava i lau Afioga mo le avanoa. Finagalo malie foi lau Afioga faapea le Afioga i le Minisita, e laiti a nai mea ia e fia fautua atu ai, ona o Tulafono nei o Tulafono e aupito sili ona taua. E taua uma lava Tulafono a o le Tulafono lenei o Fanua ma Suafa, ua leva foi ona tatou mafaufau i se suiga talafeagai, ae faafetai o lea ua tuuina mai e lau Afioga nai suiga ia ua aumai. E le tele ni manatu, ae i ai vaega ia e tatau ona toe tagai pea i ai.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

Muamua lau Afioga, faafetai o lea ua toe tuu i lalo tausaga o matai i le 21, faafetai i le vaega lea. A o le vaega lea e fia fai i ai se manatu, o le vaega lea o le toe aveeseina o suafa o matai o tagata. Manatua foi le mea lea na e saunoa nei i ai o le decision in rank. O se faaiuga matua maumausali e aafia ai tagata ma tagata e tutupu mai. O le mea lea e tulai mai, ua tuutalaloa tele le avanoa e toe aveese ai matai. Ne i te i ua avea ma tulaga e tele ai galuega a le tatou Ofisa, ae sa manaia lava le vaega lea sa i ai i lou talitonuga.

A toe tagai i ai lau Afioga i le Tulafono fou lea ua aumai, ua matua tatala le avanoa i sao ma aiga e faigofie ai ona toe aveese suafa matai. Ia manatua o mea nei o suafa matai e le faigofie le faaeeina atu. Sa molia au ma nisi o lou aiga i le aveesega o mea ia o matai i le tausaga na mavae atu nei. O le mea la lea e fia fesoasoani atu ai i le tatou Matagaluega, a avatu ni mafuaaga e aveese ai se matai, e manino lava i le Tulafono mafuaaga e le mafai ona aveese, ae sa faaauau lava le faamasinoga. Ona avatu lea fai le faamasinoga saunoa mai le faamasino, ia, e le mafai ona... alu alu le faamasinoga ua fia aso o fai, ae faapea mai le faamasino i le iuga na aumai, e tumau pea suafa matai o i latou nei ona e le o faamalieina le Tulafono i mafuaaga ia na aumai e le sui lea e aveese ai matai.

O le uiga la o lau faamatalaga, aisea na fai ai le faamasinoga? Aisea na faaauau ai, alu ai le taimi o tatou, ua alu tupe? Manaia pe a na aumai lava e le Faamasinoga i le Ofisa o le Resitara, e le mafai ona faaauau le tou faamasinoga e le o faamalieina matou i tou mafuaaga ua aumai e fai ai fua le faamasinoga. A o lea la ua aumai nei i le Tulafono, ua matua tele le tuutalaloa lea ua aumai nei, ua oo lava i le le tautua o le tagata ua mafai e le sao ona fai se tulaga e aveese ai. Ae sa manaia lava le mea na sau ai seiloga o se faasalaga i se Tulafono foi lea matuia ona mafai lea ona faatino i ai se faiga faapea.

O le vaega lea lau Afioga i le role a Faamasino Samoa, ona o lea ua aumai nei e le Tulafono le tofiaina o faamasino Samoa, o le latou sao, o le fautua, o le advisor, ave le fautua i le Peresetene po o le Sui Peresetene. O le fia malamalamama lau Afioga, o lona uiga ua le toe i ai se malosiaga i Faamasino Samoa e fai ai se faaiuga, o le a faaaoga na o Faamasino ia e lava lo latou tomai i Tulafono? O le isi vaega, ou te fia taua pea le vaega lea o le mediation leaga sa oo foi i ai le matou... afai e le o toe aoga lea vaega, e sili ona taatia, ae aumai se review, aua o lea ua matauina ua atoa le tausaga po ua lua tausaga o faatino lea vaega, po o i ai ni soligatulafono po o ni talosaga e talia ai le mea lea. I lou lava talitonuga, ou te le iloa i nisi o talosaga, a o talosaga lea e aafia ai matou, e leai ma se mea e tasi o soalaupule.

O le vaega lea lau Afioga i le 30 aso lea ua aumai i le iuga o Faamasinoga, se faafetai tele lava o le mea e tatau ona fai. Ae a pe a faaoo atu ai e le gata i le Faamasinoga lea o Fanua ma Suafa, ae fai foi i Faamasinoga lea i luga i le fale faamasino maualuga, Criminal Court, ave i ai, fai ma se Tulafono faapea ina ia faamalosia ai faamasino e fai a latou faaiuga i totonu o le 30 aso lea. E le tatau ona faia na o lalo i i, ae ave foi ma luga. Ma le faaaloalo lava.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

Lau Afioga, o le isi au fesili, toe tasi lava lau Afioga i le Fofoga Fetalai, o le mea lea o le faamasinoga o talosaga, aua e pei o i lea faatoa faaaoga ai loia. E leai e le toe fai atu se manatu, aua o lou foi manatu ou te auai i sui usufono ia sa saunoa nei, e leai se uiga e ala ai ona faaaoga fua. A o le uiga o lau faamatalaga, ou te tuufesili pea i le mafuaaga e ala ai ona lua court of appeal. O le tagata lava ia e le fia malamalama ma le fia... pe fia ni court of appeal e fai, e le mafai lava ona taliaina se soligatulafono. Manatua afai o le Tulafono lea o le talosaga muamua o lea e aafia ai faamasino ua i ai o latou tomai faapitoa a o lea e toe taumafai foi e toe ave i luga i isi... ia tailo i ai.

Ia ma le mea mulimuli lau Afioga, e fia oo lava sou manatu i le le mafai ona oo mai o le Faamasinoga i inei i le tatou Palemene, o tulaga mamalu ma tulaga faapena. Ia manatua foi, a valaau mai foi latou ia tatou tatou te o i ai ma tatou tutu i luma o le latou Faamasinoga. A o le mea lava e tatau ona fai, tatau ona fai le mea moni, mea sao. E tatau o le Highest Court i totolu o so o se atunu temokarasi, o le Palemene. Ia, e le tatau ona toe tupu lea vaega. Ma le faaaloalo lava. Faafetai.

**FOFOGA FETALAI:** Tulai mai le sui usufono mo Safata.

**Afioga LEAANA RONNIE POSINI (Safata):** Lau Afioga i le Fofoga Fetalai, e fia faaali foi se manatu o lenei itumalo i le Tulafono Tau Faaofi. E muamua ona faafetai i le Afioga i le Minisita i le taua o le Tulafono ua aumai i luma o le Palemene. Ae i ai lava nai manatu laiti e taatia atu i lau Afioga i le Minisita se i e silasila i ai. O le mea lea ua ou matauina i totolu o le Faamasinoga lau Afioga i le Minisita, o mea ia o itu o le faamasinoga e aafia i totolu o se mataupu. Aua o lea ua i ai lava foi le matau e i ai faamasinoga e auai, ituaiga mataupu foi ia lea e taua pe na o se lua lava itu e tatau ona i ai i totolu o le faamasinoga, a ua o isi itu faafa mai a latou itu foi nei. Ae a silasila foi ma faitau i latou tala ia e aumai, po o se gafa po o se fanua, e tutusa lelei lava latou mau la e aumai i totolu e tutusa gafa, e tutusa uma lava, ona o le latou lea matau, a tele latou itu e tulai mai ona i ai lea o se iuga foi lea pei ua liliifa i ai le iuga a le Faamasinoga ae tulei le isi itu foi lele aua lava ne i au mai. Ia e silasila totoa ifo i ai lau afioga.

O le isi mea, o le a tele ai galuega a le Faamasinoga, o itu na e lua, a o lea o le a lima itu. O le mea foi la e tulai mai i le isi itu lea e tasi le itu, ua amata foi ona mafaufau foi lena itu, se i faalima la matou itu e sili atu i itu ia ua faafa a le Faamasinoga. O lea e tatalo atu ai ia silasila i ai lau Afioga i le Minisita, pe leai se avanoa i le Faamasinoga e tau faaitiitia ai itu faamasinoga i mea ia o Fanua ma Suafa.

Lona lua lau Afioga i le Minisita, o mea ia o faaiuga ia ua fai aua o lea e matau atu i le Tulafono lenei, e tolu lava faamasino latou te faafoeina mataupu a le Faamasinoga, ua le toe lima a o lea o le a tolu. E taua i lou lagona foi lele, o le taimi lea e lau ai iuga o faamasinoga foi lele, afai e le fulisia faamasino i se iuga foi lea, e le tolu e tutusa uma o latou manatu, e manaia pe a mau pea i faamaumauga le toatasi lea, o lea e le o au i isi faamasino ia e toalua.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

O le uiga foi lea o lau tala, mo le taimi e toe fai ai faamasinoga apili, aua e toe avatu i le Faamasinoga lea, a o la e autilotilo atu faamasino, o lea la e i ai le mafuaaga e ala ai ona toe apili le faamasinoga ona e i ai foi isi mafuaaga a isi faamasino lea e le o fulisia.

Ou te manatu e le toe oo sau tala i le mea lea o le poloaiga le tumau o lea ua saunoa i ai le tele o sui usufono o le tatou Maota. E pei ona ou fai atu, e feteenai loa poloaiga ia pei ona e saunoa foi i le taimi ua fano, e lua lava poloaiga, o le faia o le fale ma le le faia o le fale i luga o se fanua. Afai la e ave uma poloaiga ia e lua e fai le fale ae alu atu le isi poloaiga e le faia le fale, aua o lea na taua i le aso lea o le tatou semina, e leai se mea e noatia ai le talosaga i le mea lea o le poloaiga le tumau. E pei o lea ua ou tau faalogologo atu, ia soloia loa na mea o poloaiga le tumau. O nai manatu ia lau Afioga i le Fofoga Fatalai. Ia manuia tele le Fono.

**FOFOGA FETALAI:** Tulai mai le sui usufono mo Anoamaa Sasae.

**Afioga ALAIASA MUAGUTUTIA MOEFAAUOUO**

**MALAGAITUTOGIAI SEPULONA MOANANU (Anoamaa Sasae):** Ia, pei lava o leae aofia i finagalo o isi sui usufono mea sa aafia e fia fai atu ai se manatu, ae o le tala a le isi toeaina ia te au, -a e alu e te faipule, aua e te fiafia e te alu i le mea lea o le Faamasinoga, e tele lona aafiaga, e faaletonu ai lou tofi.ø Ae ui i lea, o le taua o lenei Tulafono e aafia uma ai le atunu atoa, e aafia ai lota aiga ma aafia ai tupulaga o lalovaoa, o le lumanai o Samoa ma o tatou aiga.

Ia, o le mea lea ua faatulai mai, faapea e mafuli o le fautuaga a le Komiti. A ua vaavaai atu, pei ua avea le Komiti ua aumai ai se fautuaga, ua taugata atu mo le tatou atunu le Tulafono lenei. O fuafanua, o loia, o le mediator, o mea uma nei pei a atili ai ona tolotolo i tua le faiga o tatou faamasinoga, ae le vave aumai se faamoemoe ia maua ai se nofo lelei o aiga. Ona i ai lea o lou talitonuga pei ona taua e nisi sui usufono o le first appeal ma le court of second appeal, pe tatou te oo lava i le fifth appeal, e tuli lava e le isi tagata e taumafai e tuli po o le a le malosi ma le umi e taumafai lava e fai ina ia faaleaga ai le mea lea ua faataatia e isi faamasino. Ona i ai lea o le talitonuga, tatou te fiu lava e tulituli se mea moni, na o le Atua o lo o i ai le mea moni.

Ou te fia pai laitiiti i le mea lea na taua i le aveesea o le matai, e tatau ona i ai se timeframe faamolemole leaga o lea e sau o le sao o le aiga, so o se suli na aumaia le talosaga e aveese ai le suafa sao, ae tatau ona i ai se timeframe foi lea i sao ua tai sefulu tausaga, tai sefululima tausaga, ae sau lava so o se suli aumai le talosaga e aveese ai le sao, ia o nisi ia tulaga e tatau ona toe silasila i ai le tatou Tulafono. A o le aotelega o le Tulafono Tau Faaofi, e lagolagoina e lenei itumalo.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

E faapea foi ona oo sau faamatalaga i le mea lea na le omai ai le Ofisa o Alii Faamasino i le tatou Palemene, ia aua tatou te popole i ai. O le malosiaga o tatou o le faia o Tulafono. O lea la ua tatou faia le Tulafono lea aua po o le a le tetee mai i ai, e malosi lava le mea lea o le a pasia atu e le Palemene o le fai o Tulafono ae faatino e latou. Ae faaleleia lo tatou va i ia Pulega e tolu pei ona taua, aua nei i ai se mea gase i le tatou nonofo ai. Ma le faaaloalo, ia manua le tatou Fono.

**FOFOGA FETALAI:** Malo. Ia o le sui usufono mulimuli lea o Faasaleleaga Nu.4, tulai mai.

**Afioga PESETA VAIFOU TEVAGAENA (Faasaleleaga Nu.4):** Faafetai i lau Afioga i le Fofoga Fetalai. E le tele foi se manatu o lenei itumalo, ae na o le agaga faafetai i le Tulafono. Na pau lava lea o se vaega lau Afioga i le Minisita, o lea ua matauina i le aso lenei le taua o le tulaga lea ua aumai i le Tulafono, a o lea na saunoa le Palemia i le tulaga foi lea o le taimi i le fiu o aiga e faatali iuga o faamasinoga ua uma ona faia. O lea e avatu ai se talosaga i lau Afioga i le Minisita, e a pe a faaopoopo loa i ai ma le taimi, o lea ua tuuina atu le Tulafono i le taimi, tuu loa i ai ma le taimi, pe ono masina e tuuina atu e le Faamasinoga i aiga uma.

**Afioga Hon Faaolesa Katopau T. Ainuu:** Lau Afioga mo le faasaoina o le taimi, a lea ua i totonu o le Tulafono fou lea le 30 aso. Se i faitau foi lea i tatou Tulafono... Faafetai.

**FOFOGA FETALAI:** Malo. Ou te iloa o lea ua maea le saunoaga a le sui usufono, o lea ua tali le mea na...

**Afioga PESETA VAIFOU TEVAGAENA:** Lau Afioga i le Fofoga Fetalai, e moni o lea ua i ai le taimi, a o le tele o faamasinoga, e ese lava le aumai o le taimi i i ae o atu toe tolo. Pe le mafai ona i ai se isi Tulafono e sili atu ina ia tamau ai lava le iuga a le faamasinoga e le mafai ona toe toloa ona o le mafuaaga lenei, o le tele o aiga lea ua tapena atu. O le isi mea, e oo mai lava le valaau a le Atua i tagata o lo o taitaia a latou faamasinoga, e le i faia lava.

Ia, ona pau lea o se manatu lau Afioga i le Fofoga Fetalai.

**FOFOGA FETALAI:** Malo faafetai. Ia se i... O le sui usufono mulimuli la lea, o Alataua Sisifo, lau Afioga i le sui usufono.

**Afioga ALIIMALEMANU ALOFA TUUAU:** Faafetai i lau Afioga i le Fofoga Fetalai mo le avanoa, a o le tulai atu e fai sina sao o lenei itumalo o Alataua i Sisifo lau Afioga i le Fofoga Fetalai i le Tulafono. O le faatauaina o le Tulafono i le i ai lea o Faamasinoga ia e tolu. O le uluai suesuega, o le Faamasinoga o Talosaga faapea Faamasinoga Maualuga.

**28 JANUARI 2019**

**Tulafono Tau Faaofi o Fanua ma Suafa 2019**  
**– faitauga faalua**

Ou te talitonu o le tulaga tonu i i o le faataua lea ma aloaia o le tulaga faapitoa o Faamasinoga a Samoa i fanua ma o tatou suafa matai. O lea la sa taua ai le tele o atugaluga i nisi o tulaga e pei o faafanua. O le tulaga lea i totonu ona o matou lea sa i le Komiti lea sa lauliliuina le tulaga lea i faamasinoga.

O le Tulafono lea e i ai e le o fai mai e aumai se ata faamaonia, o le sketch plan. Ina nei atugalu ai ia sui usufono, e pei e pau lava le mea lea e manaomia e na o se ata faataitai, la e faasamoai mai i ina, ata tusi faataitai ina ia iloa e faamasino le fanua tonu lea e talanoa ai. Aua e leai se taimi o faamasino e o ai i tua i le taimi e aumai ai ia le mataupu, e vaai i ai i le tulaga lea. Ao le fuaina ia, e faatoa uma ona fua aloaia lea, mo le faaiuga pe a oo atu i ai.

O le tulaga foi i le soalaupuleina e pei ona i ai le atugaluga, o le finagalo lava o le atunu, ina ia maua se faafesagaiga o le tele o aiga ma a latou mataupu. Leaga o le tele o mataupu e le mafai ona faafesagai itu e lua, ona o tulaga ia o le itu tagi ma le itu tetee. Ae pei e avea i, atonu o tatou i nisi itu e le taua ma e le i i ai ni iuga, na mafai ona faatino ai. Ao le tele o nisi aiga sa o latou matauina le taua o le soalaupulega lea, e faasoa faasoa lava ma toe talanoa le tuafafine ma le tuagane o aiga, e iu lava ina toe sologa malie se mataupu, o le aoga lena. Ao le tulaga i leí ..e le mafai ona faaaogaina ia totonu ia tatou tagata faigaluega i le Ofisa o Faamasinoga ona o le conflict of interest. Aua foi o latou e uma foi toe o i totonu o le Ofisa o Faamasinoga, toe faafoe le faamasinoga lea pe a latou o e soalaupule.

Ma le tulaga mulimuli e i ai se manatu e tulai atu ai, o le tofiaina lea o faamasino, e talitonu o lena ua i ai le Tulafono o lo o mulimuli mai, e faamatala auiliili ai ia tulaga uma. O le tala lea e faaopoopo atu ai ma le agaga faaaloalo, faafetai mo le avanoa.

**FOFOGA FETALAI:** Malo, o le a tuuina atu le avanoaí Tulai mai le Afioga i le Palemia.

**Susuga Hon Tuilaepa Auelua Fatialofa Luplesoliai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fetalai, matau ma le totoa au faaiuga ma lau tuualalo e le mafai na uma la tatou galuega, pe a fai au faaiuga ma toe tatala. O lau lea tuualalo lau afioga, e a pe a faamausali au faaiuga.

**FOFOGA FETALAI:** Malo faafetai. O le fesili pe a faitauna nei le Tulafono Tau Faaofi o Fanua ma Suafa 2019 i lona faitauga faalua.

*Na faamaonia le lafo ma faitauna le Tulafono Tau Faaofi o Fanua ma Suafa 2019 i lona faitauga faalua.*

**FOFOGA FETALAI:** E tusa ai ma Tulafono Tumau o le a tuuina atu le Tulafono Tau Faaofi i le Komiti o Tulafono Tumau, Mataupu Tau Faiga Palota, Talosaga ma Tofiga Faale-Faavae mo le iloiloina ma toe lipoti mai i le Fono Aoao i se Fonotaga o lumanaí.

**28 JANUARI 2019**

**TULAFONO TAU FAAOFI O TEUTEUGA O LE TULAFONO O LE  
FETUFAAIGA O FAAMATALAGA TAU LAFOGA 2019**  
– faitauga faalua

**FOFOGA FETALAI:** E tapa ma le faaaloalo lau Afioga i le Minisita.

**Afioga Hon TIALAVEA FEA LENIU TIONISIO HUNT:** Lau Afioga i le Fofoga Fetalai ou te faatu le lafo, *Ina ia faitauna nei le Tulafono Tau Faaoft o Teuteuga o le Tulafono o le Fetufaaiga o Faamatalaga tau Lafoga 2019 i lona faitauga faalua ma ou te fia tautala faamalamalama i ai.*

*Faaluaina e le Minisita mo Aoga, Taaloga ma Aganuu, Minisita o Tupe ma le Minisita mo Tina ma Tamaitai, Atinae o Nuu ma Afioaga ma Agafesootai.*

**FOFOGA FETALAI:** Ou te tapa ma le faaaloalo lau Afioga mo le saunoaga faamalamalama.

**Afioga Hon TIALAVEA FEA LENIU TIONISIO HUNT:** Lau Afioga i le Fofoga Fetalai, o le Tulafono lenei e laititi lava. O le sini autu o teuteuga ina ia faatinoina tiute a Samoa i lalo o le maliega o atunuua aua le faatinoina o alafua mo le fetufaaiga o faamatalaga tau lafoga.

E na o le faaopoopoga lava o Korea i Sauté i le lisi e 13 o atunuua lea tatou te fai paaga i le fetufaaiga o faamatalaga. O le isi o le amataga lea o le tatou tax ma Niu Sila sa sainia i le 2015, e faapea e tolu masina e faigaluega ai o tatouí .vaega ia e malaga atu i Niu Sila e le totogia ni lafoga. O le taimi lenei o lea ua ono masina, e pei o le feagaiga lea na sainia i le 2015 lea la o le a faamamalu nei i le Tulafono lenei pe a pasia lau afioga. E pau na o vaega pupuu o le Tulafono.

**FOFOGA FETALAI:** Manino le saunoaga faamalamalama a le afioga i le Minisita. Tatala le avanoa i sui usufono e fia saunoa, tulai mai

**Tofa OLO FITI AFOA VAAI:** Lau Afioga i le Fofoga Fetalai, e moni le saunoaga a le Minisita e laititi lava, ia o le a laititi foi se manatu. O lea e matau atu i le Tulafono lenei, e le o i ai le toatele o atunuoo le Pasefika, o tatou uso i le Pasefika e tatau foi ona i ai le tulaga lea o le fetufaaiga o faamatalaga. Ae sao o lea na o le lua atunuua lea ua i ai. O lona uiga a faaopoopo foi taeao po o lea vaiaso nisi atunuua toe aumai foi teuteuga lenei. Ao se fautuaga i lau Afioga i le Minisita ma le Matagaluega. E a pe a na o se faamatogi mai lava i le tatou Principal Act o atunuua ae fai ae i a outou lisi i le tou Regulation, e manino ai i ina. Aua e pei ona ou fai atu a toe faaopoopo foi le isi lua i le vaiaso lea, e toe aumai foi i le isi Fonotaga teuteuga o le Tulafono lea. Ma le agaga faaaloalo.

**FOFOGA FETALAI:** Malo faafetai. Tulai mai le sui usufono mo Palauli le Falefa. Malie se i tulai mai le Palemia.

**28 JANUARI 2019**

**Tulafono Tau Faaofi o Teuteuga o le Tulafono o le Fetufaaiga o  
Faamatalaga Tau Lafoga 2019 - faitauga faalua**

**Susuga Hon Tuilaepa Auelua Fatialofa Luplesolai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fetalai. O le Tulafono lea o le Double Tax Agreement, e le o se Tulafono e faigofie ona taunu i ai se maliega a se atunu. O le agaga tonu o le Tulafono lea lau Afioga, o ni kamupani, o lea la e taua ai Niu Sila e faasino tonu i ni kamupani e o mai galulue i inei, afai e totogi a latou lafoga i inei, e le toe totogia e Niu Sila ia ni lafoga i luga o a latou tupe maua. Afai foi la e o atu ni a tatou kamupani e galulue i Niu Sila, ao lea e totogi i inei ia lafoga, e le toe totogia foi ni lafoga i le Malo o Niu Sila. E le faapea la o semea faigofie maliega a atunu faapenei ona e le toe maua ai a latou tupe maua. Ao le taua o Korea i Sauté o le isi lea atunu e ono toatele ni a latou faipisinisi e o mai e galulue, e faatu foi ni a latou pisinisi i Samoa nei, e pei o ni Pisinisi Tau Turisi, e maua ai galuega a o tatou tagata.

O le a la le lafoga e totogi i inei i le vaega lea o le latou pisinisi, e le toe totogia faalua i o i Korea. O le mafuaaga o le mea lea, e taua ai le Tulafono lea, e le tuu gofie i se atunu ona faapea mai, ua lelei a o atu a matou pisinisi i ina maua a latou tupe i ina, e totogi lava a outou lafoga ae totogi foi i le atunu o lea e i ai le Headquater. O mea la faapena o lea ou te toe faamalamalama atu, e le o se mea faigofie le mea lena. Afai loa e tali mai le atunu tatou talia vave loa, aua o le taunuaga e aoga mo i tatou. E maua ai galuega mo a tatou fanau, ae afai e leai se mea lea, e le fia o mai foi ni kamupani i fafo i inei. O ai e fia sau pe afai e totogi lafoga i inei toe totogi lafoga i o, i le mea o la e i ai lo latou nofoaga autu. Lau Afioga i le Fofoga Fetalai, o le tali puupuu lena ua ala ai ona aumai faapea le Tulafono. E maua loa lava le avanoa e ioe mai ai lea Malo, i se ituaiga feagaiga faapenei, aumai loa i inei i le Palestene. Fai sia manuia ua maua.

**FOFOGA FETALAI:** Tulai mai le sui usufono mo Palauli le Falefa.

**Afioga Hon FAUMUINA TIATIA FAAOLATANE LIUGA:** Faafetai i lau Afioga i le Fofoga Fetalai, o le a ou le toe taua lea mea o lea ua manino lava le saunoaga a le Palestene i se tasi o vaega. O le Tulafono e laitiiti, ao le taua ia. E ala ona taua, ona e tasi lea ki e matala ai avanoa mo la tatou vaega lea o le SIFA, ona o la e pei e matau mai e isi atunu ia e taumafai e titina a tatou pisinisi, o le le mafai ona tufa atu o faamatalaga i mea tau lafoga. Ou te faafetai ai i le Afioga i le Minisita, aua o le Teuteuga o le Tulafono lea 2012, ua amata ai ona faateleina avanoa. E pei o le Tulafono lea, e le mafai ona cover ina ai atunu e leai ni investors e o mai i inei. O atunu o lea e aumai a latou tupe e faafaigaluega i totolu o Samoa, o le mafuaaga lena. Mo le silafia e lo tatou Palestene, o lo o taumafai nei, ina ia toe faafoi le vaega lea o le SIFA i le lisi paepae. E tasi lea vaega e pei e masalomia ai tatou o le faauifi o ni investors o omai e sulufai mai i inei, e natia ai a latou teugatupe ae le totogia lafoga.

Ou te faafetai ai i le Afioga i le Minisita e ona le Tulafono. Ma lou faaaloalo lava.

**28 JANUARI 2019**

**Tulafono Tau Faaofi o Teuteuga o le Tulafono o le Fetufaaiga o Faamatalaga Tau Lafoga 2019 - faitauga faalua**

**FOFOGA FETALAI:** Malo faafetai.

*Na faamaonia le lafo ma faitauina le Tulafono Tau Faaofi o Teuteuga o le Tulafono o le Fetufaaiga o Faamatalaga tau Lafoga 2019 i lona faitauga faalua.*

**FOFOGA FETALAI:** E tusa ai ma Tulafono Tumau o le a tuuina atu le Tulafono Tau Faaofi i le Komiti o le Vaega tau Tamaoaiga mo le iloiloina ma toe lipoti mai i le Fono Aoao Faitulafono i se Fonotaga o lumanai.

**TULAFONO TAU FAAOFI O TEUTEUGA O LE TULAFONO O KOMISI O LE GAGANA SAMOA 2019 – faitauga faalua**

**Afioga Hon LOAU SOLA KENETI SIO (Minisita mo Aoga, Taaloga ma Aganuu):** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Komisi o le Gagana Samoa 2019 i lona faitauga faalua ma ou te fia tautala faamalamalama i ai.*

*Faaluaina e le Minisita mo Faatoaga ma Faigafaiva ma le Minisita mo Fesootaiga ma Faamatalaga Tekonolosi.*

**Afioga Hon LOAU SOLA KENETI SIO:** Lau Afioga i le Fofoga Fetalai, e puupuu lava foi ma saasaa le teuteuga e pei ona i ai le Tulafono o le Komisi o le Gagana Samoa 2014 i lona Tulafono Autu. E i ai ona mafuaaga autu lau Afioga i le Fofoga Fetalai na ala ai ona i ai ona teuteuga ia e faapena ona tuu i ai nisi o sui o le Komiti talu ai ona o le gagana o se tasi lea o vaega aupito sili ona taua ia te i tatou, this is our identity, o le tatou gagana.

Ua oo mai foi ia te au ma le Matagaluega nisi o fautuaga foi i nai o tatou uso i Niu Sila aemaise o Amerika Samoa ona e fia auai foi i lea Komisi. E taua foi ia i latou ona o lo o faapena ona aoaoina e le gata o Niu Sila a o Amerika Samoa le tatou gagana. O le taua ina ia sao ma anoa ma latou iloa ma mautinoa o le gagana lea o lea e faaaogaina i totolu o si o tatou atunuu, o le a faapea foi ona latou aoaoina i alo ma fanau foi o lo o alaala ma aumau i Niu Sila aemaise o Amerika Samoa.

Na pau lava lea o nai Teuteuga lau Afioga, ole fuaiupu 3 lena e i ai le vaega 13(b) o le suiga o le 4i le fuainumera 5e mafai ai ona atoa le quorum e faatino ai le Komiti lea i a latou Fonotaga. O alauni foi o nei sui o le a faapena ona auai mai i le komiti lea, e totogi lava alauni masani o sitting allowance pe a fai a latou Fonotaga, a o isi alauni e totogi lava e latou pasese e auai mai ai, ma nofoaga foi pe a faapea e nonofo i totolu o faletalimalo. A o le auga lava, ia sao ma lelei le gagana latou te faaaogaina i fafo, o le gagana o lo o faapena ona fausia atu i si o tatou atunuu.

*Na faamaonia le lafo ma faitauina le Tulafono Tau Faaofi o Teuteuga o le Tulafono o le Komisi o le Gagana Samoa 2019 i lona faitauga faalua.*

**28 JANUARI 2019**

**Tulafono Tau Faaofi mo Tagata Solitulafono Toe Faafoi Mai 2018**  
**- faitauga faalua**

**FOFOGA FETALAI:** E tusa ai ma Tulafono Tumau, o le a tuuina atu le Tulafono Tau Faaofi i le Komiti o le Vaega tau le Va Fealoai mo le iloiloina ma toe lipoti mai i le Fono Aoao i se fonotaga i le lumana.

Talu ai ona o lea ua tatou toai taunu i le tatou malologa, e i ai le manatu o le a faagasolo le tatou galuega lea pe a tatou taliu mai i le tatou taimi toe amata o le afiafi. E i ai le manatu o le a faataatiae Galuega a le Fono Aoao Faitulafono mo lana malologa seia aulia le itula e 7:00 i le afiafi.

*Na faataatiae Galuega a le Fono Aoao Faitulafono i le itula e 12.57 i le aoauli ma toe faaaauai ai i le itula e 7.00 i le po.*

**FOFOGA FETALAI:** Ou te faasilasila atu ua toe amatalia nei taualumaga ma galuega a le Fono Aoao Faitulafono. Avea lenei avanoa ou te momoli atu ai le faamalo ma le agaga faafetai, malo le onosai, malo foi le tauatai i la tatou Fonotaga i lenei tau afiafi.

**TULAFONO TAU FAAOFI MO TAGATA SOLITULAFONO TOE  
FAAFOI MAI 2019 – faitauga faalua**

**FOFOGA FETALAI:** O le galuega lena o le a faapea ona tapa le Afioga i le Palemia mo sana saunoaga.

**Susuga Hon TUILAEPA AUELUA FATIALOFA LUPESOLIAI LOLOFIELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi mo Tagata Solitulafono toe faafoi mai 2019 i lona faitauga faalua, ma ou te fia tautala atu foi i ai.*

*Faalu e le Minisita o Pisinisi, Alamanuia ma Leipa ma le Minisita mo le Sofiua Maloloina.*

**FOFOGA FETALAI:** Tapa ma le faaaloalo lau Afioga i le Palemia mo lau saunoaga faamalamalama.

**Susuga Hon TUILAEPA AUELUA FATIALOFA LUPESOLIAI LOLOFIELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai o le sini autu ma le mafuaaga e pei avatu faamatalaga e faamalamalama ai. O se Tulafono ua taumafai e aiaia le faafoega ma le fetufaaiga o faamatalaga e faasino i tagata solitulafono ma pagota toe faafoi mai. Ma ua i ai manaoga e mataitu ai tagata solitulafono nei mai fafo, e faamoemoe o le a fesootai i ai.

**28 JANUARI 2019**

**Tulafono Tau Faaofi mo Tagata Solitulafono Toe Faafoi Mai 2018**  
**- faitauga faalua**

O le sini o le Tulafono Tau Faaofi, o le matauina o le taunu mai o tagata solitulafono ma pagota e toe faafoi mai, ma gaoioiga e tatau ona tatou faia e puipui ai le saogalemu o o tatou tagata. Lau Afioga i le Fofoga Fatalai, o se mataupu lenei ua fai ma faalavelave i lo tatou Malo ona o tulaga ia e tulai mai pea i atunuu nei e i ai Ausetalia, Niu Sila ma Amerika o lo o i ai o tatou tagata. Ma e solitulafono matuia loa, ona toe faafoi mai loa lea.

O se mataupu ua laga soo i totonusi o Fonotaga a Taitai o Malo o le taupulega. Ua faapena foi ma Fonotaga nei faataitai o le Pasefika ma fai ai lea o feiloaiga ma sui o Malo tetele nei tai pei o Ausetalia, Niu Sila faapea foi ma Amerika. O le tulaga la o Amerika, o se faafitauli ogaga lea ma isi foi atunuu tulata e pei o Karepeane. O ituaiga uiga ia e solitulafono loa le tagata tipoti, ao atunuu mauoloa i latou ia e alaala ai i latou ia ua solitulafono. O le mafaufauga o lo o avatu i atunuu nei, amuia outou e tele a outou tuge, e fai lelei ai mea e nonofo ai tagata nei. Ao le solitulafono o latou sa tautua ia te outou ma toe faafoi mai i lo matou atunuu i inei, e le o ni atunuu tetele o tamai atunuu, o le uiga vaivai tele lea. O le atunuu pito i laititi lava i totonusi o le lio lea o atunuu o le Pasefika, e na o le 52 tagata. Afai la ua toe faafoi ane se toalua pe se toatolu, o ni tagata solitulafono matuia e pei o le fasioti tagata, po o le a, e faigofie lava ona latou pulea ituaiga atunuu faapena.

Sa i ai foi le feiloaiga ma le Malo o Niu Sila i mataupu lava nei. O lo o fautua Niu Sila ia Ausetalia i le toe faafoi ane o tagata solitulafono a Niu Sila mai Ausetalia, ao la le foi e faafoi mai e Niu Sila foi o tatou tagata i Samoa nei, aua o le latou lena fesoasoani i atunuu nei tau atiae. O le solitulafono a tagata ma o latou tagata faasala ai pea e latou, ae aua le toe faafoi maia ma le faalavelave o mea tau fufulu. O lea la e le o gauai mai Malo nei o lea lava e faafoi mai, o i latou la ia e toe tipoti mai e mafua ai le Tulafono lenei, se i tau teuteu ai la tatou Tulafono e mataituina, ia mafai ai faaiuga ia i latou nei. Ona o lea e aliali mai o nisi o i latou ua suia amio, ao isi lava ua atili ai ona leaga.

O le isi toalua na omai mai Amerika lea na fasia le palagi e le i mamao tele atu. O le toalua lea na aumai i Niu Sila o laua na na gaoia le teugatupe o le lotto Samoa, i nai tausaga ua tuanai. O le taua la lena o le Tulafono lea mo le puipuiga o tatou tagata mai amioga a Samoa nei ua toe faafoi mai fafo i le amioleaga ma le solitulafono.

E tele lava le gaioiga o lo o fai nei a lo tatou Malo, e lagolagoina ai se tasi o faalapotopotoga o lo o taumafai ina ia toe fuataina le ola o latou nei. Aua o isi o i latou nei mai fafo ua matua sui atoa le olaga, sui lava sui, nisi o i latou ua faifeau a nisi o ekalesia. O ituaiga gaoioiga la na, o lea e taumafai ina ia toe suia atoa ai le olaga o i latou nei ua tipoti mai.

Lau Afioga i le Fofoga Fatalai, faapuupuuina atu ona o nei mea e fou foi ia i tatou. E i ai le tausaga na telefoni mai ai le Kovana o Amerika Samoa, pe mafai ona aumai a latou pagota e loka i Tafaigata ua mu lo latou falepuipui. Ona ave loa lea loka le aualii nei i fale i fetaulaiga ala e pito pisi ai lava taavale i Tafuna, lea na mafua ai ona telefoni mai. Ona ou fesiligia lea o le Loia Sili, se i tilotilo ia tatou Tulafono, pe mafai se mea faapea. E i ai lava le agaga e fia fesoasoani atu i o tatou uso a malo.

**28 JANUARI 2019**

**Tulafono Tau Faaofi mo Tagata Solitulafono Toe Faafoi Mai 2018**  
**- faitauga faalua**

Ona ou fesiligia lea o le Pule sili se i o matou tilotilo ia tatou Tulafono, na na mautinoai e le mafai. Aua e taunu mai loa tagata na i Samoa ona saoloto lea.

O le fesili, o le a le mea o le a aumai ai fua ae le tuu ai pe a i o. Fai mai o le taimi o le afa o le fa, ae o le taimi fia taele lea o pagota, ona fetiaq solo ai lea o faagaau ma taele telenonoa ai lava lea i fafo ane o fale.

Lau Afioga i le Fofoga Fetalai, o le iuga e le i mafai ona aumai ona o tatou foi Tulafono, o le tulaga lena i le faafoefoega o tagata nei i le taliu mai ai. Mo le taumafai ina ia fai ni faiga e toe liliu ai o latou soifua, ae le gata i lena o le puipuia foi o o tatou tagata mai le tulaga o le atili ai ona leaga, ma atili pau atu ai i le malaia.

O le faapuupuuga lena lau afioga o le Tulafono.

**FOFOGA FETALAI:** Malo faafetai, ua manino auofala i le faamalamalamaga a le Malo. O le fesili pe o le a faitauina nei leí í . E toatolu sui usufono, faapuupuu mai aua o lea ua manino le Tulafono. Tulai mai le sui usufono mo Aleipata Itupa i Lalo.

**Afioga TAFUA MALUELUE TAFUA (Aleipata Itupa i Lalo):** Faafetai i lau Afioga, faafetai foi i lau Afioga i le Palemia mo le Tulafono matagofie. O se Tulafono lelei ma aoga mo le gasologa i luma o tagata toe faafoi mai sa falepuipui i atunu i fafo. O le taua o lenei Tulafono ona o le e matau o tagata nei, o nisi o latou ua uma ona serve o latou faasalaga i fafo, o nisi o i latou e le i maea lelei, e palola mai ia tatou, ao nisi foi ua ova aso ia faafoi mai loa pe a uma le solitulafono.

A o le saunoaga a le Komesina o Leoleo i le tausaga ua tuanai pe a ma se 33 ea tagata na faafoi mai. O le matua tele o lenei fuainumera e aumai e alu ai tupe a lo tatou Malo mo le faagaoioiga mo nei tagata, aemaise a la pe a faapea e toe rehab ia tagata nei. E 10 mai Niu Sila, 1 mai Ausetalia ma le 22 mai Amerika. Sa fai ai lau tautalaga i le aso lea o le workshop. E toalua nisi o nai ou aiga, e faafoi mai le isi alii mai Amerika, ao le isi alii e faafoi mai Niu Sila, o le fasioti tagata prime crimes. Aua e tasi lea vaega na taua e le Komesina, e tasi lea vaega sili ona faigata, e fa ituaigaí vaega o le faaoolima po o le faamisa, o sauaga mataga o fualau faasaina ma tagata foi ia ua leva ona tafafao i o ma o i aso ia, maua loa ua solitulafono faafoi mai, pe a maea ona solitulafono.

O le ala o le tulai atu ma le faaaloalo o le momoli atu o le agaga faafetai ma le faamalo i le taua o le Tulafono lenei. E i ai nai aulape e fia tuualalo atu i le Afioga i le Minisita. E manaia pe a, e soo se tagata lava e aumaií o le isi vaega e escort mai pe a o mai. E sau ai le leoleo Amerika po o le leoleo Ausetalia po o le leoleo Niu Sila foi e faafoi mai. E manaia la pe a i ai se maliega i lalo o le .....ua uma ona ou talanoa i le Komesina i le aso lea sa fai ai le workshop. E logo le tagata lea e escort maia le pagota e sau ma aumai le record pei se history o le pagota lea na aumai pe a uma ona serve lona faasalaga.

**28 JANUARI 2019**

**Tulafono Tau Faaofi mo Tagata Solitulafono Toe Faafoi Mai 2018**  
**- faitauga faalua**

O lona lua aumai uma details o le background o le tagata, po o se tagata e i ai sona manaoga faapitoa, faaletonu le mafaufau ua tupu ai le faalavelave. Po o a uma lipoti taua a le falemai sa tuu i ai.

O lona lua, o le tele o nei tagata sa solitulafono, ua leva foi ona galulue i la atunuu. Sa totogi a latou lafoga, o lona uiga o la e i ai nai tupe e faafoi mai i lo tatou Malo e fesoasoani mo le tausiga o tagata nei. O lea foi e manino e i ai le charitable departure trust aua e tasi lena vaega o lea e fesoasoani malosi. Masalo e suetupe lava i latou e fesoasoani i le tausiga o latou. E moni ai le saunoaga a le Palemia, o le toatele o tagata ia e o mai, o nisi e o mai ua faifeau, ua liliu le olagaí o tagata nei ua matua lelei lava le olaga. E silafia lelei e le Minisita lea mo le Matagaluega mo Pisinisi, Alamanuia ma Leipa, aua o lana matafaioi tonu lea sa galue ai i Niu Sila. Sa pule i se tasi o falepuipui tele i Niu Sila. Iqm sure e ioe mai le Afioga i le Minisita i le tala lea ou te fai atu ai, e le faigofie nei tagata, e eseese uma foi tagata, o isi tagata e aotauina lelei i mea lelei, ao le isi tagata e sau na o mea leaga lava e sau ma ia. O lea la e pei ona saunoa le Palemia, o le isi aualii lea na o i leí po o le lotto shop ea po o le a le mea na i ai. O isi foi tagata e o mai, o le mea e sili ona leaga, o le omai ma aumai o latou uiga ia le talafeagai i pulega faalenuu. O matou lava i tua i lo matou nuu, e leai ma se mea e faaletonu aua foi e mataitu lava e matai ma aiga lea e i ai tagata nei. Ao tagata foi nei, o le matua lelei lava o amio, e leai ma se faaletonu. E leai ma se moliaga e aumai i luma o le nuu leai se faaletonu. Ae tau o loa po o se galuega po o le a, e matua pau lava i ai le sasa ma le sala e faasala ai faalenuu. E le gata i lea lau Afioga, ao le taua o le mea lea o le pulega a matai, e tau off loa ua tau alu ese ma le laina e tatau ona i ai, ona aumai foi lea i luma o le nuu aoai ai. E na o se tuualalo lau Afioga. Ae faafetai manuia le aso.

**FOFOFA FETALAI:** Malo saunoa i le sui usufono. Tulai mai le sui usufono mo Vaisigano Nu 2.

**Afioga TAPULESATELE MAUTENI TAMASONE METULI II ESERA (Vaisigano Nu 2):** Faafetai i lau Afioga i le Fofoga Fetalai. E faafeiloai atu i lena itu o le Maota faapea foi lenei itu, Ofisa sili o Pulega i Matagaluega ma Faalapotopotoga ma le mamalu o le Ofisa o le Fono. O le tulaga lea e fia fai atu ai se faamatalaga puupuu lava, o le tulaga lea i le faagaioiga ma le faafoeina o le Tulafono.

E i ai le talitonuga foi lea i le Matagaluega lea o Falepuipui ma le vaaia o tagata solitulafono. E i ai le talitonuga e talafeagai i le vaavaai atu foi i ai le Matagaluega lea. Ae o lea e matau atu o lea e i ai lava isi Matagaluega, e lagolagoina le faatinoga o le tautua lea a leoleo. Ae pei e i ai lava se manatu foi lea, ona o lea e i ai ia... e ui lava e tau o le ausolitulafono, ae e pei e toatele le au foi mai... ia tagata sa falepuipui. E pei o le tulaga lea e fai ai se manatu i le vaega lea. E taua le finagalo o le Palemia, e malamalamalama lelei foi lenei sui usufono i le tulaga o le Tulafono ae pei o si vaega laititi lena sa manao e faailoa atu, faafetai.

**28 JANUARI 2019**

**Tulafono Tau Faaofi mo Tagata Solitulafono Toe Faafoi Mai 2018**  
**- faitauga faalua**

**FOFOGA FETALAI:** Malo, ia tulai mai le sui usufono mo Vaimauga i Sasae.

**Afioga SULAMANAIA FETAIAI TAUILILILI TUIVASA (Vaimauga i Sasae):** Lau Afioga i le Fofoga Fetalai e faatalofa atu i lenei itula o le afiafi i le Fonousu foi a lo tatou atunuu. Ia e faafetai faapitoa foi i le Afioga i le Minisita, po o le Afioga foi i le Palemia ma lana Minisita Lagolago, aemaise foi le Komesina o Leoleo ma le Matagaluega i le tuuina mai o le Tulafono e faafoe ai si o tatou atunuu. E pei lava o le agaga o lenei sui usufono e fiafia lava pe a aumai ni Tulafono foi a Matagaluega ina ia faafaigofie ai le faatinoga o le tatou auaunaga. E momoli le agaga faafetai ae e pei o lea e vaavaai atu lou nei sui usufono, e pei o lenei Tulafono e pei e lilifa i le Komesina ma le Ofisa o Leoleo, i ai latou ia ua aumai faasolitulafono.

O le tatalo a lenei foi itumalo i le Afioga i le Palemia foi ma le Minisita e ona lenei Tulafono, ia po o le faiga foi lea Faava-o-Malo. E pei o le popolega o lou nei sui usufono a aumai nei ia pagota nei e aunoa ma se silafia e le Komesina o Leoleo, ia e le mafai foi ona latou fetagofi i le form lea e aumai i le malaevaalele lea e declare o latou o pagota. Ia e pei o le popolega lea e i ai ina ia mafai ona... ia a faapea o le a tipoti mai ma auina mai, ia logo mai e le Matagaluega o Falepuipui o Niu Sila, Ausetalia po o le Matagaluega foi o le Palemia, ia o le vaiaso fou o le a taunu atu ai ni pagota se toalua. Ia o mai la ua tatou tapena atu ia le Komesina o Leoleo ma le tatou Malo i le aumaia o nei pagota. E le gata i lea ina ia logo foi aiga o nei foi pagota, ina ia mafai ona aumai ona suesueina lea ia ma tuuina atu i totonu o afioaga e o mai ai nei tagata ina ia faalauiloa ai, ona o le popolega lea e i ai, o le tele lava o pagota ia e o mai e le o silafia e lo tatou atunuu. Ia ae o latou na e tatau ona faalauiloa i le atunuu, ina ia faapena ona malupuipuia ai si o tatou atunuu ma faiga faapena.

O le isi vaega o lea e matau atu o lea e le o i ai ia le Matagaluega lea o le Soifua Maloloina i le falemai e pei o Matagaluega ia e tatau ona galulue faatasi ma leoleo. Ia ae o le tatalo pe mafai ona toe tuu i ai ma le Matagaluega lea o le Soifua Maloloina, ona o le tele o pagota e aumai, o nisi ua le natia e pei ua faaletonu mafaufau. Ia o nisi foi pe le o omai ma ni faamai. Ia ae tatau ona i ai le Matagaluega o le Soifua Maloloina, ina ia mafai ona suesueina ia tagata po ua atoatoa i ai tulaga faapena. E pei o le popolega lena o lenei foi itumalo.

Ae o le malosiaga o lea e popole ai, ona o pagota nei e aumai, ua matuai popoto e faatino ia fuafuaga foi na e faasolitulafono, ne i o mai o atu ai le Matagaluega o Leoleo i le malaevaalele soona faatino nisi fuafuaga, ona mafai lea ona sui ai le tatou Malo. Aua o le vaega lea e o mai e foliga foi lea e matuai atamamai i mea ia o aiatatau. O le popolega lena ina ne i faatino le auaunaga a leoleo ma le Komesina i ai latou nei, ae mafai ona o ma sue le tatou Malo i tulaga e faatino ai auaunaga. Ae e pei o lou lava naunautaiga, ae fai se Tulafono lea Faava-o-Malo, ina ia o mai ua o tatou sauni atu.

**28 JANUARI 2019**

**Tulafono Tau Faaofi o Teuteuga o le Tulafono o le Faalapotopotoga o  
Tau i mo Faalavelave Tutupu Faafuasei 2019 – faitauga faalua**

Ia o le agaga tonu lava lena lau Afioga i le Fofoga o le Fono e fesoasoani atu ai. Na ona pau lena o se sao o lenei itumalo i lenei Tulafono Tau Faaofi.

**FOFOGA FETALAI:** Malo faafetai manaia le fautuaga. Ia masalo pe i ai se isi mea e toe fia saunoa i ai le Malo, ae o lea ua uma ona kava uma e le Malo ia le faamalamalamaga o le itu lea.

**Afioga FUIMAONO TEO SAMUELU TEO (Falealili Sasae):** Lau Afioga i le Fofoga Fetalai....

**FOFOGA FETALAI:** O ai lea e fia saunoa? Ia se i tulai mai le sui usufono mo Falealili Sasae.

**Afioga FUIMAONO TEO SAMUELU TEO:** E puupuu lava lau Afioga i le Fofoga Fetalai. E momoli lava le faafetai i le Tulafono, faafetai o lea ua i ai le Tulafono. E na o nai manatu lava foi pe le umi tele le 6 masina lea e tuu i le Komesina e iloilo ai, po o le pagota faafoi mai o se returnee pe leai, ona e 6 masina ia e tuu i ai e iloilo ai, ae o le 72 itula lea e tuu i ai e lipoti ai le pagota i totonu o le Ofisa Autu, e pei e foliga ua tele le 3 aso. O lou ia iloa, e tatau ona lipoti i le 24 itula pe 48 itula, a o le 72 itula lea, ia e tailo i ai lau Afioga i le Fofoga Fetalai, ae na o le pau lava lena o le popolega, o le tele o le taimi o lea e iloilo ai, e determine po o se returnee pe leai, 6 masina, e 72 itula e lipoti ai i le Ofisa Autu i le va o le taunu mai i le malaevaalele ma le agaga faaaloalo lava.

**FOFOGA FETALAI:** Malo faafetai, ia o lea ua faafogaga atu le Malo, o le a silasila i ai i fautuaga a le Komiti.

*Na faamaonia le lafo ma fai tauina le Tulafono Tau Faaofi mo Tagata Solitulafono Toe Faafoi Mai 2019 i lona fai tauaga faalua.*

**FOFOGA FETALAI:** E tusa ai ma Tulafono Tumau o le a tuuina atu le Tulafono Tau Faaofi i le Komiti o le Vaega tau le Va Fealoi mo le iloiloina ma toe lipoti mai i le Fono Aoao Faitulafono i se fonotaga o lumana.

**TULAFONO TAU FAAOFI O TEUTEUGA O LE TULAFONO O LE  
FAALAPOTOPOTOGA O TAUI MO FAALAVELAVE TUTUPU  
FAAFUASEI 2019 – fai tauaga faalua.**

**FOFOGA FETALAI:** Ma le faaaloalo ou te tapa lau Afioga i le Minisita mo Pisinisi, Alamanuia ma Leipa.

**28 JANUARI 2019**

**Tulafono Tau Faaofi o Teuteuga o le Tulafono o le Faalapotopotoga o  
Taui mo Faalavelave Tutupu Faafuasei 2019 – faitauga faalua**

**Afioga Hon LAUTAFI FIO SELAFI PURCELL:** Faafetai atu i lau Afioga. Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faalapotopotoga o Taui mo Faalavelave Tutupu Faafuasei 2019 i lona faitauga faalua ma ou te fia tautala puupuu foi i ai.*

*Faaluaina e le Minisita mo Tagata Tafafao Maimoa mai Fafo ma le Minisita mo le Soifua Maloloina.*

**FOFOGA FETALAI:** Ou te tapa ma le faaaloalo lau Afioga i le Minisita mo Pisini, Alamanua ma Leipa e ona le Tulafono.

**Afioga Hon LAUTAFI FIO SELAFI PURCELL:** Faafetai i lau Afioga. Lau Afioga o le Teuteuga o lenei Tulafono e teuteu ai le vaega 33 o le Tulafono Autu, o le Tulafono lea o le 1989, ma o le vaega tonu lava lea e teuteuina i le teuteuga lenei, o le vaega lea e taua ai le aofai o le tupe e oo i ai le malosi o le Matagaluega.

O le taimi nei, o le vaega lea 33 e aafia ai tagata foi ia e ave i fafo mo ni togafitiga. O le taimi nei la o lo o i ai le faaupuga, ma le malosiaga o le Matagaluega e au ai le latou tupe e mafai ona faaalu e \$150,000. O le mea ua tulai mai, e i ai le gasegase na ave i Niu Sila, e aumai le pili, ia ua ova mamao ma le \$150,000. Ia ona totogi lava lea e le Matagaluega ia le \$150,000 ona o lea e i lalo o le Tulafono, ia ae taatia ai lava le isi vaega lea ua fai ai nei finauga po o ai e totogia. Ia ona tonu ai lea i le manatu o le Malo, ua tatau ona fai se aiaiga pe a ova atu ma le \$120,000, o ai la e ave i ai ia le faatagaga. O lea la ua sau ai le teuteuga lea, a ova atu loa ma le \$150,000 le tau o se gasegase ua avatu i fafo, ona ave loa lea i le Kapaneta e fai maia le faaiuga, ia le faatagaina po o le a le tupe i luga atu o le \$150,000. E pau lava lena o le teuteuga lea e aumai lau Afioga, e na o le faatagaga lava e oo loa i le \$150,000, ave loa i le Kapaneta e aumai ai le faatagaga e faaaoga ai se isi vaegatupe i luga atu. Ia ma lou faaaloalo.

**FOFOGA FETALAI:** Malo, manino le faamalamalamaga o lenei mataupu.

**Tofa LEALAILEPULE RIMONI AIAFI:** Lau Afioga i le Fofoga Fetalai....

**FOFOGA FETALAI:** Ia, se i tulai mai le sui usufono mo Faleata Sisifo.

**Tofa LEALAILEPULE RIMONI AIAFI (Faleata Sisifo):** Faafetai mo le avanoa, e puupuu le Tulafono ae fia fai se fautuaga i le tuualalo a le Afioga i le Minisita pe a talafeagai.

**28 JANUARI 2019**

**Tulafono Tau Faaofi o Teuteuga o le Tulafono o le Faalapotopotoga o  
Taui mo Faalavelave Tutupu Faafuasei 2019 – faitauga faalua**

Ou te talitonu, e le o se tulaga fou le lauga pea ma faaalia finagalo o sui usufono i le tatou Matagaluega lenei, ona o le tele o tatou e lafo tupe foi lea e tipi, ia ae lea e fesiliglia pe i ai se faamanuiaga maua mai pe a maea e le faaaogaina. Peitai e ese foi le vaega na faatino ai tupe nei. E manino lava mo faalavelave faafuasei.

Ae manatua foi la, o le tatou Matagaluega lenei, tasi lenei o Matagaluega e lelei le faatinoina o galuega ma tupe maua ma e lelei foi le fesoasoani i le tele o galuega fai e fesoasoani i le atunu, ua matua foi, tele tupe, lelei investments.

Pe le i ai lava se finagalo o lau Afioga ma le Komiti Faafoe ua tatau ona fai ia se tatou medical insurance, se medicare foi lea e faaaoga i ai ia le tupe lea i nei tagata. Ua tatau ona compulsory foi, ua matua foi ma ua tatau foi ona fai benefits mo tagata faigaluega a le Malo. A ua ese foi lenei vaitau i tagata faigaluega, ma ua vaai foi i le sau o le faamai, ma le oti i so o se tagata faigaluega, ae aoga la le vaega lea, atonu e kava ai la ma tupe ia pe a sili atu, pe a fai faapea, se vaega tusa pe faaopoopo se 1 sene pe 2 sene, ae fai faapena pe faa medicare.

Sa fai e le NPF le mea lea i le taimi faatoa ou sau i le Palemene sa taumafai e fai le medisafe. E ese le matagofie o lea mea pe ana fai ma faatino, ae ou te talitonu pe a toe fai i le taimi lenei e tatau ona talia gofie, ona sa i ai foi finagalo faaalia foi lea o le tetee o tagata faipisinisi ona faapea o le a sii ai i luga ia le NPF, le contribution ia ma le Malo foi. Peitai, a tatou vaai i ai, o lenei mea o se mea taua ma se mea aoga, o le a tele ai foi tupe a lo tatou falemai e maua, ma ola maloloina ai tagata, ae e le tele se tupe e alu ai, o lea e tatau ona kava i totonu o se faaputugatupe faapea o se fuafuaga e tagai i ai le ACC ma se vaega taua lea mo le agai i luma. Ia ma le faaaloalo lava.

**FOFOGA FETALAI:** Malo faafetai, tulai mai le sui usufono o Palauli le Falefa.

**Afioga Hon FAUMUINA TIATIA FAAOLATANE LIUGA (Palauli Le Falefa):** Faafetai i lau Afioga i le Fofoga Fatalai mo le avanoa. Ou te faafetai tele i le Afioga i le Minisita mo lenei Tulafono e laititi, ae o le taua ia. O lea sa saunoa le Afioga i le Minisita i tau e sili atu, i le \$150,000 sao lelei. Ou te manatua e i ai se taimi na aumai ai foi i le Kapaneta se tasi o manaoga o se aiga, e ova ma le \$500,000 le tau sa taoto ai le gasegase i Niu Sila, ae faatoa logo mai le Malo mo se fesoasoani mulimuli ane ai. O le taua ia o le mea lea. O le fesili lea e fia fesili ai, pe na o tagata faigaluega, lea e fai saofaga e agavaa i taui nei? O le uiga o se manatu, o nai tagata e leai ni totogi faatulagaina, ae fai ia ni a latou saofaga foi ia voluntary contribution, e entitle i ai?

**28 JANUARI 2019**

**Tulafono Tau Faaofi o Teuteuga o le Tulafono o le Faalapotopotoga o  
Taui mo Faalavelave Tutupu Faafuasei 2019 – fatauga faalua**

O lona tolu o au fesili, a faapea e alu se tagata o lea e fai ana saofaga i i Niu Sila, ae lavea i se faalavelave faafuasei e agavaa le tagata lea i se taui o faalavelave faafuasei? Ae lavea i fafo? Ausetalia po o fea lava, aua o lea e alu, o le tagata faisaofaga. O lona uiga la, ia e lelei la i le vaega foi lea e tai 2 citizenship, aua e mafai ai ona alu ai i lalo le tau pe a faapea o se tagata Niu Sila, Amerika ia po o Ausetalia foi. O le a fesiligia ai lau Afioga, ona e i ai lava mea e ono tutupu i le agai atu i le lumanai. Ua faaaoga le malosi o le Kapeneta e fai ai ni taui i luga atu, ae e le o malamalama i i, po o taui e aofia ai ma faalavelave e aafia ai le aufaisaofaga i fafo atu o Samoa ma lou faaaloalo, faafetai.

**FOFOGA FETALAI:** Ua maua atu le finagalo o le sui usufono. Tulai mai se tasi o sui usufono mo Safata.

**Tofa NONU LOSE NIUMATA (Safata i Sasae):** Lau Afioga i le Fofoga Fetalai ma le mamalu o le Palestina, ou te lagolagoina le Tulafono Tau Faaofi pe afai e tuu i ai le upu lea limbs po o le cosmetic foi lea e tuu i ai foi lele. Lau Afioga i le Minisita, o le Fuaiupu lea 33, e aofia ai le treating overseas ma le transport ma meaai ma isi, e le o i ai se tupe mo limps ma cosmetic. O le limps ma cosmetic, e tele tupe e alu ai, ma e mafai e le Minisita ona fai, e tele tupe a le ACC.

Lau Afioga i le Minisita, a faapea o le gasegase ua ivi le mata, e le mafai e le Fuaiupu 33 ona replace le mata, se i vagana ua tuu ai se mata foi lea i le Fuaiupu lea 33 pe a faapea o teuteuga lea e tuu ai le... Faafetai i lau Afioga i le Fofoga Fetalai.

**FOFOGA FETALAI:** Malo faafetai i le sui usufono mo Safata Sasae, masalo ua maea ai sui usufono. Tulai mai le Minisita. Ia, tulai mai le sui usufono mo Aiga i le Tai, faapuupuu mai lau saunoaga.

**Susuga MULIPOLA LEIATAUA LAKI (Aiga i le Tai):** Faafetai i lau Afioga mo le avanoa. Ou te manatu o le tasi lenei o Tulafono anoa ma taua tele o le tatou atunu i taimi e moomia ai aua faalavelave faafuasei e ono tutupu mai, faalavelave le maalofia tatou te le mailoa. E i ai foi la le naunautaiga o le sui usufono mo Aiga i le Tai e lagolagoina malosi le Tulafono.

Pau o lenei na o nai vaega laiti lau Afioga i le Fofoga Fetalai e fia tuualalo atu ai i le Tulafono ona o lea e matauina le teuteuina o le Fuaiupu 33 pei e foliga ua tuatalaloa le \$150,000. O le uiga o le faamatalaga lau Afioga, a oo i le \$1 miliona lea faapei ona taua e se tasi o tootoouli o le Maota le \$500,000, e le tatau ona tuu i ai se limitation o le... e pei e foliga o lea ua tuatalaloa, a ova tele atu latalata i se miliona, e tatala pea le avanoa lea?

**28 JANUARI 2019**

**Tulafono Tau Faaofi o Teuteuga o le Tulafono o le Faalapotopotoga o  
Taui mo Faalavelave Tutupu Faafuasei 2019 – faitauga faalua**

Silasila foi lau Afioga, o nai atugaluga laiti o le tootoo i le Tulafono lenei, ona o lea e matau ma le totoa e le o i ai se faamanuiaga o maua e latou, ia, talanoa atu ia i si ou itumalo e toatele tagatanuu e fagota i le paopao. Aua peiseai o le Tulafono lea pei e pito tasi na o latou e faaaoga ai le penisini, tulou le Maota. A e afaina i le vaafagota po o le penisini e faaaoga ai le penisini ona maua lea o le taui o faalavelave faafuasei. Peitai a e afaina i le paopao, tulou, ona le maua lea o sou taui. E pei o nai vaega ia e tau piiama ai i le Tulafono, pe le mafai ona teuteu atu ai ma le vaega lea. Aua a tatala nei le \$150,000 lea se i oo i le miliona pe a talosaga mai tagata faigaluega, a o lea lava e i ai nai sao o nai tagata fagota paopao e ui lava ina itiiti se latou tamaoaiga o lo o fesoasoani i le tamaoaiga o le atunu, peitai o la e lava e fai lo latou sao. Ae leai lava se latou mea o maua i le faamanuiaga lea. O le ala lea o le tulai lau Afioga, e valuvalusia ai aa o le laau i lau Afioga i le Minisita i le Tulafono pe le mafai ona toe silasila i vaega ia mo se faamanuiaga o nai tagata lautele o si o tatou atunu. Faafetai.

**FOFOGA FETALAI:** Faafetai. Ou te tapa le Minisita pe i ai se isi faaopoopoga, a leai o le a tuuina atu le fesili.

**Afioga Hon LAUTAFI FIO SELAFI PURCELL:** Faafetai i lau Afioga, faafetai foi mo faafesili na tuuina mai ma manatu e tapue ai le tatou teuteuga. O teuteuga lava ia lau Afioga e faapitoa lava i e ua gasegase ona o se faalavelave faafuasei, ae aumai le pili i le taumafaiga e toe faaleleia le tagata lea, ia ua ova atu i le \$150,000 le tau o le pili a le falemai, ia ona ave loa lea i le Kapaneta e aumai se faatagaga e totogi ai. Pe fia lava la, i lalo o le Tulafono, e le o faataga foi a oo loa i le \$1milliona ona sue loa lea o se isi e ave i ai. E leai, e ova atu loa i le \$150,000 tuu loa i le Kapaneta, o lo o i ai foi le tofa a le Kapaneta e fuafua ai mea faapea. Talu mai le faatuina o lenei Tulafono lau Afioga mai le 1989, ua 29 nei tausaga, na o le toatasi lava le tagata ua tulaga lea, e le o ni mea e tupu soo.

E leai lava se isi i inei i Samoa ia ua latalata i se \$150,000 se togafitiga. Taatia ia mea o entitlements a tagata i lalo o le Tulafono, a o togafitiga lea tatou te talanoa i ai, faafetai i manatu na tuuina mai.

E i ai vaega o le Tulafono e lavevea ai tagata o lo o aumau i fafo pe afai o lea e fai saofaga. O le manatu o le sui usufono mo Aiga i le Tai, ia ona o taimi foi o tatou fagogota i nei mea o paopao, ia ou te le iloa po o le a le faalavelave faafuasei e lavea ai se isi i se paopao, e pei o mea nei o masini o mechanise, foi lea, pei o le taavale lea e lavea ai ma vaafagota ona e saoasaoa, ma e ogaoga manuaga o tagata e lavevea ai. E pei o le mea lena e ala ai ona fai na o tagata faapena, tusa pe le faisaofaga, a lavevea i le taavale faapena le alia fagota, ia e i ai i lalo o le Tulafono, ae faafetai mo faafesili. Afai e i ai ni case o nisi ua soa e se paopao, ia, e mafai lava ona tilotilo i ai le Matagaluega, faapena foi le sui usufono mo Faleata Sisifo. Taatia mai lou manatu. O le Matagaluega lava ia na fai aua faalavelave faafuasei. Ae a fai loa se tatou cover insurance, ia o manatu lelei uma lava, ae fuafua foi, aua o le extra foi le tau e toe faaopoopo foi la le levy pe afai o le a oo i le tulaga lea.

**28 JANUARI 2019**

**Tulafono Tau Faaofi o Teuteuga o le Tulafono o le Puipuiga Mai Aafiaga  
o le Tapaa 2018 – iloiloga auiliili**

A o tulaga uma o manatu lelei uma lava pei ona fai atu, e leai lava se manatu e talitualimaina e le Matagaluega ma le Minisita lenei. Ae o le toe tali atu lea lau Afioga ia manuia lava le tatou Fonotaga o totoe.

**FOFOGA FETALAI:** Malo faafetai. Ia o lena ua faafogfa mai Aiga i le Tai e le taulia ai le soa e le avaava.

*Na faamaonia le lafo ma faitauina le Tulafono Tau Faaofi o Teuteuga o le Tulafono o le Faalapotopotoga o Faalavelave Tutupu Faafuasei 2019 i lona faitauga faalua.*

**FOFOGA FETALAI:** E tusa ai ma Tulafono Tumau o le a tuuina atu le Tulafono Tau Faaofi i le Komiti o Tupe Maua ma Tupe Totogi mo le iloiloina ma toe lipoti mai i le Fono Aoao i se fonotaga o lumanaai.

**TULAFONO TAU FAAOFI O TEUTEUGA O LE TULAFONO O LE  
PUIPUIGA MAI AAIFIAGA O LE TAPAA 2018 - iloiloga auiliili**

**FOFOGA FETALAI:** E tusa ai ma Tulafono Tumau, e ao ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea mo le iloiloga auiliili.

Tulai mai le Taitaifono o le Komiti o le Vaega tau le Va Fealoai.

**Afioga Hon GATOLOAIFAANA AMATAGA ALESANA GIDLLOW:**  
Lau Afioga i le Fofoga Fetalai ou te tulai atu e faatu le lafo, *Ina ia faamaonia e lenei Fono Aoao le Lipoti a le Komiti o lo o fautuaina ai ina ia faagasolo le Tulafono Tau Faaofi o Teuteuga o le Tulafono o le Puipuiga mai Aafiaga o le Tapaa 2018 faatasi ma teuteuga ma Faasaoga.*

*Na faamaonia le lafo.*

**FOFOGA FETALAI:** E faasilasila atu ua faamaonia nei e le Fono Aoao le Lipoti a le Komiti i le Tulafono Tau Faaofi, ma o le a sagai atu loa mo le iloiloga auiliili.

E tusa ai ma le Tulafono Tumau e amata le iloiloga auiliili i le Fuaiupu 2.

**FUAIUPU 2: Ua teuteuina le fuaiupu 2.**

*Faamaonia.*

**28 JANUARI 2019**

**Tulafono Tau Faaofi o Teuteuga o le Tulafono o le Puipuiga Mai Aafiaga  
o le Tapaa 2018 – iloiloga auiliili**

**FUAIUPU 3: Ua faaoifiina le Vaega 2A fou.**

**FOFOGA FETALAI:** O lo o i ai le Teuteuga a le Komiti i le Fuaiupu 3 e pei ona faaalia i le Pepa Faaopoopo o Galuega.

Tulai mai le Afioga i le Taitaifono o le Komiti.

**Afioga Hon GATOLOAIFAANA AMATAGA ALESANA GIDLOW:**  
Lau Afioga i le Fofoga Fetalai ou te faatu le Teuteuga i le fuaiupu 3 e faapea:

**"TEUTEUGA:**

Ia suia le Fuaiupu 7A(2) e faapea:

"(2)O sui auai nei:

- (a)O se sui o le Matagaluega o le Soifua Maloloina o ia lea e avea ma Taitaifono ma Failautusi; ma
- (b)Se sui o le Matagaluega o Tupe;
- (c)Se sui o le Matagaluega o Aoga, Taaloga ma Aganuu; ma
- (d)Se sui o le Matagaluega o Tina ma Tamaitai, Atinae o Nuu ma Agafesootai; ma
- (e)Se sui o le Galuega Tau Leoleo a Samoa; ma
- (f)Se sui o le Vaega o Tiute i le Matagaluega mo Tupe Maua; ma
- (g)Se sui o le Faalapotopotoga o Taaloga a Samoa ma le Komiti o le Olimipeka a le Atunu; ma
- (h)Se sui o le Sosaiete o le Kanesa i Samoa; ma
- (i)Se sui o le Fono a Tupulaga Talavou a Samoa."

*Faamaonia le Teuteuga.*

*Faamaonia le Fuaiupu 3 e pei ona Teuteuina.*

**FUAIUPU 4: Ua teuteuina le fuaiupu 18.**

*Faamaonia.*

**FUAIUPU 5: Ua teuteuina le fuaiupu 21.**

*Faamaonia.*

**28 JANUARI 2019**

**Tulafono Tau Faaofi o Teuteuga o le Tulafono o le Puipuiga Mai Aafiaga  
o le Tapaa 2018 – iloiloga auiliili**

**FUAIUPU 6: Ua faaofiina le fuaiupu 23A fou.**

**FOFOGA FETALAI:** O lo o i ai le Teuteuga a le Komiti i le fuaiupu 6.  
Tulai mai le Taitaifono o le Komiti.

**Afioga Hon GATOLOAIFAANA AMATAGA ALESANA GIDLOW:**  
Lau Afioga i le Fofoga Fetalai ou te faatu le Teuteuga i le Fuaiupu 6 e faapea:

**"TEUTEUGA:**

Mo le Fuaiupu 23A ma le 23A(1) ua faaofiina, ia suia le numera 21 i le numera 15 ma faitauina ai le 23A e faapea:-

**23A-E faasaina le faatau atu o oloa tau tapaa e tagata e i lalo ifo o le 15 tausaga le matuua:**

E le tatau ona faatauina atu so o se oloa tau tapaa e se tagata e i lalo ifo o le 15 tausaga le matua."

*Faamaonia le Teuteuga.*

*Faamaonia le Fuaiupu 6 e pei ona Teuteuina.*

**FUAIUPU 7: Ua teuteuina le fuaiupu 24.**

*Faamaonia.*

**FUAIUPU 8: Ua faaofiina le fuaiupu 29A fou.**

*Faamaonia.*

**FUAIUPU 9: Ua faaofiina le Vaega 5A fou.**

**FOFOGA FETALAI:** O lo o i ai le Teuteuga a le Komiti i le Fuaiupu 9.  
Tulai mai le Taitaifono o le Komiti.

**28 JANUARI 2019**

**Tulafono Tau Faaofi o Teuteuga o le Tulafono o le Puipuiga Mai Aafiaga  
o le Tapaa 2018 – iloiloga auiliili**

**Afioga Hon GATOLOAIFAANA AMATAGA ALESANA GIDLOW:**  
Lau Afioga i le Fofoga Fetalai ou te faatu le Teuteuga i le fuaiupu 9 e faapea:-

**"TEUTEUGA:**

1. Mo le fuaiupu 31A(2) o faaofiina ia suia le fuainumera "100" i le fuainumera "200".
2. Mo le fuaiupu 31B, ia faaofi le parakalafa (d) & parakalafa (e) i le tuanai ai o le parakalafa (c) e faapea:  
 "(d) o le laisene mo faletalimalo; ma  
 (e) o le laisene mo falekalapu".
3. I le fuaiupu 31F(4)(a), ia suia le fuainumera 20 iunite i le fuainumera 100 iunite.
4. Mo le Vaega 5A, i le tuanai ai o le Fuaiupu 31E, ia faaofi ma toe faanumera fuaiupu nei:

**"31F. Laisene o Tagata e ona Faletalimalo:** O se laisene tau tapaa o se tagata e ona le faletalimalo, e faatagaina ai le faatauina atu o oloa tau tapaa, i ni aiaiga o le a faataatia atu i le laisene".

**"31G. Laisene o Tagata e ona Falekalapu:** O se laisene tau tapaa o se tagata e ona le falekalapu, e faatagaina ai le faatauina atu o oloa tau tapaa, i ni aiaiga o le a faataatia atu i le laisene".

5. Mo le fuaiupu 31J(1) o lo o i ai, ia suia i le 31L(1)(a)&(b) fou e faapea:

**31L Umi o le aoga ma le faafouga o laisene- (1)**

- (a)O se laisene ua tuuina atu i se tagata e gaosia ai oloa tau tapaa o le a faapea ona aloaia le aoga mo se vaitaimi e tolu (3) tausaga mai le aso e tuuina atu ai.
- (b)O se laisene ua tuuina atu i se tagata e:  
 (a)faaulufaleina mai; pe  
 (b)tufatufaina atu; po o  
 (c)faletalimalo; ma  
 (d)falekalapu;

o le a faapea ona aloaia le aoga mo se vaitaimi e tasi (1) le tausaga mai le aso na tuuina atu ai.

**FOFOGA FETALAI:** Se i tuu atu lava le avanoa i lou uso o lo o tulai mai le sui usufono mo Faleata Sisifo.

**Tofa LEALAILEPULE RIMONI AIAFI:** Lau Afioga i le Fofoga Fetalai, ona o le tele o teuteuga lea e sau faasoloatoa, a o lea ou te fia fesili i le Vaega lea 31G.

**28 JANUARI 2019**

**Tulafono Tau Faaofi o Teuteuga o le Tulafono o le Puipuiga Mai Aafiaga  
o le Tapaa 2018 – iloiloga auiliili**

O le mea muamua lau Afioga, o le faatauina o tapaa, po o talia e le Soifua Maloloina le teuteuga lea na aumai e le Komiti e toe tuu ai i lalo tausaga e faatau atu ai ma faatau mai le tapaa aua e 21 tausaga lea na aumai ai i le 15 tausaga. O lona uiga, ua matua faamaualalo lava e le Komiti le age o le tagata, aua na sau i le Tulafono e 21, a o lea la ua manao le Komiti ia toe tuu mai lalo i le 15 tausaga. O lau fesili la lena; po o talia e le Minisita mo le Soifua Maloloina ma le Matagaluega le fetuunaiga lea aua o lea ua recommend mai e le Komiti e toe tuu mai lalo i le 15. O lona uiga ua faataga tagata 16 agai i luga ona faatau. Ma lou faaaloalo lava.

Ma le vaega lea o laisene, ona o le mea lea o lea e feteenai ai nai tagata faipisinisi, o le alu o le faipisinisi fai lana business license ae alu atu la i o i le falemai ae tetee mai e latou e le mafai ona release mai le laisene o le fale tapaa ona feteenai ai lea faapea. Po o le mea la e muamua alu e aumai le laisene e fai ai lau tapaa ona faatoa fai ai lea o lau business license. Ma lou faaaloalo lava.

**FOFOGA FETALAI:** Tulai mai le Taitaifono, fesoasoani mai ma le Minisita.

**Afioga Hon GATOLOAIFAANA AMATAGA ALESANA GIDLLOW:** Lau Afioga i le Fofoga Fetalai i le tulaga pei ona fesiliglia ai le suiga lea e faatagaina ai le 15 tausaga o le na te faatauina atu le tapaa, ua uma lava ona uia e le Komiti tulaga e tatau ai e tusa ai ma le faafesootai atu i le Afioga i le Minisita.

O le tulaga lea e saunoa ai i le faatauina atu o le tapaa, o le laisene o le faatauina o le tapaa, pe muamua le laisene o le faatauina o le tapaa pe muamua le laisene o le pisinisi? E le o le faatauina o le tapaa, a o le fausia o le tapaa, o le sao lea?

**Tofa LEALAILEPULE RIMONI AIAFI:** Lau Afioga, o le Tulafono lea e tuuina mai, e tatau ona aumai sau laisene e fausia ai le tapaa mai le Ofisa o le Soifua Maloloina. O le uiga la o lau faamatalaga, ona o le tele o tagata e aumai lana business license muamua. A aumai la lau business license e fai ai lau tapaa e le talia e le Ofisa o le Soifua Maloloina e le mafai ona gaosia e oe le tapaa ona i ai lea o feteenaiga lea e tulai mai. Po o le mea la pe mafai ona saili muamua pe mafai ona aumai lou laisene e gaosi ai le tapaa ona faatoa fai ai lea. A e alu atu foi la e aumai lou business license, e muamua foi tuli oe e te alu e aumai lou laisene i gauta. O le mea lena o lea e fesili atu ai faamolemole.

**Afioga Hon GATOLOAIFAANA AMATAGA ALESANA GIDLLOW:** Lau Afioga i le Fofoga Fetalai, ua nofouta foi le Matagaluega o lo o latou issue ina business license e tusa ai ma aiaiga a isi Matagaluega, ae latou te le faatagaina le laisene e tuuina atu mo lea galuega ma lea galuega.

**FOFOGA FETALAI:** Malo faafetai. Se i tulai mai le Minisita mo le Soifua Maloloina.

**28 JANUARI 2019**

**Tulafono Tau Faaofi o Teuteuga o le Tulafono o le Puipuiga Mai Aafiaga  
o le Tapaa 2018 – iloiloga auiliili**

**Afioga Hon TUITAMA TALALELEI TUITAMA:** Lau Afioga i le Fofoga Fetalai, na ona faamalamalama lava o le vaega lea sa fesiliglia ai tausaga. Ia, e le i faigofie le tulaga lea ona ua soalaupule le Komiti ma oo atu foi le Taitaifono ma matou feiloai i le popolega ona o le tulaga lea o le 21 tausaga e faatau atua le tapaa, ae peitai o le Tulafono o i ai tagata faigaluega leipa, e faataga ai le 15 tausaga ona faatauoloa. E pei la o le agaga lea sa fetuunai ai, e le o se mea faigofie se faatauoloa o le 15 tausaga ona alu e saili mai se isi e faatauina le tapaa a o ia lea e faatauoloa i le taimi lea. Peitai la i le faatau maiga o le tapaa mai le faleoloa, na o le tagata 21 tausaga e mafai ona ia faatauina mai le tapaa. E pei o le fetuunaiga lea ina ia faafealofani ma isi foi Tulafono o lo o faatagaina ai e faatauoloa i le 15 tausaga.

Ia o le faamalamalamaga lea lau Afioga. Ma le faaaloalo lava.

**FOFOGA FETALAI:** Malo faafetai, ua manino le faafogfa mai a le atunu. O le faatauoloa e 15 tausaga a o le tagata e alu e faatau mai le tapaa e tatau ona 21.

*Faamaonia le Fuaiupu 9.*

*Faamaonia le Fuaiupu e pei ona Teuteuina.*

**FUAIUPU 10: Ua teuteuina le fuaiupu 35.**

*Faamaonia.*

**FUAIUPU 11: Ua faaofiina le fuaiupu 35A fou.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Puipuiga mai Aafiaga o le Tapaa 2018.**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa. Tulai mai lau Afioga i le Taitaifono o le Komiti.

**28 JANUARI 2019**

**Tulafono Tau Faaofi o Teuteuga o le Tulafono o Aoga 2018**  
**– iloiloga auiliili**

**Afioga Hon GATOLOAIFAANA AMATAGA ALESANA GIDLOW:**  
Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:

**“FAASAOGA:**

Ia aveese le fuainumera 2018 ma suia i le fuainumera 2019 ma faitauina ai le Igoa o le Tulafono e faapea:

**“Teuteuga o le Tulafono o Puipuiga mai Aafiaga o le Tapaa 2019.”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Teuteuga o le Tulafono o Puipuiga Mai Aafiaga o le Tapaa 2019 faatasi ma Teuteuga ma Faasaoga.*

**TULAFONO TAU FAAOFI O TEUTEUGA O LE TULAFONO O AOGA 2018- iloiloga auiliili**

**FOFOGA FETALAI:** E tusa ai ma Tulafono Tumau e ao ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea mo le iloiloga auiliili.

Tulai mai lau Afioga i le Taitaifono o le Komiti o le Vaega tau le Va Fealoai.

**Afioga Hon GATOLOAIFAANA AMATAGA ALESANA GIDLOW:**  
Lau Afioga i le Fofoga Fetalai ou te tulai atu e faatu le lafo, *Ina ia faamaonia e lenei Fono Aoao le Lipoti a le Komiti o lo o fautuaina ai, Ina ia faagasolo le Tulafono Tau Faaofi o Teuteuga o le Tulafono o Aoga 2018 faatasi ma teuteuga ma faasaoga.*

*Na faamaonia le lafo.*

**FOFOGA FETALAI:** E faasilasila atu ua faamaonia nei e le Fono Aoao le Lipoti a le Komiti i le Tulafono Tau Faaofi, ma o le a sagai atu loa mo le iloiloga auiliili.

E tusa ai ma le Tulafono Tumau e amata le iloiloga auiliili i le Fuaiupu 2.

**28 JANUARI 2019**

**Tulafono Tau Faaofi o Teuteuga o le Tulafono o Aoga 2018**  
**– iloiloa auiliili**

**FUAIUPU 2: Ua teuteuina le fuaiupu 2.**

*Faamaonia.*

**FUAIUPU 3: Ua teuteuina le fuaiupu 7.**

**FOFOGA FETALAI:** O lo o i ai le Teuteuga a le Komiti i le fuaiupu 3.  
Tulai mai le Taitaifono o le Komiti.

**Afioga Hon GATOLOAIFAANA AMATAGA ALESANA GIDLOW:**  
Lau Afioga i le Fofoga Fetalai ou te faatu le Teuteuga i le Fuaiupu 3 e faapea i  
le Lomiga Samoa:

**“TEUTEUGA:**

I lalo o le fuaiupu 7(2), ia aveese le faaupuga "le atoatoa o le malosi  
o le tino ma le mafaufau" ma suia i le faaupuga "Aafiaga tumau o le  
tino ma le mafaufau".

*Faamaonia le Teuteuga.*

*Faamaonia le Fuaiupu 3 e pei ona Teuteuina.*

**FUAIUPU 4: Ua teuteuina le fuaiupu 11.**

*Faamaonia.*

**FUAIUPU 5: Ua teuteuina le fuaiupu 23.**

*Faamaonia.*

**FUAIUPU 6: Ua suia le fuaiupu 24.**

*Faamaonia.*

**28 JANUARI 2019**

**Tulafono Tau Faaofi o Teuteuga o le Faavae (Nu.3) 2017**  
**– iloiloga auiliili**

**FUAIUPU 7: Teuteuga lautele.**

*Faamaonia.*

**FUAIUPU 8: Teuteuga faatupulaia.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Aoga 2018.**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa. Tulai mai le Taitaifono o le Komiti.

**Afioga Hon GATOLOAIFAANA AMATAGA ALESANA GIDLLOW:** Lau Afioga i le Fofoga Fatalai ou te faatu le Faasaoga i le Fuaiupu 1 ma le Igoa e faapea:

**“FAASAOGA:**

Ia aveese le fuainumera 2018 ma suia i le fuainumera 2019 ma fatauina ai le Igoa o le Tulafono e faapea:

**"Teuteuga o le Tulafono o Aoga 2019."**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Teuteuga o le Tulafono o Aoga 2019 faatasi ma Teuteuga ma Faasaoga.*

**TULAFONO TAU FAAOFI O TEUTEUGA O LE FAAVAE (NU.3)**  
**2017 - iloiloga auiliili**

**FOFOGA FETALAI:** E tusa ai ma Tulafono Tumau e ao ona faamaonia e le Fono Aoao le Lipoti a le Komiti i le Tulafono Tau Faaofi ona avanoa ai lea mo le iloiloga auiliili.

**28 JANUARI 2019**

**Tulafono Tau Faaofi o Teuteuga o le Faavae (Nu.3) 2017**  
**– iloiloga auiliili**

Tulai mai le Afioga i le Taitaifono o le Komiti o Tulafono Tumau, Mataupu tau Faiga Palota, Talosaga ma Tofiga Faale-Faavae.

**Tofa NAFOITOA TALAIMANU KETI:** E faatalofa atu i lau Afioga i le Fofoga Fetalai. E momoli atu le faamalo i le faafoeina o le Fonotaga i lenei itula afiafi faapea foi lena itu o le Malo.

Lau Afioga i le Fofoga Fetalai ou te faatu le lafo, *Ina ia faamaonia e le Fono Aoao le Lipoti a le Komiti o lo o fautuaina ai, Ina ia faagasolo le Tulafono Tau Faaofi o Teuteuga o le Faavae (Nu.3) 2017 faatasi ma Faasaoga.*

*Na faamaonia le lafo.*

**FOFOGA FETALAI:** O lea ua faamaonia e le Fono Aoao le Lipoti a le Komiti i le Tulafono Tau Faaofi, o lea o le a sagai atu loa mo le iloiloga auiliili.

E tusa ai ma Tulafono Tumau e amata le iloiloga auiliili i le Fuaiupu 2.

**FUAIUPU 2: Ua teuteuina le Mataupu 19.**

*Faamaonia.*

**FUAIUPU 1 MA LE IGOA:**

**FUAIUPU 1:** *Igoa puupuu ma le amataga.*

**IGOA:** *Teuteuga o le Faavae (Nu.3) 2017.*

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa. Tulai mai le Taitaifono o le Komiti.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:

**“FAASAOGA:**

Ia aveese le fuainumera (3) ma le fuainumera 2017 ma suia i le fuainumera 2019 ma faitauina ai le Igoa o le Tulafono e faapea:

**“TEUTEUGA O LE FAAVAE (Nu.3) 2019.”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

*Na faagasolo le Tulafono Tau Faaofi o Teuteuga o le Faavae (Nu.3) 2019  
faatasi ma le Faasaoga.*

**TULAFONO TAU FAAOFI O FAIGA PALOTA 2018**  
**– iloiloga auiliili**

**FOFOGA FETALAI:** E tusa ai ma Tulafono Tumau e ao ona faamaonia muamua e le Fono Aoao le lipoti a le Komiti i le Tulafono Tau Faaofi ona avanoa ai lea o le iloiloga auiliili.

Tulai mai le sui Taitaifono o le Komiti o Tulafono Tumau, Mataupu tau Faiga Palota, Talosaga ma Tofiga faale-Faavae.

**Tofa NAFOITOA TALAIMANU KETI:** Lau Afioga i le Fofoga Fetalai, ou te faatu le lafo, *Ina ia faamaonia e lenei Fono Aoao le Lipoti a le Komiti o lo o fautuaina ai – Ina ia faagasolo le Tulafono Tau Faaofi o Faiga Palota 2018 faatasi ma Teuteuga ma Faasaoga.*

*Faaluaina e le sui usufono mo Falealili i Sasae ma le sui usufono mo le Vaimauga i Sasae*

*Na faamaonia le lafo.*

**FOFOGA FETALAI:** O lea ua faamaonia e le Fono aoao le lipoti a le Komiti i le Tulafono Tau Faaofi, o lea o le a sagai atu loa mo le iloiloga auiliili.

E tusa ai ma Tulafono Tumau 102, e amata le iloiloga auiliili i le Fuaiupu 2.

**FUAIUPU 2: Faamatalaina o upu.**

*Faamaonia.*

**FUAIUPU 3: Ia tausia e le Komesina le tusi resitala o vaega faaupufai.**

*Faamaonia.*

**FUAIUPU 4: Talosaga mo le faamauina.**

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**FUAIUPU 5: Faamauina.**

*Faamaonia.*

**FUAIUPU 6: Faaleaogaina o le faamauina.**

*Faamaonia.*

**FUAIUPU 7: Suesueina o le tusi resitala.**

*Faamaonia.*

**FUAIUPU 8: Agavaa e tauva ai se sui tauva i faiga palota.**

**FOFOGA FETALAI :** O lo o i ai teuteuga a le komiti i le fuaiupu 8(2)(d)(ii) e pei ona faaalia i le pepa faaopoopo o Galuega

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Teuteuga i le fuaiupu 8(2)(d)(ii) e faapea:

**“TEUTEUGA:**

Ia suaia le numera 01380 i le numera 01390

**FOFOGA FETALAI:** Malie le sui usufono ona ua tautuaupega lou tulai mai, ae tuu atu pea le avanoa, e ui lava ona o lea uaí .

**Afioga Hon FAUMUINA TIATIA FAAOLATANE LIUGA:** Sa ou tulai atu lava ae e te le i silasila mai. E leai na o tulaga i agavaa, o lea e tuu ai e toe luøi e le sui tauva ia agavaa i le Faamasinoga. E pau lava lena o le vaega lea, ona alu lea o au e totogi le tupe, ua ou faia le galuega e tatau ona fai e le Komesina. Ae tatau ona faamaea lelei galuega, i le tulaga o le tolu tausaga, o le monotaga, e tolu tausaga e nofo ai i Samoa, ma isi agavaa e talafeagai ai. E tai pei o monotaga ma isi vaega, ao lea e alu le sui tauva e ave i le Faamasinoga, ona o le manaoga o le Tulafono. Ma lou faaaloalo lava lau Afioga.

**FOFOGA FETALAI:** Malo faafetai, atonu o lea ua faafofoga mai le Malo e tusa ai o le fautuaga. O lenei foi fautuaga e le o se fautuaga fou nei, o le fautuaga ua leva ona tulai mai.

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

Sa o tatou asa mai lava i le ogasami e pei ona i ai, ae ui i lea, e aoga le fautuaga e faatupu manatu.

Ae ou te faamalulu atu ai i le sui usufono mo Palauli le Falefa, ona ua televave foi le faagasologa o le tatou galuega. Faamagalo le nofoa.

*Faamaonia le Teuteuga.*

*Faamaonia le Fuaiupu 8 e pei ona teuteuina.*

**FUAIUPU 9: Finauina o le avea ai ma sui tauva.**

*Faamaonia.*

**FUAIUPU 10: O mea sese i lisi o faasologa o igoa o le a le avea ma mafuaaga o le tauleagavaaina.**

*Faamaonia.*

**FUAIUPU 11: Manaoga mo tagata faigaluega a le Malo ua faamoemoe e avea ma sui tauva.**

*Faamaonia.*

**FUAIUPU 12: Manaoga mo isi tagata Ofisa o le Malo ua faamoemoe e avea ma sui tauva.**

*Faamaonia.*

**FUAIUPU 13: E faamalosia le faamauina o igoa o tagata palota.**

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
– iloiloga auiliili

**FUAIUPU 14:** Agavaa e mafai ai ona famauina e avea ma tagata palota

*Faamaonia.*

**FUAIUPU 15:** Ia faamauina le igoa i totonu o le itumalo e tasi o nofomau ai.

*Faamaonia.*

**FUAIUPU 16:** Tuusaunoaga i le Tulafono faafoe o le faamauina i le nofoaga o nofomau ai.

*Faamaonia.*

**FUAIUPU 17:** Tauleagavaaina mai le faamauina.

*Faamaonia.*

**FUAIUPU 18:** Tulaga agavaa e faaliliuina atu ai.

*Faamaonia.*

**FUAIUPU 19:** E iloiloina e le Komesina Talosaga mo le faamauina.

*Faamaonia.*

**FUAIUPU 20:** O le sainia ma le molimauina o talosaga mo le faamauina e avea ai ma tagata palota.

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
– iloiloga auiliili

**FUAIUPU 21: Fuafuaina o le nofoaga e nofomau ai.**

*Faamaonia.*

**FUAIUPU 22: Faamatalaina ma le faaaogaina o lisi o le faasologa o igoa.**

*Faamaonia.*

**FUAIUPU 23: Tuufaatasiga ma le tausiga o lisi o faasologa o igoa mo  
Faiga Palota.**

*Faamaonia.*

**FUAIUPU 24: Aveesea o igoa mai lisi o le faasologa o igoa.**

*Faamaonia.*

**FUAIUPU 25: Lisi faaeletoroni o le faasologa o igoa.**

*Faamaonia.*

**FUAIUPU 26: Lisi faaopoopo o faasologa o igoa.**

*Faamaonia.*

**FUAIUPU 27: Lisi tuufaatosi o faasologa o igoa.**

*Faamaonia.*

**FUAIUPU 28: Tetee a le tagata palota.**

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
– iloiloga auiliili

**FUAIUPU 29:** Tetee a le Komesina.

*Faamaonia.*

**FUAIUPU 30:** Fofogaina o mataupu tetee e faasino i lisi o faasologa o igoa.

*Faamaonia.*

**FUAIUPU 31:** Taimi faatapulaaina mo le fofogaina o tetee.

*Faamaonia.*

**FUAIUPU 32:** E mafai ona faaaoga lisi o ata pue o le faasologa o igoa mo iloiloga o lisi o faasologa o igoa.

*Faamaonia.*

**FUAIUPU 33:** Tapunia o lisi o faasologa o igoa.

*Faamaonia.*

**FUAIUPU 34:** O le Komesina e lolomiina lisi autu o faasologa o igoa.

*Faamaonia.*

**FUAIUPU 35:** Manaoga mo le lolomiina o lisi o faasologa o igoa.

*Faamaonia.*

28 JANUARI 2019

**Tulafono Tau Faaofi o Faiga Palota 2018**  
– iloiloga auiliili

**FUAIUPU 36:** Suesuega o lisi o faasologa o igoa.

*Faamaonia.*

**FUAIUPU 37:** Faaaogaina o ata o lisi o faasologa o igoa e tuuina atu e le Komesina.

*Faamaonia.*

**FUAIUPU 38:** Ia faavaeina ma tausia e le Komesina se lisi moenoa o le faasologa o igoa.

*Faamaonia.*

**FUAIUPU 39:** Aveesea o se igoa mai le lisi moenoa o le faasologa o igoa.

*Faamaonia.*

**FUAIUPU 40:** Lolomiina ma le teuina o lisi moenoa o faasologa o igoa.

*Faamaonia.*

**FUAIUPU 41:** Suesuega a tagata lautele.

*Faamaonia.*

**FUAIUPU 42:** Faiga faamaonia mo faatosina.

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
– iloiloga auiliili

**FUAIUPU 43:** Aso e faamuta ai faiga faatosina.

*Faamaonia.*

**FUAIUPU 44:** Soligatulafono i faiga faatosina.

*Faamaonia.*

**FUAIUPU 45:** Faasalalauga o faiga palota e tuuina atu e Le Ao O le Malo.

*Faamaonia.*

**FUAIUPU 46:** Faasilasilaga faalauaitele o le faasalalauga o faiga palota.

*Faamaonia.*

**FUAIUPU 47:** Filifilia o sui tauva.

*Faamaonia.*

**FUAIUPU 48:** Taliaina o filifiliga.

*Faamaonia.*

**FUAIUPU 49:** Toe faaui i tua o filifiliga.

*Faamaonia.*

**FUAIUPU 50:** Lomiga faasalalau o filifiliga.

*Faamaonia.*

28 JANUARI 2019

**Tulafono Tau Faaofi o Faiga Palota 2018**  
– iloiloga auiliili

**FUAIUPU 51:** Maliu a o le i tapunia filifiliga.

*Faamaonia.*

**FUAIUPU 52:** Maliu i le maea ai ona tapunia filifiliga.

*Faamaonia.*

**FUAIUPU 53:** Taualumaga pe afai e leai se filifiliga mo se Itumalo.

*Faamaonia.*

**FUAIUPU 54:** Faasilasilaga faalauaitele o fale palota.

*Faamaonia.*

**FUAIUPU 55:** O le matafaioi a le Komesina le faatotogaina o fale palota.

*Faamaonia.*

**FUAIUPU 56:** Tofaina o tagata ofisa e faatautaia se faiga palota.

*Faamaonia.*

**FUAIUPU 57:** Tofaina o tagata ofisa.

*Faamaonia.*

**FUAIUPU 58:** Pepa faatumu o pepa palota.

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
– iloiloga auiliili

**FUAIUPU 59: O le Komesina na te faaalia manino le filifiliga o se sui tauva e aunoa ma se faiga palota.**

*Faamaonia.*

**FUAIUPU 60: Palota e faia a o le i oo i le aso o faiga palota.**

*Faamaonia.*

**FUAIUPU 61: Talosaga mo le faagasologa o palota e faia a o le i oo i le aso o faiga palota.**

*Faamaonia.*

**FUAIUPU 62: O tagata e mafai ona palota.**

*Faamaonia.*

**FUAIUPU 63: E faamalosia ona palota.**

*Faamaonia.*

**FUAIUPU 64: Tagata palota faapitoa.**

*Faamaonia.*

**FUAIUPU 65: Faaavanoaina o tagata faigaluega e palota.**

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**FUAIUPU 66: Itula o faiga palota.**

**FOFOGA FETALAI:** O lo o i ai Teuteuga a le Komiti i le fuaiupu 66 e pei ona faaalia i le Pepa Faaopoopo o Galuega.  
 Tulai mai le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetralai, ou te faatu le teuteuga i le fuaiupu 66 e faapea;

**“TEUTEUGA:**

Ia faaofi le faafuaiupu (3) i le tuanai ai le faafuaiupu (2) e faapea:

“(3) Afai e le mafai ona amataina le faiga palota i se nofoaga o faiga palota po o ua tatau ona taofia le tumau, tusa lava pe ona o le mafuaaga o se faanunununu po o se tulaga vevesi matilatila, faalavelave matuia faalenatura, po o so o se isi lava mafuaaga, e ao i le Ofisa Fai Palota ona:

- (a) Tolopo le faiga o le palota i lena nofoaga o faiga palota i le isi aso e sosoo ai, ma afai e talafeagai ai, mai lea aso i le isi aso seja vagana ua mafai faatino lea faiga palota; ma
- (b) Ia vave tuuina atu loa se faasilasilaga faalauaitele o le tolopoina o faiga palota i se faiga talafeagai lelei.”

*Faamaonia le Teuteuga.*

*Faamaonia le Fuaiupu 66 e pei ona Teuteuina.*

**FUAIUPU 67: E ao ona loka le pusa palota a o faagasolo le faiga palota.**

*Faamaonia.*

**FUAIUPU 68: Tuuina atu o pepa palota.**

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
– iloiloga auiliili

**FUAIUPU 69:** Tagata palota e tauaso po o le leiloa faitau tusi.

*Faamaonia.*

**FUAIUPU 70:** Pepa palota ua faaleagaina.

*Faamaonia.*

**FUAIUPU 71:** Faiga e faatino ai palota.

*Faamaonia.*

**FUAIUPU 72:** Taualumaga pe afai ua tuuina atu faalua ni pepa palota i  
le tagata lava lea e tasi.

*Faamaonia.*

**FUAIUPU 73:** Tulaga faasaina e faaaoga i se tagata pe a faaaogaina le  
fale palota.

*Faamaonia.*

**FUAIUPU 74:** Ia le tautala atu i tagata i totonu o le fale palota.

*Faamaonia.*

**FUAIUPU 75:** O fesili e mafai ona tuuina atu i se tagata palota.

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**FUAIUPU 76: O Ofisa Taitai e faatumauina le sologa lelei o le faiga palota.**

*Faamaonia.*

**FUAIUPU 77: Faitauga muamua o palota.**

*Faamaonia.*

**FUAIUPU 78: Faavasegaina o palota.**

*Faamaonia.*

**FUAIUPU 79: Tiute tauave o le puipuia o ni faiga sese e faia i pepa palota.**

*Faamaonia.*

**FUAIUPU 80: Faamatalaina o upu “tagata faatagaina.”**

*Faamaonia.*

**FUAIUPU 81: Faatulagaga mo le iloiloga o lisi o faasologa o igoa.**

*Faamaonia.*

**FUAIUPU 82: Ia faatusatusa ata o lisi o le faasologa o igoa ua maea ona faailoga.**

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
– iloiloga auiliili

**FUAIUPU 83:** Taualumaga mo le faitauga o palota.

*Faamaonia.*

**FUAIUPU 84:** Faaaliga manino o taunuuga o le palota.

*Faamaonia.*

**FUAIUPU 85:** Talosaga i le Faamasinoga Faaitumalo mo le toe faienza.

*Faamaonia.*

**FUAIUPU 86:** Ia faao atu e le Komesina pepa palota ma pepa faamaonia o le aofaiga atoa o palota.

*Faamaonia.*

**FUAIUPU 87:** Tuueseina atu o pepa palota ma isi tusi talafeagai ma pepa.

*Faamaonia.*

**FUAIUPU 88:** Tuueseina atu o ta'ui o pepa palota.

*Faamaonia.*

**FUAIUPU 89:** O le aiaina ma le faatosina o tagata palota.

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
– iloiloga auiliili

**FUAIUPU 90:** Lomia faasalalau o mataupu tau faifai a o faia faiga palota.

*Faamaonia.*

**FUAIUPU 91:** Titina ese po o le suia o le faailoga aloaia o i luga o pepa palota

*Faamaonia.*

**FUAIUPU 92:** Soligatulafono e tusa ai ma pepa palota ma pusa palota.

*Faamaonia.*

**FUAIUPU 93:** Solia o uiga faalilolilo.

*Faamaonia.*

**FUAIUPU 94:** Faiga tauvalea.

*Faamaonia.*

**FUAIUPU 95:** Faafoliga i se isi tagata.

*Faamaonia.*

**FUAIUPU 96:** Faiga faaoloataua.

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**FUAIUPU 97: Faiga sese e faatosina ai.**

*Faamaonia.*

**FUAIUPU 98: Faatosina i auala e le tusa ai.**

*Faamaonia.*

**FUAIUPU 99: O le sailia ina ia maua ni palota mai tagata e le agavaa e palota.**

*Faamaonia.*

**FUAIUPU 100: Gaoioiga e le tusa ai ma le Tulafono a o faagaso lo le vaitaimi o faiga palota.**

*Faamaonia.*

**FUAIUPU 101: Faatinoga o Oo ma Momoli.**

**FOFOGA FETALAI:** O lo o i ai le Teuteuga a le Komiti i le fuaiupu 101 e pei ona faaalua i le Pepa Faaopoopo o Galuega. Tapa lau Afioga i le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te tulai e faatu le Teuteuga i le fuaiupu 101 e faapea:

**“TEUTEUGA:**

*Ia suia le taimi faatapulaaina mo le faatinoina o Oo ma Momoli mai i le 12 masina o lo o i ai nei i le 2 tausaga (24 masina).*

**Teuteuga o le Tulafono Tau Faaofi o Faiga Palota 2018.”**

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auliiili**

**FOFOGA FETALAI:** Ia ona ua fai foi sin a sela o le Nofoa, e i ai le manatu o le a toe foi mai e faamanino le vailiu lea e mulimuli.

*Na faataatiaese Taualumaga a le Fono Aoao Faitulafono i le itula e 8:43 i le afiafi ma toe faaauau i le itula e 9:34 i le afiafi.*

*Na toe faaauau Tulafono Tau Faaofi o Faiga Palota 2018 i lona iloiloga auliiili.*

**FOFOGA FETALAI:** Malo le onosai, maua le faasiligamalosi e faaauau ai le tatou galuega.

*Faamaonia le Teuteuga.*

*Faamaonia le Fuaiupu 101 e pei ona Teuteuina.*

**FUAIUPU 102: Tautua faaauau.**

*Faamaonia.*

**FUAIUPU 103: Faasalaga mo faiga tauvalea po o faiga e le tusaai ma le Tulafono.**

*Faamaonia.*

**FUAIUPU 104: O tagata ua molia i faiga tauvalea e mafai ona faamaonia ua nofosala i faiga e le tusa ai ma le Tulafono.**

*Faamaonia.*

**FUAIUPU 105: Faiga faatapulaaina mo moliaga.**

*Faamaonia.*

*28 JANUARI 2019*

**Tulafono Tau Faaofi o Faiga Palota 2018**  
– iloiloga auiliili

**FUAIUPU 106:** O pepa e aveese mai afifi e avea ma faamatalaga molimau i nisi tagi.

*Faamaonia.*

**FUAIUPU 107:** Auala e fesiliglia ai faiga palota.

*Faamaonia.*

**FUAIUPU 108:** O tagata e mafai ona tuuina atu talosaga tau faiga palota.

*Faamaonia.*

**FUAIUPU 109:** Taimi faatapulaaina mo le tuuina atu o talosaga o faiga palota.

*Faamaonia.*

**FUAIUPU 110:** Puipuigamalu mo tuge totogi.

*Faamaonia.*

**FUAIUPU 111:** Tautinoga faaletulafono a le itu tetee.

*Faamaonia.*

**FUAIUPU 112:** O le sili atu i le tasi le talosaga e faasino i le faiga palota lava lea e tasi.

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**FUAIUPU 113: Tulafono Faafoe a le Faamasinoga.**

*Faamaonia.*

**FUAIUPU 114: Faamasinoga.**

*Faamaonia.*

**FUAIUPU 115: Suesueina o talosaga o faiga palota.**

**FOFOGA FETALAI:** Tulai mai le sui usufono o Faleata i Sisifo.

**Tofa LEALAILEPULE RIMONI AIAFI:** Faafetai lava i lau Afioga mo le avanoa, faafetai foi mo le taumafataga na tapenaina mo le Fonotaga i le mamalu o i tatou uma. Faafetai foi i le Komiti i le tele o manatu ma finagalo na avatu, ma le taimi na tapena ai, ae leai lava ma ni suiga o aumai. Sa fesili atu foi i le Afioga i le Taitaifono, ona e tele sui usufono na saunoa i le mea lea ma manatu na avatu, i faasalaga, faasalaga foi lea, lea la ua aumai ai i i, o le mea la lea e tulituli atu aua o le mea lea e faaaoga ai ma tatou pe a maea le faiga palota.

O le mea lea e fesiligia, po o le mea lea e i ai se budget e fai ai mea nei, aua o le mea lea e sau ai tatou pe \$5, pe \$100,000 e pau lava lou tofi. O le mea la lea na fesili ma avatu le fautuaga e fai ai, po ua i ai se fuafuaga a le Komiti a tatou e i ai suiga o mea nei, e mafai ai ona taofiofia ia mea ia e fai pea e tatou taitasi o le fai o petition, ae leai ni mafuaaga tatau, ma le faaaloalo lava.

**FOFOGA FETALAI:** Malo faafetai, ia tulai mai le Taitaifono po o le Minisita.

**Afioga Hon FAAOLESA KATOPAU T AINUU (Minisita mo Faamasinoga):** Lau Afioga, o tulaga ia sa tatau ma agavaa ona momoli atu e le Komiti. O lea e i inei le lipoti a le Komiti e leai ma se mea e tasi o talanoa ai i lea vaega, ma le faaaloalo lava lau Afioga.

**FOFOGA FETALAI:** Ia, manatu o le... ia e i ai sou finagalo lau Afioga i le Taitaifono.

**Tofa NAFOITOA TALAIMANU KETI:** Tulai atu ma le agaga faaaloalo lau Afioga i le Fofoga Fetalai, e tau faamanino tulaga o le fesiligia ai e le sui usufono mamalu mai Faleata Sisifo.

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

O le tulaga na fautuaina ai le ma tuuina atu ai le fautuaga i le Minisita, ia lea sa taoto ai le faamoemoe lea e pei ona taua. Peitai la lea ua tali mai, ma e le mafai ai ona atagia ai ia le tulaga e pei ona fautuaina.

Ae i le tulaga o faasalaga ma tagi, ia sa talanoaina lava e le Komiti, manatu le Komiti o lea ua taoto lelei lava i le tulaga o lo o taoto ai le Tulafono i le taimi nei, O le agaga lea, sa tuuina atu ai le fautuaga, o lo o taoto lelei foi i le tulaga o lo o i ai ia le vaega lea o le Tulafono e 115. E pei o se tau faaataata atu lea lau Afioga i le Fofoga Fetatalai i le tulaga o le avega o le fautuaga, e tusa o le suesuega ma le iloiloga faatino. O lea lava sa manatu le Komiti, o lea e taoto lelei lava i le tulaga e pei ona i ai ma le faaaloalo.

**FOFOGA FETALAI:** Malo faafetai.

*Faamaonia le Fuaiupu 115.*

**FUAIUPU 116:** **O le faaleaogaina o le filifiliga o se sui tauva ua faamaonia le nofosala i faiga tauvalea.**

*Faamaonia.*

**FUAIUPU 117:** **O le faaleaogina o le filifiliga ona o faiga tauvalea.**

*Faamaonia.*

**FUAIUPU 118:** **Ia tausisia le amiontonu o le Faamasinoga.**

*Faamaonia.*

**FUAIUPU 119:** **Ia faaleaogaina palota mo faiga tauvalea.**

*Faamaonia.*

**FUAIUPU 120:** **E le avea ni uiga sese ma ala e lē faaleaogaina ai le palota.**

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**FOFOGA FETALAI:** Tulai mai lau Afioga i le Palemia.

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** E mafai ona faamanatu mai i sui usufono mamalu o le Palemene, se i leotele ae le leo. O lea e tau le maua atu lea e pei ua momoe isi.

**FOFOGA FETALAI:** Ia se i tautuana, lagolago mai i le galuega a le Fofoga Fetalai. Ia malo faafetai.

**Afioga Hon FAUMUINA TIATIA FAAOLATANE LIUGA:** Lau Afioga i le Fofoga Fetalai, e ala ona le ioe atu le matou pito, ona o le faalogologo atu, ona e faapea, →e le avea faiga sese, ma mea o le a le faaaogaina ai ia palotaø Ia o fea mea e fai ni mea sese, ae le soloia ai le palota, ma lou faaaloalo lava.

**FOFOGA FETALAI:** →E le avea ni uiga sese ma ala e faaleaogaina ai le palotaø E pei o le ...o le fuaiupu 121....

**Afioga Hon FAUMUINA TIATIA FAAOLATANE LIUGA:** Lau Afioga e pei o le tulaga lena o lea matou te le ioe atu ai, ona o mea sese ae o lea o le a le soloia ai ia tofi o le la itu. Aua a sese nei ia matou, ia e soloia. E pei o le uiga lena o le matou faauigaga, ae o le mea ia ou te fia ioe, ma lou faaaloalo lava.

**FOFOGA FETALAI:** Malo, lau Afioga, o lea la ua manino.

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai, i le fuaiupu lava lea, matua ou fafia lava i le faamaoni o le Taitaifono ma le latou Komiti. Ua uma ona foi mai ai i mea uma ia, o le a latou le faia ni mea sese pe a oo i latou foi faiga palota. O lea la o le faatuatuaga ua avatu i le Komiti e Taitaifono ai le Sui Fofoga Fetalai, o le mafuaaga lea na ou tulai atu ai, e tau le lagona le ioe a sui usufono. O le tatou tiute o le ioe i le leo tele ia lagona mai e le Fofoga Fetalai.

**Afioga SULAMANAIA FETAIAI TAUILIHLI TUIVASA:** Lau Afioga i le Fofoga Fetalai...

**FOFOGA FETALAI:** Ia lea la ua manino le tulaga lea, e i ai mea e faaletonu o typing error a le Ofisa o le Fono, ia ma →e le avea ni uiga sese ma ala e le faaleaogaina ai le palotaø Ia o le tulaga lena e pei ona toe faasao mai, e sese le taina o le mataupu lea.. Tautuana ma i latou o outou o lo o tapenaina ia galuega a le Fono Aoao Faitulafono.

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**FUAIUPU 121:** E mausali faaiuga a le Faamasinoga.

*Faamaonia.*

**FUAIUPU 122:** Tusi faamaonia a le Faamasinoga e uiga i faiga tauvalea po o faiga faasolitulafono.

*Faamaonia.*

**FUAIUPU 123:** Lipoti Faapitoa.

*Faamaonia.*

**FUAIUPU 124:** Sainia ma le aloaia o tusi faamaonia ma lipoti.

*Faamaonia.*

**FUAIUPU 125:** Tuuina atu o le Lipoti i le Loia Sili.

*Faamaonia.*

**FUAIUPU 126:** Tusi samania ma le suesueina o molimau.

*Faamaonia.*

**FUAIUPU 127:** Tusi faamaonia o puipuiga o tagata molimau.

*Faamaonia.*

**FUAIUPU 128:** Tupē alu i tagata molimau.

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**FUAIUPU 129:** **Tupe e totogi e tagata ua faamaonia le nofosala i faiga tauvalea po o faiga e le tusa ai ma le Tulafono.**

*Faamaonia.*

**FUAIUPU 130:** **Tau o talosaga o faiga palota.**

*Faamaonia.*

**FUAIUPU 131:** **Toe faaui i tua o talosaga.**

*Faamaonia.*

**FUAIUPU 132:** **Suia o se itu tetee fou.**

*Faamaonia.*

**FUAIUPU 133:** **Lipoti e uiga i le toe faaui i tua.**

*Faamaonia.*

**FUAIUPU 134:** **Faamutaina o talosaga.**

*Faamaonia.*

**Tofa LEALAILEPULE RIMONI AIAFI:** Lau Afioga i le Fofoga Fetala...

**FOFOGA FETALAI:** Saunoa mai le sui usufono o Faleata i Sisifo.

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**Tofa LEALALEPULE RIMONI AIAFI:** Faamalulu atu i lau Afioga ma le Komiti o le vaega tonu lea ou te fesili ai, o le vaega lea sa ma lauga ai . Ma e pei ona outou silafia, o le sui usufono lenei, e molia i faamasinoga uma pe a uma faiga palota. Ua matua lava lou malamalamama ona o le Tulafono lea na ou manumalo mai ai.

O le uiga o lau tala, o le mea lea na ou talanoa atu ai i le vaega e 116, e tasi lava le fuaiupu lena e sau ai le faaiuga. A faasala oe, e void lau seat, aveese lau... Ae a e faiatau lautele i le Tulafono i vaega uma o le Tulafono na e sau, e i ai lava ma le upu lena e aumai, o oe, o au, le or la na e ave i le avanoa o le faamasino, e pule ai ia, pe faasala tupe, pe falepuipui.

A faiatau le vaega 135 lau Afioga, o tou malamalamama i le mea lea na tupu talu ai, o tupe ia e offer i mea nei, e le i lalo o le \$50,000 e \$100,000 agai i luga le demand a tagata ia e tuu i ai ia latou sui usufono. Ae o le tupe lea e faasala ai i i, e na o le \$2,000. O lona uiga, e malamalamama ai tagata i le vaega lea, aumai le \$100,000 sala ave na o le \$2,000 aua i petitions ia e i ai pe 8 pe 9, e na o le tasi lava le petition na faaauau na o lau petition. Ae o petitions uma lea na fai, lena e tou te silafia na totogi tupe ma tele i tua ma isi na withdraw lava latou ona o le faafefe i mea nei. Ae o le mea la sa tatau ona tilotilo i faasalaga lea o le mea lea, e tatau la ona matua tuu i luga i le \$100 penalties po o luga atu ina ia matuai taofi ai le mea sese lea, lea e fai pe a uma palota taitasi, ma ou te talitonu lava e toe tupu foi i le isi faiga palota le mea nei. Aua o le tele o tagata, e ala la ona o e sue, e le sue ona o le manao e faiaina le sui usufono, ae sue ona o le manao ina ia maua mai se tupe, e totogi atu ma taofi ai le sui usufono, o le mea taua lena sa tatau ona faamamafa ai le silasila a lau Afioga i le Sui Fofoga Fetalai, ma le faaaloalo lava lau Afioga.

**FOFOGA FETALAI:** Malo, faafetai. Ia, tulai mai le Minisita.

**Afioga Hon FAAOLESA KATOPAU T. AINUU:** Lau Afioga, ou te talosaga atu ia aveeseia ia saunoaga ma le faamaumauga a le Maota, o lea e faapea mai le sui usufono, -sa togi tupeø E leai se tulaga na oo i ai, faapea na togi tupe ona faatoa malie lea o le isi itu e aumai i tua ia le latou talosaga, ma le faaaloalo lava.

O le mataupu foi lea ua toe laga, sa faapena foi ona i ai le avanoa o le sui usufono, e momoli ai i le Komiti. Ia ae e le i i ai foi se faaaliga faapea a le Komiti, ma le faaaloalo lava.

**FOFOGA FETALAI:** Ia malo.

**Tofa LEALALEPULE RIMONI AIAFI:** O la e molimau ia le Taitaifono o le Komiti pe faalua ea ona ou oo atu i ai. Ia ma le isi mea, e le mafai ona ou finauina mea ia aua e mafai ona ou aumaia ia faamaoniga o mea nei, ma lou faaaloalo lava.

**FOFOGA FETALAI:** Malo, faafetai.

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

*Na faamaonia le Fuaiupu 134.*

**FUAIUPU 135:** O le soligatulafono le totogi o tuge e taofia ai se talosaga o faiga palota.

*Faamaonia.*

**FUAIUPU 136:** Faaooina atu o faasilasilaga.

*Faamaonia.*

**FUAIUPU 137:** E tuusaunoa le Komesina mai totogifuapauina o le Faamasinoga.

*Faamaonia.*

**FUAIUPU 138:** Aloaia faaletulafono o tulaga faaletonu.

*Faamaonia.*

**FUAIUPU 139:** Faavaeina ma le tausia o le Lisi o Tagata ua Faamaonia i Faiga Tauvalea.

*Faamaonia.*

**FUAIUPU 140:** Tulaga faa-sui i totonu o le Fono Aoao Faitulafono.

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
– iloiloga auiliili

**FUAIUPU 141:** Avanoa ai o se nofoa o le Fono Aoao Faitulafono.

*Faamaonia.*

**FUAIUPU 142:** Molia i le avanoa ai o le nofoa.

*Faamaonia.*

**FUAIUPU 143:** Faamaonia o le avanoa ai o le tofi.

*Faamaonia.*

**FUAIUPU 144:** Faasilasilaga o le avanoa ai o le nofoa ona o taunuuga o se taualumaga a le faamasinoga.

*Faamaonia.*

**FUAIUPU 145:** O se soligatulafono a se Sui Usufono le seei i lona nofoa ae ua avanoa.

*Faamaonia.*

**FUAIUPU 146:** Faasilasilaga o le maliu o se Sui Usufono.

*Faamaonia.*

**FUAIUPU 147:** E taofia i talosaga o faiga palota le tuuina atu o le faasalalauga o faiga palota.

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**FUAIUPU 148:** O le Fofoga Fetalai o le Fono Aoao Faitulafonona te tuuina atu le poloaiga mo le Faasalalauga faiga palota e faatumuina se avanoa.

*Faamaonia.*

**FUAIUPU 149:** Faasalalauga o palota laiti e tuuina atu e le Komesina.

*Faamaonia.*

**FUAIUPU 150:** O lisi o faasologa o igoa e faaaoga i faiga palota laiti pe afai ua faailoa manino mai le le aloaia o le faiga palota e le Faamasinoga sili.

*Faamaonia.*

**FUAIUPU 151:** Tapunia o lisi o le faasologa o igoa.

*Faamaonia.*

**FUAIUPU 152:** Aiaiga talafeagai e faaaoga i faiga palota laiti.

*Faamaonia.*

**FUAIUPU 153:** Tulafono Faatonutonu.

*Faamaonia.*

**FUAIUPU 154:** Teuteuga faatupulaia i le Tulafono o Fanua ma Suafa 1981.

*Faamaonia.*

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**FUAIUPU 155:** Soloia.

**Susuga Hon LAAULI POLATAIVAO LEUATEA:** Lau Afioga i le Fofoga Fetalaií

**FOFOGA FETALAI:** Se i tulai mai le sui usufono mo Gagafomauga Nu 3.

**Susuga Hon LAAULI POLATAIVAO LEUATEA (Gagafomauga Nu.3):** Faafetai atu mo le avanoa o lenei itumalo. Sa olo pea le fua ma faalogologo i taualumaga o lenei Tulafono taua i lenei afiafi. Ae ua tatou taunu i le vaega 155 i le vaega o le Soloia lea o le Tulafono 1963. Ma o le talosaga lau afioga i le Fofoga Fetalai, e tuusao lava i le Minisita. Malie lau Afioga i le Taitaifono ma le Minisita, ua ou matau ma le faanoanoa tele, ona e leai leai ma se Teuteuga e tasi na atoatoa atu i ai le Komiti o talia e lau Afioga i le Minisita. O lea foi na o matou faaleo lo matou manatu mafatia ma le lagona leaga e tele le aafiaga o matou o Savaii. E le faigofie o la e faafogafoga mai le motu, ao lea e matau i le afiafi lenei, o lea o le a soloia le Tulafono. E leai se mea e tasi o lagona na avatu, toeitiiti 4 masina o fono le Komiti. Ao lea e matau i le Tulafono i le po lenei, e te le o amanaia sa matou tuualalo. O fea o lafoai i ai o matou manatu ma lagona? O fea o lafoai i ai manatu o le motu na o mai, na sii mai le fala siigata o Salafai atoa. E le faigofie le mea lea, o le aveese o le sui usufono e tasi o Savaii ae faaopoopo le 4 i Apia. E le faigofie le mea lea lau Afioga i le Minisita.

**Susuga Hon TUILAEPA AUELUA FATIALOFA LUPESOLIAI LOLOFIELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai.

**FOFOGA FETALAI:** Malie le sui usufono o lea ua tulai mai le Palemia.

**Susuga Hon TUILAEPA AUELUA FATIALOFA LUPESOLIAI LOLOFIELE NEIOTI AIONO GALUMALEMANA Dr. SAILELE MALIELEGAOI:** I le tulaga e i ai a sau lava le lipoti ma fai i ai le faaiuga a le Kapaneta ma aumai i totonu o le Palemene o le Tulafono lena. A faapefea nei ona toe saq̄i ua i lumamea le Tulafono. Lau Afioga le Fofoga Fetalai, o uiga lava ia o tatou mataupu. Ao tulai mai foi le sui usufono i le Taitaifono o le Komiti nei, e tele a mea sa faapena foi ona tutupu. Ao le mea lava e agai i ai la tatou Fonotaga nei i Tulafono e faataoto i i, o mea uma lava ia o lea tatou te agai i ai e fai. E le fou.

**FOFOGA FETALAI:** Atonu ua malie afenoa leí ..

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**Susuga Hon LAAULI POLATAIVAO LEUATEA:** Lau Afioaga i le Fofoga Fetalai, e tulai atu pea ma le ava ma le faaalaloalo. E le faigofie le mea lenei i o matou manatu ma lagona. Ta le lava ta ma ta mou i lenei Paeaiga na matou o mai o atoa matou, o lea o le a matou foi atu i le motu ua le atoa sui usufono o Savaii. O le ala lea o le tagitagi atu lau Afioaga, aua o lea e matau ua leai lava ma se mea o aogaí fautuaga na avatu.

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** O lea ou te matau atu i Teuteuga nei e faagasofo nei, o faagasofo ia o teuteuga tetele ia o teuteuga o faiga palota. Ua luasefulu tausaga talu ona faagasofo ia teuteuga nei. O le teuteuga muamua na fai i totolu i inei, teuteu ai ma lo tatou Faavae, ona tatala lea o la tatou palota. Ua le na o matai ae ua tatala i tua ina ia avanoa ia faifeau, faletua ma tausi ma i latou ua luasefulu tasi o taulelea o teine. Ona uma lea o le teuteuga lena ina ia o gatasi ai Samoa ma le lagolagi atoa o lo o faaupu i le faaupuga faaperetania o le Universal Suffrage, e le gata i Samoa ao le lagolagi atoa, e tau fai palota ai alii ma tamaitai i le 21 tausaga agai i luga.

O le Teuteuga lona 2, o le suia o fuainumera o le Kapaneta mai le 9 na i ai mai le 1962 suia i le 1991. I le 13 lea e i ai nei na mafua a. O lea foi sa saofai ai ma le sui usufono o saunoa nei i totolu o le Kapaneta.

O le suiga lona 3, e le i faataunuina, o le suiga lea sa luga lalo ai le atunu atoa ma alu le Pelepesite, pe tatau ona 2 ni Maota o le Palemene lenei, ona sa i ai le manatu e tatau ona lua. O le Maota Maualuga e i ai Tama a aiga, ma le Maota Maualalo e o mai i ai tatou. Ona ave lea faa referendum, sau le tali a le atunu, e leai ua lava le tasi. O lea la e tumau ai pea le tasi, e na o le Maota lenei.

O le suiga lona 4, o le suiga lea o le tatou nofoaiga mai le 3 i le lima tausaga, o le mafuaaga na ala ai ona fai le Teuteuga lea, ona e le lava le taimi e faatino ai a tatou galuega, na o nai teuteuga faalumafale. Ae leai se agai atu ina ia faatino i le Ioloto ia le atinae tetele mo Samoa, aua e fananau mai i le 4 tausaga ae 4 ua le aoga ua uma ona fai ia faiga palota. E agai a la faigamalo i le tai 3 tausaga, i le fai o nai tamai mea faatalapelo, e fua mai i le lua tausaga ae le agai i le fai o atinae tetele. O lea la ua fofo i i, ina ua teuteu e le Faigamalo a le HRPP ia le umi, o Paeaiga mai le tolu i le lima tausaga.

O le Teuteuga lona 5, ua toe faatulaga itumalo e faatutusa, ae soloia ia mea o itumalo tetele, e lua a latou sui faipule ma itumalo laiti e tasi o latou sui usufono. Ona a lea? o lea na suia ai, e tasi lava le itumalo tasi le sui faipule.

Ma le teuteuga lona 6, ua tatau loa ona tatou sosolo loa i le tulaga e tasi le tagata tasi le palota, e le toe lua ni palota a se sui palota. E pei o le mea lea na fai i itumalo tetele, ua tele ina vevesi ai le Palemene lenei. Aemaise lava i le tulaga lea o le o o sui usufono e galulue faatasi ae uma ifo ua toe fetuiai.

Ma le suiga faaui lenei na tagofia ai loa le mataupu lenei, lau Afioaga i le Fofoga Fetalai. O le mataupu na amata mai lava i le 1962, o lagalaga mai e itumalo, e toe faaopoopo se sui usufono toe faaopoopo se sui usufono e le lava. Aua e tupu pea le faitau aofai o tagata.

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

O lea la ua laa loa le Malo, e fofo le mataupu lenei i le fofo tumau. O le a le fofo tumau? E teuteu loa tuaoi palota, e le aafia lava ia tuaoi faaleaganuu, e tuu mai lava tuaoi faaleaganuu. Ao tuaoi faapalota, e fetuutuunai, ina ia maua ai le paleni o fuainumera o tagata palota. E le taitai fetaui le itumalo e 200 tagata ae sau ai le sui usufono e toatasi ma le itumalo e 5000 ae na o le tasi lo latou sui usufono. E tatau lava ona fetuutuunai fuainumera.

O le manatu faapea o Pule ma Tumua, o lea lava na fofo mai lava i le amataga. E oo lava ia Lufilufi ma Leulumoega na taitasi o latou sui usufono. Ma tietie atu ai lava ma isi nuu.

Lau Afioga i le Fofoga fetalai, e le o le tele o le leo, ae tilotilo i le loloto o mea o mea o lo o fuafua. O le fofo lea ua faataoto e aofia ai Teuteuga tetele nei a le Faigamalo lenei, ina ia paleni le tulaga o palota. E le aafia a tatou tu ma agaifanua, e na o fuainumera lava lea e taumafai, e tatau ona i ai se paleni. Lau Afioga i le Fofoga Fatalai, o lau tu atu lena i le sui usufono, ua fai si leoleoa o le leo, ae faigofie lava le mataupu. Afai ae aumai lou finagalo i le Komiti, aumai e le Minisita i le Kapaneta, alu atu le faaiuga o le faaiuga lava lena lau afioga. Ma o se mataupu ua leva foi ona faatalanoaina e le vaega lenei faaupufai. Lau Afioga i le Fofoga Fatalai, o le toe faamalamalamaga lena.

**FOFOGA FETALAI:** Malo faafetai..E tau fesoasoani atuí

**Susuga Hon LAAULI POLATAIVAO LEUATEA:** Lau Afioga i le Fofoga Fatalai, e le sii se ta, e leai foi se agaga e faatau matatao i le finagalo o le Malo, leai. O le matou oloolo pito vao lava lau afioga. A faavasega i le faavasega faigofie, ua aveese le sui usufono e toatasi o Savaii. O lea o le a faasolo le fologa o le vaa.

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fatalai, e na o na aveese lava ae o la e tumau. E le o tatou ni vale. Aua le faavalea le atunu o la e faafogafoga mai. O Leauvaa lea ua i i inei, ao tagata Savaii lava lea e i ai, ae le i teuteua a tatou Tulafono. E le o ni vale ia na faataotoa le Tulafono, e tele le galuega sa fai.

**FOFOGA FETALAI:** Malo faafetai. Faafetai o lea ua manino. Se i ou fesoasoani atu i le tulaga o le mataupu lea, se ia oo atu i le tulaga e taofi ai le Tulafono, o lea tatou te auiliilia le tulaga o le Tulafono o Faigapalota. E le o talanoaina ai le mea lea. Se i oo atu i le mea lea ona tuu atu lea o le avanoa. Malie Faasootauloaí

**Tofa OLO FITI AFOA VAAI:** Faafetai i le Malo o lea eí

**Tofa Hon FAASOOTAULOA PATI TAULAPAPA:** E talosaga mai ma faamaualalo maií

**28 JANUARI 2019**

**Tulafono Tau Faaofi o Faiga Palota 2018**  
**– iloiloga auiliili**

**FOFOGA FETALAI:** Ona o le mataupu lea ua laga maií Malie le sui usufono o lea ua ou fesoasoani atu ae fesoasoani mai i le galuega. A oo atu i le Tulafono lea e tagofia ai le mataupu lea ona tuu atu lea o le avanoa. O lea tatou te i le auiliiliga o le Tulafono o le faiga palota e le i oo i le tulaga lea faamolemole. Ae faafetai o lea ua vave saunoa faamalamalama le Malo, o le uiga lava lea o le manatu ina ia vave ona to manu i fale e pei o le upu a le aumatutua.

*Faamaonia le Fuaiupu 155.*

**FUAIUPU 156: Aiaiga Tau Soloaiga ma aiaiga faasaoina.**

**FOFOGA FETALAI:** O lo o i ai le Teuteuga a le Komiti i le fuaiupu 156 e pei ona faaalia i le Pepa Faaopoopo o Galuega.

Tapa le Taitaifono o le Komiti o Tulafono Tumau

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Teuteuga i le fuaiupu 156 e faapea:

**“TEUTEUGA:**

Ia faaofi le parakalafa (c) fou ua faatulaga atu i lalo ma ia sua parakalafa (c) ma le (d) o i ai nei e avea ma parakalafa (d) ma le (e):

“(c) E tuusaunoa se sui usufono, ma le faamoemoe o le fuaiupu 8(1)(c), mai manaoga i lalo o lena fuaiupu, pe afai o le sui usufono, i le amata faamamaluina o lenei Tulafono, o lo o avea ma sui o se itumalo palota lea o le a vaevaeina po o e fou ona faavaeina, e afua ai i se tulafono o e faatatau i itumalo palota”.

*Faamaonia le Teuteuga.*

*Faamaonia le Fuaiupu 156 e pei ona Teuteuina.*

**FUAIUPU 1 MA LE ICOA**

**FUAIUPU 1:** Igoa puupuu ma le amataga  
**IGOA:** Tulafono o Faiga Palota 2018

**FOFOGA FETALAI:** O lo o i ai le faasaoga i le fuaiupu 1 ma le Igoa e pei ona faaalia i le Pepa Faaopoopo o Galuega.

Tulai mai lau Afioga i le Taitaifono o le Komiti.

**28 JANUARI 2019**

**Tulafono Tau Faaofi o le Komisi o Faiga Palota 2018**  
**– iloiloga auliiili**

**Tofa NAFOITOA TALAIMANU KETI:** Lau Afioga i le Fofoga Fetalai, ou te faatu le Faasaoga i le Fuaiupu 1 ma le Igoa e faapea;

**“FAASAOGA:**

Ia aveese le fuainumera 2018 ma suia i le fuainumera 2019 ma faitauina ai le Igoa o le Tulafono e faapea:

**TULAFONO O FAIGA PALOTA 2019”**

*Faamaonia le Faasaoga.*

*Faamaonia le Fuaiupu Ima le Igoa e pei ona Faasaoina*

*Na faagasolo le Tulafono Tau Faaofi o Faiga Palota 2018 faatasi ma Teuteuga ma le Faasaoga.*

**TULAFONO TAU FAAOFI O LE KOMISI O FAIGA PALOTA 2018**  
**– iloiloga auliiili**

**FOFOGA FETALAI:** E tusa ai ma le Tulafono Tumau e tatau ona faamaonia muamua e le Fono Aoao le lipoti a le Komiti ona avanoa ai lea o le Tulafono Tau Faaofi mo le iloiloga auliiili

Tulai mai le Taitafono o le Komiti o Tulafono Tumau, Mataupu tau Faiga Palota, Talosaga ma Tofiga faale-Faavae.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le lafo, *Ina ia faamaonia e le Fono Aoao le lipoti a le Komiti o lo o fautuaina ai ina ia faagasolo le Tulafono Tau Faaofi faatasi ma Teuteuga ma Faasaoga.*

**FUAIUPU 2: Faamatalaina o uiga o upu.**

*Faamaonia.*

**FUAIUPU 3: Faavaeina.**

*Faamaonia.*

**28 JANUARI 2019**

**Tulafono Tau Faaofi o le Komisi o Faiga Palota 2018**  
**– iloiloga auiliili**

**FUAIUPU 4: Galuega tauave.**

*Faamaonia.*

**FUAIUPU 5: Tulaga tutoatasi.**

*Faamaonia.*

**FUAIUPU 6: Lipoti e uiga i faiga palota aoao.**

*Faamaonia.*

**FUAIUPU 7: Faavaeina ma le tofaina.**

*Faamaonia.*

**FUAIUPU 8: Tuutuuga o le tofi.**

**FOFOGA FETALAI:** O lo o i ai Teuteuga a le Komiti i le fuaiupu 8 e pei ona faaalia i le Pepa Faaopoopo o Galuega.

Tulai mai le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Teuteuga i le fuaiupu 8 e faapea:

**“TEUTEUGA:**

Ia soloia le numera ०३० ma suia i le numera ०५० ma faitauina ai le fuaiupu 8(a) e faapea:

**8(a) e umiaina le tofi mo le lima (5) tausaga ma i luga o isi tuutuuga ma aiaiga ua faamaonia e le Kapaneta;”**

*Faamaonia le Teuteuga.*

*Faamaonia le Fuaiupu 8 e pei ona Teuteuina.*

**28 JANUARI 2019**

**Tulafono Tau Faaofi o le Komisi o Faiga Palota 2018**  
– iloiloga auiliili

**FUAIUPU 9: Faamavaega, faamutaina ma le avanoa o le tofi.**

*Faamaonia.*

**FUAIUPU 10: Tautinoga o aia.**

*Faamaonia.*

**FUAIUPU 11: Sui Komesina o Faiga Palota.**

*Faamaonia.*

**FUAIUPU 12: Aufaigaluega o le Komisi.**

*Faamaonia.*

**FUAIUPU 13: Faafaigaluegaina le tumau o tagata faigaluega a le Malo.**

*Faamaonia.*

**FUAIUPU 14: Taiala mo galuega.**

*Faamaonia.*

**FUAIUPU 15: Totogi.**

*Faamaonia.*

**FUAIUPU 16: Fuafuaga autasi.**

*Faamaonia.*

**28 JANUARI 2019**

**Tulafono Tau Faaofi o le Komisi o Faiga Palota 2018**  
**– iloiloga auiliili**

**FUAIUPU 17: Lipotia o soligatulafono.**

*Faamaonia.*

**FUAIUPU 18: Tupe.**

*Faamaonia.*

**FUAIUPU 19: Lipoti faaletausaga.**

*Faamaonia.*

**FUAIUPU 20: Komiti mo Tuaoi o Itumalo Palota.**

*Faamaonia.*

**FOFOGA FETALAI:** O lo o i ai le Teuteuga a le Komiti i le fuaiupu 20 e pei ona faaalia i le Pepa Faaopoopo o Galuega.

Ou te tapa le Taitafono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Teuteuga i le fuaiupu 20 e faapea:-

**“TEUTEUGA:**

- (i) Ia soloia le Fuaiupu 20 mai le Tulafono Tau Faaofi o le Komisi o Faiga Palota ae aiaia i totonu o le Tulafono Tau Faaofi o Itumalo Palota 2018.
- (ii) Ia toe faatulaga aiaiga i totonu o le Tulafono Tau Faaofi o Itumalo Palota 2018.
- (iii) Ia toe faatulaga aiaiga e pei ona i ai i le faasologa o fuaiupu ina ia suia le fuaiupu 21 e avea ma fuaiupu 22.ö

*Faamaonia le Teuteuga.*

*Faamaonia le Fuaiupu 20 e pei ona Teuteuina.*

**28 JANUARI 2019**

**Tulafono Tau Faaofi o le Komisi o Faiga Palota 2018**  
**– iloiloga auiliili**

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai, ou te tulai atu lava e aumai lava i se faamatalaga manino le uiga o le teuteuga lea, ona e ese lau faitauga i teuteuga ia. Se i aumai manino lava po o le a le uiga tonu o teuteuga ia.

**Tofa NAFOITOA TALAIMANU KETI:** Lau Afioga i le Fofoga Fetalai, i le iloiloga a le Komiti i lenei lava fuaiupu 20 a le Komisi o Faiga Palota ma fautuaina ai e le taiulu foi ma tapa ai se... ai la o lea sa latou fautuaina ai, e lelei le see mai o le vaega lea o le Tulafono e tuu i le Tulafono o Itumalo Palota, ona e pei e foliga e agai tonu i ina le vaega tonu lea o le Tulafono ae aveese mai le Tulafono lea o le Komisi o Faiga Palota. E pei o le agaga lena o lea sa ave ai le fautuaga, ma o lea ua aumai ai le tali a le Malo. Ma le faaaloalo.

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Ona o lea ou te tilotilo atu, o lea ua oo tonu lava i le vaega lea o tuaoi palota. O le mea lena o lea sa ou fia malamalamai ai, po o le tulaga lea e i ai le talosaga lea na aumai a Saleaula. O lea ou te fesili atu ai po o i tonu lea e lotea ai le talosaga a Saleaula.

**Tofa NAFOITOA TALAIMANU KETI:** Lau Afioga i le Fofoga Fetalai, ou te tautala faa-Komiti lenei ou te manatu e lelei ona taoto le talosaga a Saleaula se i tagofia le Tulafono lea o Itumalo Palota, o lea la ua ave i ai le vaega lea o le Tulafono ma talosagaina ai ina ia tuu i lalo o le Tulafono o Itumalo Palota ae aveese mai le Komisi o Faiga Palota, aua e lua Tulafono ia, o le Komisi o Faiga Palota ma le Itumalo Faa-Palota. A oo la i ai, ona faaumaina foi lea o le tulaga e pei ona i ai le talosaga faamaualalo a Saleaula pe a oo i ai le faasologa. Ia, pei o se matou lea vaivaiga. Ma lou faaaloalo.

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** O le mea lena o lea na ou tulai atu ai ina ia ou manino i i, ae o lea la ua e faamaninoa mai ia au, ona e i ai tulaga maaleale ia sa laga.

**FOFOGA FETALAI:** Malo faafetai. Atonu ua manino la le vala lea pei ona saunoa le Taitaifono ua faafesili foi le Afioga i le Palemia.

*Faamaonia le Teuteuga.*

*Faamaonia le Fuaiupu 20 e pei ona Teuteuina.*

**28 JANUARI 2019**

**Tulafono Tau Faaofi o le Komisi o Faiga Palota 2018**  
**– iloiloga auiliili**

**FUAIUPU 21: Tuusaunoaga o noataga.**

*Faamaonia.*

**FUAIUPU 22: Tulafono faatonutonu.**

*Faamaonia.*

**FUAIUPU 23: Teuteuga ma aiaiga tau soloaiga.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Tulafono o le Komisi o Faiga Palota 2018.**

**FOFOGA FETALAI:** O lo o i ai le Faasaoga a le Komiti i le fuaiupu 1 ma le Igoa.

Tulai mai le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fatalai ou te faatu le Faasaoga i le fuaiupu 1 ma le Igoa e faapea:-

**“FAASAOGA:**

Ia aveese le fuainumera 2018 ma suia i le fuainumera 2019 ma faitauina ai le Igoa o le tulafono e faapea:-

**Tulafono o le Komisi o Faiga Palota 2019.”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o le Komisi o Faiga Palota 2018 faatasi ma Teuteuga ma le Faasaoga.*

**28 JANUARI 2019**

**TULAFONO TAU FAAOFI O TEUTEUGA O LE FAAVAE (NU.2)**  
**2018 – iloiloga auiliili**

**FOFOGA FETALAI:** E tusa ai ma Tulafono Tumau, e ao ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le Tulafono Tau Faaofi mo le Iloiloga Auiliili.

Ou te tapa le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le lafo, *Ina ia faamaonia e le Fono Aoao le Lipoti a le Komiti o lo o fautuaina ai ina ia faagaso lo Tulafono Tau Faaofi o Teuteuga o le Faavae (Nu.2) 2018 faatasi ma Teuteuga ma Faasaoga.*

*Na faamaonia le lafo.*

**FUAIUPU 2: Ua teuteuina le Mataupu 72.**

**FOFOGA FETALAI:** O lo o i ai le Teuteuga a le Komiti i le fuaiupu 2. Tulai mai lau Afioga i le Taitaifono.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Teuteuga i le fuaiupu 2 e faapea:

**“TEUTEUGA:**

1. Fuaiupu 2(2) ó Ua teuteuina le Fuaiupu 2 i le faaopoopo o le upu õma le Peresetene o le Faamsinoga o Fanua ma Suafaö i le maea ai o upu õFaamasino o le Faamsinoga Siliö ma faitauina ai le Mataupu 72(2)(4) fou e faapea:

**“O le malosiaga e tofia ai, siitia le tulaga tofi ma le siitia i se tasi Vaega o so o se tagata o i ai se tofi faale-faamsinoga, e ese ai na i se Faamasino o le Faamsinoga Sili, ma le Peresetene o le Faamsinoga o Fanua ma Suafa, ma faapea ai ma le faamaloloina o so o se tagata o i ai se tofi faale-faamsinoga, e ese ai na i se faamasino o le Faamsinoga Sili ma le Peresetene o le Faamsinoga o Fanua ma Suafa, ua faapea nei ona faaee atu i le Ao o le Malo, i le faia i luga o le fautuaga a le Komisi o Galuega Tau Faamsinoga e pei ona mafai ona aiaia ai e le Tulafono.”**

2. Fuaiupu 2(3) ó ia aveese le faaupuga õso o se suiö ma suia i le faaupuga õsui e toatoluö ma faitauina ai le faafuaiupu (3) e faapea:-

**“(3) I le noatia ma le fai fuafua i le fuaiupu (2), e mafai ona taloina se fonotaga a le Komisi o Galuega Tau Faamsinoga, e sui e toatolu, vagana ai le Resitara”.**

*Faamaonia le Teuteuga.*

**28 JANUARI 2019**

**Tulafono Tau Faaofi o Teuteuga o le Faavae (Nu.1) 2018**  
**– iloiloga auliili**

*Faamaonia le Fuaiupu 2 e pei ona Teuteuina.*

**FUAIUPU 1 MA LE IGOA:**

**FUAIUPU 1:** *Igoa puupuu ma le amataga.*  
**IGOA:** *Teuteuga o le Faavae (Nu.2) 2018.*

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa e pei ona faaalia i le Pepa Faaopoopo o Galuega.  
Tulai mai le Taitaifono o le Komiti.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:-

**“FAASAOGA:**

Ia aveese le fuainumera 2018 ma suia i le fuainumera 2019 ma faitauina ai le Igoa o le Tulafono e faapea:

**Teuteuga o le Faavae (Nu.2) 2019.**

*Faamaonia le Faasaoga.*

*Faamaonia le Fuaiupu 1 ma le Igoa e pei ona faasaoina.*

*Na faagasolo le Tulafono Tau Faaofi o Teuteuga o le Faavae (Nu.2) 2018 faatasi ma le Teuteuga ma le Faasaoga.*

**TULAFONO TAU FAAOFI O TEUTEUGA O LE FAAVAE (NU.1) 2018**  
**– iloiloga auliili**

**FOFOGA FETALAI:** E tusa ai ma Tulafono Tumau e ao ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le Tulafono Tau Faaofi mo le iloiloina auliili.

Ou te tapa le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Taitaifono ou te faatu le lafo, *Ina ia faamaonia e le Fono Aoao le Lipoti a le Komiti o lo o fautuaina ai ina ia faagasolo le Tulafono Tau Faaofi o Teuteuga o le Faavae (Nu.1) 2018 faatasi ma Faasaoga.*

*Na faamaonia le lafo.*

**28 JANUARI 2019**

**Tulafono Tau Faaofi o Teuteuga o le Faavae (Nu.1) 2018**  
**– iloiloga auiliili**

**FOFOGA FETALAI:** O lea ua faamaonia e le Fono Aoao le Lipoti a le Komiti ma o lea o le a sagai atu loa mo le iloiloga auiliili.

E tusa ai ma Tulafono Tumau e amata le iloiloga auiliili i le fuaiupu 2.

**FUAIUPU 2: Ua teuteuina le Mataupu 44.**

*Faamaonia.*

**FUAIUPU 3: Ua teuteuina le Mataupu 109.**

*Faamaonia.*

**FUAIUPU 4: Aiaiga tau soloaiga.**

*Faamaonia.*

**FUAIUPU 1 MA LE IGOA:**

**FUAIUPU:** **Igoa puupuu ma le amataga.**  
**IGOA:** **Teuteuga o le Faavae (Nu.1).**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa. Ou te tapa le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afiofa i le Fofoga Fetralai, ou te faatu le Faasaoga i le Fuaiupu 1 ma le Igoa e faapea:-

**“FAASAOGA:**

Ia aveese le fuainumera 2018 ma suia i le fuainumera 2019 ma faaofi le (3) ma faaofi le (3) ma faitauina ai le Igoa o le Tulafono e faapea:

**Teuteuga o le Faavae (Nu.3) 2019.”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

**28 JANUARI 2019**

**Tulafono Tau Faaofi o Itumalo Palota 2018**  
**- iloiloga auiliili**

*Na faagasolo le Tulafono Tau Faaofi o Teuteuga o le Faavae (Nu.3) 2019  
faatasi ma le Faasaoga.*

**TULAFONO TAU FAAOFI O ITUMALO PALOTA 2018**  
**- iloiloga auiliili**

**FOFOGA FETALAI:** E tusa ai ma Tulafono Tumau e ao ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea mo le iloiloga auiliili.

Ou te tapa le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le lafo, *Ina ia faamaonia e le Fofoga Fono Aoao le Lipoti a le Komiti o lo o fautuaina ai ina ia faagasolo le Tulafono Tau Faaofi o Itumalo Palota 2018 faatasi ma Teuteuga ma Faasaoga.*

*Na faamaonia le lafo.*

**FOFOGA FETALAI:** O lea ua faamaonia e le Fono Aoao le Lipoti a le Komiti i le Tulafono Tau Faaofi ma o le a sagai atu loa mo le Iloiloga Auiliili. E tusa ai ma Tulafono Tumau e amata le iloiloga auiliili i le Fuaiupu 2.

**FUAIUPU 2: Fuafuaina o Itumalo Palota.**

**FOFOGA FETALAI:** O lo o i ai le Teuteuga a le Komiti i le fuaiupu 2. Tulai mai le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Teuteuga i le fuaiupu 2(2) e faapea:

**“TEUTEUGA:**

1. Itumalo Palota 37 ó Gagaemauga Nu.1.
  - (a)Ia faaopoopo le nuu o Safai i le Itumalo Palota 37 ó Gagaemauga Nu.1.
  - (b)Ia faamuamua le nuu o ðSaleaulaö ina ia atagia ai le faatumauina pea o le nofoa o Saleaula o se tasi o Puleono i Salafai ma fatauina ai le faasologa fou e faapea:-

**“Gagaemauga Nu.1 – Saleaula, Patamea, Samalaeulu, Mauga & Safai.**

**28 JANUARI 2019**

**Tulafono Tau Faaofi o Itumalo Palota 2018**  
**– iloiloga auiliili**

2. Itumalo Palota 38 ó Gagaemauga Nu.2.

Ia aveese le afioaga o ðSafaiö e pei ona aiaia i le faasologa o nuu o le Itumalo Palota 38 ó Gagaemauga Nu.2, ae faaopoopo i le Itumalo Palota 37 ó Gagaemauga Nu.1.

**Afioga Hon FAAOLESA KATOPAU T. AINUU:** Lau Afioga i le Fofoga Fatalai, ou te matau atu ma le totoa le teuteuga lea o le Tulafono a le Komiti ona e fou ia te au lea faaupuga o le teuteuga. E le i avatua i le Lipoti a le Komiti, e pei e foliga mai o lea faatoa folasia i lumamea. Ma ou te tautino atu, e matua teena e le Malo le Teuteuga e pei ona faatulai mai nei. Ma le agaga faaaloalo.

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fatalai o le Teuteuga lea sa ou faatalitali i ai, ua uma ona matou feiloai ma Saleaula, o le finagalo o Saleaula sa aumai ia te au, na pau lava le mea e popole ai ne i te i ua soloia le latou nofoa. O lau tali e le soloia, o lea lava e tumau le nofoa. A silasila i le faasologa o igoa, o lea e faasolo igoa o Itumalo i le tatou faasologa masani o mataitusi, e amata mai lava i le A, E, I, O, U, faasolosolo mai ai lava lea seia oo i le V. O lona uiga, o lea lava e alu i luga o mataitusi, e le o feosofai. Pei e tau matau atu, pei o le agaga lea ia Saleaula o le tulaga pule. E pei o le agaga lea ia Saleaula na o le tulaga lava lea i le itumalo palota o Gagaemauga ina ia soloia ai le faasologa o mataitusi mai le A, E, I, O, U se i oo i le V.

Ua ala ona faaaoga le faasologa lea, o le tulaga masani lava e leai se isi itumalo e sili ae i luga o le isi itumalo. O le tulaga la lena ua ou tilotilo atu nei i le faatulagaga lea e i ai, e le o se tulaga foi e faamuamua ona faapea lea ua le amanaia le itumalo o mulimuli mai. Sa ou manatu e tatau ona faaeteete le Komiti aemaise o le Taitaifono ona o lea ua aumai i lana fautuaga, o lea foi ua faasee ese mai le isi nuu lea o Safai i Saleaula, ona aafia atoa ai lava lea o le paleni. O le taumafaiga taua ia tau faatutusa itumalo i le faitau aofai o tagata. Ua tele tele le eseesega lea ua i ai, o lea la e amata atu i i, ona faasolosolo ai lava lea i le lumanai. Po o le isi 10 tausaga ona toe tilotilo foi lea i ai o lea ua taoto le toe faatulagaga i le taumafai e faatutusa itumalo.

Na pau lava lea o le faiga o lo o fai foi i atunuu uma o le lalolagi i le mea lea o le eseese o fuainumera ona e tatau lava ona i ai se paleni. Ma o le mea tonu lava lea na vevesi ai le Maota lenei mai lava i le amataga. O le taoffi ua tele le itumalo e tatau loa ona toe faaopoopo ni sui. O lea la ua soloia le mea lena e le mafai ona toe faaopoopo ai ni sui i le faatulagaga lea ua i ai nei. Na o le fesoloi lava o tuaoi palota, ae tumau lava tu ma agaifanua. O le faamaoniga o lena mea, o le itumalo lea o Safata, lea sa omai savali i inei i le Maota o atu foi ia te au ina ua amata teuteuga nei, o le fofo tumau, e oo i le faavavau. O le fofo tumau e oo i le faavavau.

**28 JANUARI 2019**

**Tulafono Tau Faaofi o Itumalo Palota 2018**  
**– iloiloga auiliili**

O le mataupu lava lea o le tupu pea o le feesesesei o taofi i fuainumera ma le taumafai o le tatou Malo ina ia faataoto se faiga mautu ina ia aua ai ne i toe lagalaga manatu i le mataupu lenei. O se fofo e tatau ona fai, ma e le mafai ona toe tuua i se isi taimi. O le taimi lenei ua tatau ona faatino ai loa suiga nei se i tatou vaavaai i ai. O le mea lea e tulai mai nei, pei o le te fefevale le faapogai o le tetee, sa tupu foi ia Safata, o lea ua pisa pisa Safata o le a malepe ai le itumalo, o le a aafia agaifanua i le suia o tuaoi palota. O le a la le mea lea ua i ai nei? E leai lava ma se mea o toe laga, o lo o sologa lelei le faataotoga o tuaoi o le itumalo, na faataoto atu lava i le faiga lea ua faatino ai nei. O le mea la lea ou te faamalulu atu, o lea ua ou talanoa atu o au o le Taitai o le Vaega lenei, i le tulaga o suiga taua ogaga faapenei, e le mafai ona ou io i le Malo i le teuteuga lea, ae toe foi lava i le faatulagaga sa avatu ai le Tulafono. O lona uiga, o le teuteuga ua aumai nei ou te teena.

**FOFOGA FETALAI:** Malo faafetai. Ia, Faasoo...

**Tofa Hon FAASOOTAULOA PATI TAULAPAPA (Gagaemauga Nu.2):** Faafetai lava i lau Afioga i le Fofoga Fetalai, o lenei foi itumalo e se a se a..

**Susuga Hon TUILAEPA AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga ina ia manino, e teena le teuteuga lea, ae toe tumau lava i le tulaga lea na avatu ai le Tulafono e faapenei:

**Teuteuga o le Tulafono:**

***Itumalo Palota 37***  
*Gagaemauga Nu.1. Mauga, Patamea, Samalaeulu, Saleaula.*

***Itumalo palota 38***  
*Gagaemauga Nu.2. Avao, Fagamalo, Lelepa, Safai, Saleia, Satoalepai, Vaipouli.*

O le tulaga lena lea na avatu ai le Tulafono, ma o le tulaga lena o lea ou te tulai atu ai, e faatumau, ae faataatiaese ia le lafo faatu a le Komiti.

**FOFOGA FETALAI:** Malo faafetai, o lea ua....

**Tofa Hon FAASOOTAULOA PATI TAULAPAPA:** Faafetai i lau Afioga i le Fofoga Fetalai, e pei lava ona ou fai atu, o le itumalo lenei e se a se a sii, se a se a foi fai se lauga, ae talu ai ona o le Tulafono lenei, ua uma lava ona uia e le sui usufono lenei ia tulaga uma e pei ona... O le mea muamua ou te avatu lau faatoesega i le Fofoga Fetalai, o lea ua o ese Leauvaa, ua ou malie i ai. Numera 1 Samauga, Mauga, Patamea, tumau pea Saleaula i le Numera 2.

**28 JANUARI 2019**

**Tulafono Tau Faaofi o Itumalo Palota 2018**  
**– iloiloga auiliili**

O lea e talafeagai e leai lava ni finauga e fai ai. A faaopoopo mai Safai, e le sosoo eleele, pe a fai ai. E le afaina fua, o lea ua aveese Leauvaa. O Leauvaa lava, o Patamea, Mauga ma Samalaeulu. Ae o lea o le a toe momono mai Samalaeulu ma Patamea i Saleaula. Ou te matua teena lava lea mea, o lea foi sa ou oo lava i lo matou itumalo, e ui lava ina ou lagona le faigata, ae na ou fai i ai, o mai e o e vaai le Afioga i le Palemia. O lea na o ai.

**FOFOGA FETALAI:** Ua maua atu le finagalo o le sui usufono. Ou te faamalulu atu foi ona o le tulaga o avanoa ma o tatou taimi, o lea foi ua e faafogaga mai o lea foi e manino le saunoaga a le Palemia ia..

**Tofa Hon FAASOOTAULOA PATI TAULAPAPA:** O lea ou te fai atu foi o lea ou te lagona..

**FOFOGA FETALAI:** O lea sa outou feiloai, o lea lava e i luma, e le o faafealofaia lea itu. Ia e faamalulu atu e faapena lagona,

**Tofa Hon FAASOOTAULOA PATI TAULAPAPA:** Ou te teena le...

**FOFOGA FETALAI:** O le soifuaga lea tatou te i ai, o tatou o taitai o le atunuu, e tatou te naunau e fai se suiga ina ia lelei le lautele o le atunuu, mo le lautele e...

**Tofa Hon FAASOOTAULOA PATI TAULAPAPA:** E pei le lautele ae faaalu tuufau? O Samalaeulu lea, e leai Samalaeulu i le Numera 1. Numera 2 lea e sao lava le taatiaga.

**FOFOGA FETALAI:** E faamalulu atu i lau Afioga, se i fai atu lava si au tala lea atonu e tofa malie i ai lau Afioga, aua e le tuli foi i ni faamalie le finagalo o le sui usufono. O le Palemene...

**Tofa Hon FAASOOTAULOA PATI TAULAPAPA:** Ou te le faapea e faamalie mai se...

**FOFOGA FETALAI:** O lena, e faamalulu atu e lelei ona e alala mai i lalo, se i taumafai atu se upu a le nofoa faamolemole Faasoo. Faamalo faafetai e malu le nofoa i lo tatou ava fatafata ma le vafealoai. Leai o le uiga lea o le soifua e faapena. E aua foi, e sa i le Fofoga Fetalai ona o matou fanaina i le tuitui se finagalo o se sui usufono leaga o le aiatatau lea faasui usufono. Ia ae na ona o matou faamanatu atu, e le tuli foi ina ia faamalieina le finagalo o le sui usufono, i se mea o lo o finagalo i ai e tauala mai i le itumalo.

E silasila i tatou o taitai o le atunuu, i se mea e lelei ai Samoa i le lumanai.

**Tofa Hon FAASOOTAULOA PATI TAULAPAPA:** Lau Afioga i le Fofoga o le Fono, e le sili atu le sui usufono i le itumalo.

**28 JANUARI 2019**

**Tulafono Tau Faaofi o Itumalo Palota 2018**  
**– iloiloga auiliili**

**FOFOGA FETALAI:** Ia, malo faafetai, faafetai o lau faaaloalo lea, malo faafetai. E faapena se lagona. O tatou e tofu i tatou ma mataupu e fitoitonu i o tatou itumalo, ia afai e manatu le sui usufono e faamalie le lagona o le itumalo, nai lo o le mea e manuia ai le atunu, ia e tasi lea lona, i le faitau mai a Samoa.

O le mea la lea ou te faamalulu atu ai i lau Afioga i le sui usufono mamalu, ia o itu na, ina ia manatu le lautele o le tapuaiga a Samoa, ia aua se fofo o lenei mea o le palota tatou te faitio ai, i palota uma, palota uma, ae o lea e saili fofo ma saili manogi, ina ia tatou foi i le mea e igoa o le temokarasi. O le mea la lea, malo faafetai, e le faamalieina i so outou finagalo se finagalo o le Malo i lana faamalamalamaga, ae tatou te faalagolago ma faamoemoe i le Atua, e fesoasoani mai fesoasoani atu.

Ia e pei lava ona maua e teena e le Malo le teuteuga e pei ona tuuina mai e le Komiti ae ua faatuina mai e le Taitai o le Malo, ina ia manino ia tatou faamaumauga, aua ne i i ai se lavelave ma se fenumiai o mea ia. O le faamalamalamaga a le Afioga i le Palemia, e faamanino ai le teuteuga lea, o le faamaninoga lena o lea o le a tuuina atu ai le fesili.

**Afioga Hon SALA FATA PINATI (Minisita mo Tagata Tafafao Maimoa Mai):** Lau Afioga i le Fofoga Fetalai...

**FOFOGA FETALAI:** Ia se i tuu atu lava le avanoa lea i le Afioga i le Minisita o Sala Pinati.

**Afioga Hon SALA FATA PINATI:** I le ava tele, ua ou tulai atu ai e fai se faamatalaga foi e tusa ai ma lenei suiga ua i ai i ai le faigamalo i le vaevaega o itumalo.

Lau Afioga i le Fofoga Fetalai ia faapea foi le paia o le Maota nei, na ou tulai mai i le tofi, o le lona tolu nei o paeaiga, ae o le vaega muamua na tulai mai, sa faapea na aumai ai le fesili, i itumalo e manaomia le toe faaopoopo. Sa faapea ona ese lagona o lenei Itumalo o lenei Itumalo o Gagaemauga, ma sa i ai ni lagona faapea, e talosaga se matou nofoa faaopoopo i le 2006. Ae i tua atu o ia tausaga, sa i ai pea ia sui usufono o lo matou itumalo sa aumaia foi le Talosaga. Sa faapea foi i le taimi na tulai mai ai ia lou tama, tulou lava, sa taumafai lava i se sui faaopoopo, aepeitai ane lea ua fai le faaiuga a le Malo, o lea e momoli atu le agaga faafetai.

E leai foi se agaga e fia faaese, ae o le agaga lava ia ina ia faafraigofie ia faiga palota. Mo le silafia o matou e autovaa i Savaii pe a fai le palota. O lau galuega sa fai ae ou te le i oo mai i le Maota lenei, ou te fai palota i Savaii i tausaga uma lava ou te alu e lagolago ia le aumatutua foi sa faapea na ave i ai ia le lagolago. Faapea lava au ou te le toe oo lava i Savaii i le tausaga lea na tea nei, i le paeaiga lea talu ai lea ou te tulai atu ai, masalo o le tausaga muamua lea o le paeaiga lea ou te le i oo i Savaii. Ae mai i isi tausaga e tele, ia o Savaii lava sa faapea ona.... e i ai la le lagona pei e avatu ai se faafetai atu i le faigamalo.

**28 JANUARI 2019**

**Tulafono Tau Faaofi o Itumalo Palota 2018**  
**– iloiloga auiliili**

Faafetai i le faatofalaiga ua faapea ona ae, ua mafai ai ona maua ia tofi, tofi faaopoopo, ou te faamalulu atu ai ia Saleaula, e le o aveesea ai le pule o lo o faapea ona ttau ai Saleaula. O la e nonofo lava ia Saleaula ma le pule. A faapea foi e nofo e palota faatasi ia Saleaula ma Patamea, Mauga ma Samalaeulu, e leai lava se mea e tasi o le a suia ai. O la e silafia lelei, ma o le mea moni lava, na tatalo lo matou itumalo i Savaii, Mauga, Patamea ma Samalaeulu, ina ia motu ese latou, mai Leauvaa i le faiga palota. Ia e pei o se tala atu lea i lau Afioga i le Fofoga Fetalai, malo le lavapapale malo le onosai.

**Tofa NAFOITOA TALAIMANU KETI:** Lau Afioga i le Fofoga Fetalai...

**FOFOGA FETALAI:** Ia se i tuu atu lava le avanoa i le Taitaifono...

**Tofa NAFOITOA TALAIMANU KETI:** Ia e momoli lava le faafetai tele i lau Afioga ina ua toe maua se avanoa o lenei Komiti e tau faamanino ai le faamoemoe.

E ioeina e le Komiti lenei sa fautuaina i le lipoti a le Komiti lea tulaga lea, ma aumai ai le tali, e le taliaina e le Minisita ia e faapea foi i le Kapeneta. Peitai e le o po se lilo, ia ma ua fofoga foi le talosaga a Saleaula, ia o le ala lea o le tagofia faanatinati e lenei Komiti, ia se feiloaiga foi ma le afioaga, e pei ona aumai ai le poloai, se i feiloai, aua lava le tuuina mai o le latou talosaga sa talia e le Maota.

Ia o le ala lea o le matou feiloai i le Aso Toonai ma le Aso Faraile na se i mavae atu nei, ina ia maua pea se sologa lelei o lenei mataupu, ia e pei ona tatalo faamaualalo mai ai alii ma faipule o Saleaula. I le matou feiloaiga, e talosaga lava le afioaga, i le tulaga o le faatumauina pea o le nofoa o Gagaemauga Nu.2. Peitai la ina ua uma la ona ou faamanino i ai tulaga uma, i le tulaga ua talanoa ai le faavae, lea e 51 ai le aofai o sui usufono ma ua punitia ai foi le avanoa i le tulaga lea. O lea sa matou toe malilie faatasi ai, ia ma faavasega mai loa e tatau lava ona tolu ia sui usufono o Gagaemauga, Gagaemauga Nu.1, Gagaemauga Nu.2 ma Gagaemauga Nu.3.

O le finagalo lea o Saleaula a o faafofoga mai ia lo tatou nuu, ia ma faavasega mai ai e taitolu i le nofoa, Samalaeulu, pe afaia o le tulaga lea, Samalaeulu, Patamea ma Mauga. Ia e faapena foi Saleaula, Safai ma Satoalepai. Ia faapena foi Avao, Vaipouli, Fagamalo, Lelepa ma Saleia.

Peitai e silasila le Komiti i le tulaga o i ai le tali a le Malo, ia e faapea foi ona lauliliuina e le Komiti, ia ua matou talanoa ai i se tulaga e faataoto, e tuuina mai le fautuaga. O lea la ua faafofoga i ai i lenei afiafi, ia o lea foi ua aumai le finagalo o le Malo, ia o le agaga lena. Na ona ou tulai atu, e faamanino, ia afaia lava e le talia, ia o le agaga lena ma le faaaloalo. Ia ae lelei ona manino i le tulaga na aumai ai fautuaga i le feiloaiga lea sa toe fai mulimuli ia ma Saleaula e pei ona talia i le Palestine, e toe faatalanoaina, le talosaga faamaualalo a le afioaga o Saleaula ma le faaaloalo.

**Tofa Hon FAASOOTAULOA PATI TAULAPAPA:** Lau Afioga i le Fofoga Fetalai, i lou ava lava ma le faaaloalo, o le mea tonu lava lea...

**28 JANUARI 2019**

**Tulafono Tau Faaofi o Itumalo Palota 2018**  
**– iloiloga auiliili**

**FOFOGA FETALAI:** Ua i ai le manatu o le nofoa o lea ua maea ona faatu mai le lafo e le Malo ma tulaga e tatau ona i ai. Ia ae manatu foi i le tatou itula faigaluega, o lea ua tatou taunu i le mutaaga o le tatou galuega.

**Tofa Hon FAASOOTAULOA PATI TAULAPAPA:** O le mea la lea o lea ou te talanoa atu i le agaga lea ua ou talia ai le mea lea. Ua ou talia foi le fautuaga a le Komiti, ona o lea lava e Numera 1 ia Samalaeulu ma Patamea, o lea foi o Safai lea matou te soofaataso sootulutulu, ma lou faaaloalo lava. Ae ou te lagolagoina ia le tulaga...

**FOFOGA FETALAI:** Ia e malo faafetai. Ia e faamalulu atu, ne i le oo se tala a le nofoa i outou finagalo, ou te manatu ai i le aiatatau e faamalulu atu, e faamalulu atu lava, ia ma ua ou manatu, ua tatau ona fai se faaiuga. Ua talatala foi i tua se manatu o le nofoa ma faaiuga a le nofoa, ae talu ai ona o le lafo ma faasaoga lea na faatulai mai e le Afioga i le Palemia, o le a agai tonu lava i ai ia le fesili i le lavelave ona o lea na tuuina mai le teuteuga e le Komiti o le Tulafono Tumau. E i ai le manatu ua teena ia le... e ui ina e le i tuuina atu le fesili, ae e i ai le manatu e teena. Ioe, ae o lea o le a tuuina atu le fesili, e tusa ai ma le lafo na tuuina mai e le Malo. Afai e talia le lafo e le Malo ua teena ai ma le finagalo lea o le Komiti, ina ia faigofie ai Faamaumauga a le Ofisa o le Fono Aoao, leaga ne i i ai se fenumiaiga o Teuteuga lea, ona fai lea o se vala.

O le Fesili po o le a faamaonia le finagalo o le Malo e pei ona tuuina mai faasaoga, sa faatulai mai e le Afioga i le Palemia?

*Faamaonia le Teuteuga na tuuina mai e le Palemia.*

**FUAIUPU 2: Faamatalaina o uiga o upu.**

*Faamaonia.*

**Afioga SALAUSA JOHN AH CHING (Faleata Sasae):** Lau Afioga i le Fofoga o le Fono ....

**FOFOGA FETALAI:** E i ai se mea o faalavelave ai lau Afioga. Ia se i tulai mai...

**Afioga SALAUSA JOHN AH CHING:** O se mea e fia malamalamala lau Afioga . Leai o le faasologa o Pili ne i te i ua pasia le avanoa ae le maua. Po o le mea e faasolosolo i Itumalo le faapasiaina o le Tulafono lenei. E oo mai foi i lou itumalo ona ou tulai lea, po o le mea o le taimi nei e tulai ai, i se mea e fia faamalamalamala po o se mea e fia faaleleia o lou Itumalo, faamolemole. O le fesili lena ma le faaaloalo.

**28 JANUARI 2019**

**Tulafono Tau Faaofi o Itumalo Palota 2018**  
**– iloiloga auiliili**

**FOFOGA FETALAI:** Ia malo faafetai, talu ai ona o lea tatou te faasolo i le tatou pepa o le galuega, e le faigofie le felaaai o le tatou fonotaga. Ae masalo, e faafesootai le tulaga ou te fia iloa tonu le mea lea o aumai ai lou finagalo. Ia ae o se taimi lea ona feiloai lea i tua atu o le tatou galuega mo se faamalamalamaga o lou finagalo.

**FUAIUPU 3: Soloia.**

*Faamaonia.*

**FUAIUPU 4: Aiaiga tau soloaiga.**

*Faamaonia.*

**FUAIUPU 1 MA LE IGOA.**

**FUAIUPU:** *Igoa puupuu ma le amataga.*  
**IGOA:** *Tulafono Itumalo Palota 2018.*

**FOFOGA FETALAI:** O lo o i ai le faasaoga a le Komiti i le fuaiupu 1 ma le igoa. Tapa ma le Taitaifono o le Komiti.

**Tofa NAFOITOA TALAIMANU KETI:** Lau Afiofa i le Fofoga Fetralai, ou te faatu le faasaoga i le Fuaiupu 1 ma le Igoa o le Tulafono e faapea:

**“FAASAOGA:**

Ia aveese le fuainumera 2018 ma suia i le fuainumera 2019 ma faitauina ai le Igoa o le Tulafono e faapea, Tulafono o Itumalo Palota 2019.

**Tulafono o Itumalo Palota 2019.”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Itumalo Palota 2019 faatasi ma Teuteuga ma le Faasaoga.*

**28 JANUARI 2019**

**Tulafono Tau Faaofi o Itumalo Palota 2018**  
– iloiloga auiliili

**FOFOGA FETALAI:** Ua tatou toai taunuū i le mutaaga o le tatou galuega. Ou te momoli atu le agaga faamalo ma le faafetai, malo le onosai, malo le lavapapale. O nisi o tatou galuega i le faitauga faatolu ma tulaga faapena mo nisi o Tulafono, e i ai le manatu o le a taoto mo taeao. E fai aso le Alii, tatou faamoemoe i le Atua, ia faapena ona foai e le lagi e mama ma le soifua manuia, maua lo outou malosi ma le tatou malosi e toe faaauau ai ia le tatou galuega i le aso a taeao.

Ae e i ai le manatu ua tatau ona muta le tatou galuega, ae tatou te le i tolopo mo le aso a taeao, o le a ou faaiuina le tatou fonotaga i se tatalo.

*Na tolopo Taualumaga a le Fono Aoao Faitulafono i le itula e 11:04 i le po seia aulia le itula e 9:00 i le taeao o le Aso Lua, 29 Ianuari 2019.*